





BX

2349

.D74

1715

✓ESLITICA

j. B. Keijnoogen

H. DREXELII.

UPPER LIBRARY.
ASCETICAL WORKS.
s. j.

ZODIACUS
CHRISTIANUS

Seu

Signa XII. Divinæ

PRÆDESTINATIONIS

Toridem Symbolis
Explicata.

OP E R U M

TOMUS VI.

BOSTON COLLEGE

COLLEGE
DOMESTIC

Apud BALTHASAREM
ab EGMOND.

MDCCKV.
HIGH SCHOOL
248.11

DREXELL
ODIA CUS
RISTIANUS

SEN
STATION
MUM
COLLEGE

BALTIMORE
MD
MCCXX



ZODIACVS

CHRISTIANVS

locupletatus

Seu

Signa XII Divinae

PRÆDESTINA

TIONIS

Totidem Symbolis

explicata

Ab

Hierem. Drexelio

e Societate IESV



COL. AGRIPPINÆ

Apud Cornel. ab Egmond.

CIO. IO C. XXXIII



Illustrissimo Principi ac Domi-
no, D O M I N O

J O A N N I

Comiti in Hohenzollern, Sig-
maringh & Vöringen; Domino in
Haigerloch, & Wehrstain: Sac. Rom.
Imperii Camerario hæreditario:
Cæl. Majest. & Serenissimo Baviaræ
Duci ac Electori à Consiliis secre-
tis, ejusdem Supremo, & Præfecto
Aulæ, & Camerario.

Editionem priorem Zodia-
ci Christiani, Illustrissime
Princeps, nomini tuo sacravi:
hanc tertiam eidem consecro,
idque lubens merito. Gracilis est
hic libellus, & forma quam an-
te, gratior, re auctior & emenda-
tior. De humanissima tua bene-
volentia nil licet ambigere, quin
ea, hoc etiam quantumcunque
tenue obsequii genus, prono af-
fectu prosecutura sit. Seneca ad
Liberalem Æbucium: Nemi-
nem unquam vidi, ait, tam be-
nignum, etiam levissimorum
officiorum æstimatorem. Idem
ego de Te, Illustrissime Prin-
ceps, jure affirmem. Nimirum

Sen. l.
5. de
benef.
c. 1.

DEDICATIO.

ea maximorum virorum indoles est, ut donantis tenuitatem humanitatis suæ opulentia non gravatè locupletent. Neque enim nesciunt mores pauperum, qui cum nequeunt offerre thura, lac ferunt, aut idem etiam sæpius donant: istud ego hic facio. Revertor igitur ad Illustrissimam Celsitudinem tuam, & hoc Prædestinationis arcanum, coram Serenissimo Electore Maximiliano, & Serenissima conjuge Elisabetha explicatum, denuo in tuas manus trado, tuis prius auribus acceptum. Atque hac ratione Zodiacum Illustrissimi Nominis tui tutela defensum, in publicum reduco. Monachii, die Beatissimæ Virginis ab Angelo salutatæ.

Anno M. DC. XXV.

Illustrissimæ Celsit. Tuæ

Obsequentissimus cliens

Hieremias Drexelius,
 è Societate J E S U.
 L E C.

LECTORI S.

Habes, Lector, XII Signa divina Prædestinationis, è SS. litteris & SS. Patribus, successivo studio collecta, & memoria iuvanda, totidem symbolis assignata. Permissi quidem antehac, rogantibus amicis, Zodiacum edi de his ipsis Prædestinationis signis: sed extemporalem illam & tumultuariam scriptiunculam: nunc abolitam cupio & expunctam. Per te id liceat, mi Lector, obsecro: & abjecto priore illo Zodiaco, hunc non tantum correctiorem, sed & altero tanto auctiorem substitue. Et hoc tibi speculum sume quotidie inspiciendum. Tuum hic erit considerare, quot in te Prædestinationis signa deprehendas: an omnia, an nullum: unum, an pauca. Ex quo proinde facilis erit conjectura, cui libro, Vitæ an Mortis, tuum nomen sit inscriptum. Supremo Mundi die, hi libri etiamnum clausi, aperientur. Et qui non fuerit inventus in libro Vitæ scriptus, mitteretur in stagnum ignis. Hi vero quorum nomina scripta sunt in Calis immensum gaudebunt & æternum.

LECTORI

Typographus.

Symbola Zodiaci Christiani suis quaque locis, ex aduerso Signis proposuimus, majoris commoditatis & ornamenti gratia.

SYMBOLVM. I.

Lux interna.



*Lucerna pedibus meis verbum
tuum, et lumen semitis meis.
Psalmus.*

I

P R I M U M
P R Æ D E S T I N A T I O N I S

S I G N U M.

S Y M B O L U M I.

C E R E U S ardens, Ardente ce-
reo designatur *Lux interna*, quæ
beneficia Dei, vanitatem mun-
di, vitæ brevitatem, peccatorum cœ-
num, voluptatum omnium vanesce-
ntes umbras sic ostendit, ut, qui hæc
videre incipit, calum jam suspiret &
exclamat cum regio vate: Sitivit ani-
ma mea ad Deum fortem, vivum; ^{Psal.}
quando veniam & apparebo ante fa- ^{41.}
ciem Dei? Multi dicunt, quis ostendit ^{Psal.}
nobis bona? signatum est super nos ^{4. & 88.}
lumen vultus tui, ô Deus, & in hoc
vultus tui lumine ambulabimus.

I. Habemus magistrum intra nos,
lumen rationis, quod liberalissimus
Deus, à suomet vultu derivatum, in
meliori hominis parte collocavit.
Hoc lumen non tantum à bestiis nos
fecernit, sed Deo jubet esse similes.
Hoc lumen menti humanæ impres-
sum, indelebilis est concio, qua iden-
tidem monemur: *Faciendum alteri
non esse, quod nobis ab aliis fieri noli-
mus*, ab altero enim sperandum, quod
alteri fecerimus; qua mensura mensi ^{Luc. 6.}
fueritis, remetietur vobis. Proinde
nec vi nec dolo, neque bona neque
pudicitiam aliorum temerandam. Hoc

1 S I G N U M I .

lumen & creata omnia, & ipsum nobis (sub velo tamen) monstrat creatorem Deum, habentem omnia, perfectum, beatissimum, aeternum, ipsum sibi cunctisque sufficientem, principium & medium & terminum, qui lucem habitat inaccessam, qui operibus & muneribus tam amabilis, quam potens, cujus idem sit & V E L L E & F A C E R E : qui totus misericordia sit & bonitas; idem tamen sanctus, severus, incorruptus, inadulabilis iudex; idem totus iustitia; qui forma & magnitudine nobis sit inenarrabilis, cui nihil simile nec videamus, sed nec suspicari aut conicere possumus visuros: prae quo venusta omnia & pulchra, merissima sint tenebrae & vilis umbra: quae quidem amabilissima & summa pulchritudo, nihil sibi gratius habeat quam *amari*. Hoc idem lumen, nostri nobis conditoris ostendit opera, aeternum diei noctisque imperium, oculream stellatamque caeli maiestatem, longissima solis lunaeque itinera, florulentum terrae gremium, spatiosissimos fluminum errores, tremendum maris dominium, animalium nationes, proventus fructuum: quae omnia non manibus nec labore ullo fecerit Deus, sed quia voluerit haec fieri, facta sunt omnia.

Hoc quoque rationis & fidei lumen supremam hominis felicitatem in eo sitam commonstrat, si suo se opifici quam maxime assimilet homo, gratum

tum namque semper esse omne quod est simile : certum enim imagini nil fieri posse melius , quam si exemplari suo sit quam simillima , & hoc de-
 mum etiam futurum , sed aliis in ter-
 ris, in orbe alio, in regione vivorum.
 nondum apparuit , inquit Ioannes, ^{1. Joa.}
 quid erimus ; scimus , quoniam cum ^{3.}
 apparuerit , similes ei erimus , quo-
 niam videbimus eum sicuti est. Ex af-
 fulgente hoc lumine , è cogitatione
 tali ingens existit in voluntate lætitia,
 spes sese in altum attollit , magnus in
 Deum calensque affectus consurgit.
 quid enim dulcius , quam seipsum
 vivam infinitæ pulchritudinis imagi-
 nem circumspicere ; scire , suo se ex-
 emplari esse charissimum ? quia vero
 non omnibus hoc lumen ita liberali-
 ter affulget , beatus David , non ean-
 dem etiam omnium esse lætitiā ex-
 pertus , de prærogativo hoc munere ^{Psal. 4.}
 sibi plurimum gratulatur , & : Signa-
 tum est, inquit, super nos, lumen vul-
 tus tui Domine : dedisti lætitiā in
 corde meo, non in corde omnium, sed
 in meo , eorumque qui à te, ó boni-
 tas, prædestinati sunt ad vitam : ideo
 in hoc lumine vultus ambulabimus,
 & in nomine tuo exultabimus tota
 die, lati, emerfisse nos è tenebris, ut
 quotidie magis ac magis in sanctissimæ
 voluntatis tuæ notitia erudiamur, &
 arcaniorem in dies tecum ineamus
 amicitiam. Beati sumus, ó Israël, quia ^{Baruc.}
 quæ Domino placeant , manifesta sunt ^{6. 4.}

4 S I G N U M I.

nobis. Iobus, cum ei omnia è terra,
 è cælo adversarentur, hujus ramen lu-
 minis jucunde recordatus : Splende-
 Job. bat, ait, lucerna ejus super caput
 c. 29. meum, & ad lumen ejus ambulabam
 Ecclef. in tenebris. Ergo vos, inquit Ecclesia-
 c. 2. sticus, qui timeris Dominum, deligite
 15. c. illum, & illuminabuntur corda vestra,
 58. Lux vestra in tenebris orietur, & re-
 quiem dabit vobis Dominus semper,
 & implebit splendoribus animas ve-
 stras, quod si deflexeritis à Deo, Æ-
 gyptiis undique tenebris involvemini.
 Ecclef. Nam error & tenebræ peccatoribus
 c. 11. concreatæ sunt.

I J. Talia, inquit divinus Spiritus,
 Sap. dixerunt in inferno hi, qui peccave-
 c. 5. runt. quanam illa? neque enim otiosa
 videtur aut inutilis curiositas, nosse,
 quæ apud inferos loquantur damna-
 ti. quæ apud exterarum nationes, in re-
 gum palatiis, in principum curiis agan-
 tur, avidi audimus : scire, quæ, apud
 inferos fiant, si non ingratum, multo
 minus erit inutile; præsertim cum hæc
 non incerta sit, uti plerumque rerum
 novarum narratio. qui ergo damna-
 torum sermones sunt? Ergo erravi-
 Sap. mus à via veritatis & justitia lumen non
 c. 5. luxit nobis. Ergo erravimus. hæc qui-
 dem consequentia est, sed ubi antece-
 dens? Venite & fruamur bonis, quæ
 sunt: vino pretioso & unguento nos im-
 pleamus, & non prætereant nos flos tempo-
 ris. coronemus nos rosis antequam mar-
 cescant :

cescant: nullum pratum sit, quod non per-
transeat luxuria nostra. Ad prata se in-
vitant; quid amplius facerent boves
& vacca? En, istud est antecedens, quod
fecerunt in mundo, consequentia pri-
imum facta est in inferno. Heu, pessimi
dialectici! ubi enim antecedens po-
suerunt, ibi & consequentiam debuif-
sent subungere: Venite, fruamur bonis
quæ sunt. mox fuisset concludendum:
Ergo erramus, nam aut in hac vita pœ-
nitendum, aut ardens in altera;
pœnitendum hîc est, non sine fine
peccandum; cruces jam cogitandæ
non deliciæ; certandum hîc est, alibi
triumphandum. Ergo errasti: conse-
quentia bona est & vera, sed nimis se-
ra: & iustitia lumen non luxit nobis. Et
quodnam hoc iustitiæ lumen? Si ius-
titia est, uti legumlatores volunt, jus
suum cuique tribuere, iustitiæ quo-
que munus erit debitam rebus om-
nibus æstimationem non negare. il-
lud ergo animi lumen, quod cuivis
rei congruam assignat æstimationem,
iustitiæ seu intelligentiæ lumen meri-
tò dicetur. Et hoc est, quo se caru-
isse damnati queruntur. generosa vi-
na dignoscere corollas capiti, epulas
ventri seligere, per vireta delicias se-
ctari, hæc quidem omnia exacte scive-
runt; sed hæc eadem deliciis æternis
nequaquam esse præterenda, suaviter
nescire voluerunt. pudendas & bre-
ves oblectatiunculas tanti tecerunt,
ut præ illis omnia beatorum gaudia
 non

non magni viderentur esse pretii, vitæ
sua, suas epulas, Veneres, rosas suas
tam temere amarunt, ut audacter
spernerent ipsas etiam cælestes deli-
cias, adeo chara fuit illis peccandi li-
bertas, ut vilis esset omnis *æternitas*.
Sed hæc est iniquissima rerum æstima-
tio: contrarium docet intelligentiæ
lumen, quod unam & unicam summi
vult æstimari *æternitatem*, vili pendi
cetera omnia. *Ergo erravimus?* Res
ipsa loquitur: *Ergo iustitia lumen non
luxit nobis?* Nimis jam certum est.
Multi sunt, qui nolunt intelligere ut
bene agant. Voluntaria sed blanda se-
met ignorantia decipiunt; omnem
viam non bonam ingrediuntur. Ex
horum numero & vos fuistis: nolui-
stis intelligere ut bene ageretur. Ergo
clamate jam, & ululate miseri: hæc
vestra per totam æternitatem erit
cantiuncula: *Ergo erravimus, ergo ius-
titia lumen non luxit nobis*. hic infero-
rum psalmus est, hæc eorum flebilis
carmina æternum ploranda.


III. Attendite Christiani, & missos
Baruc. calo radios ne excludite: det Domi-
c. 1. nus virtutem nobis, & illuminet ocu-
los nostros, hoc intelligentiæ lumine
immissio, facile cuius patet, non plu-
ris faciendos esse homines quam
Deum, nec divitias quam conscien-
tiam, nec pluris humanum quam divi-
num favorem: sed nec voluptatem
quamcunque calo præferendam, nec
fluxa

fluxa hæc æternis esse anteponenda.
Et vere non habet (ait Chrysostomus)
quod super terram amet, qui cale-
stem dulcedinem degustavit.

Hoc intelligentiæ lumen bonus
Deus Augustino liberalissime voluit
allucere: Admonitus, inquit, redire ^{Lib. 1.}
ad meipsum, intravi in intima mea, & ^{conf.}
vidi qualicumque oculo animæ, lucem ^{c. 10.}
Domini incommutabilem; qui novit
eam, novit æternitatem. Et inveni me
longe esse à te in regione dissimilitu-
dinis. Ab hoc intelligentiæ ac iustitiæ
lumine non multum discrepat lumen
devotionis, de quo D. Bernardus: Ro- ^{Serna.}
ga, inquit, dari tibi devotionis lumen, ^{3. de}
diem serenissimam & sabbatum men- ^{circu.}
tis, in quo tanquam emeritus miles in ^{Dom.}
laboribus universis vivas absque labo-
re, dilatato nimirum corde currens
viam mandatorum Dei, ut quod prius
cum amaritudine & coactione tui
spiritus faciebas, de cetero cum dul-
cedine peragas & delectatione. ad
idem invitans nos regius psaltes: Ac-
cedite, inquit, ad eum, & illuminami- ^{Psal.}
ni: gustate & videte, quoniam suavis ^{33.}
est Dominus. amœnum hoc cordis
lumen est, & plena voluptatis flam-
mula, quæ Deum homini majorem in
dies atque majorem ostendit. Ad hoc
lumen in humano pectore accensum,
quotidie crescit (res mira) incremen-
ti omnis incapax, immensus Deus.

SYMBOLVM. II.

Promptitudo ad mortem.



*Coarctor autem e duobus: desiderium
habens dissolui, et esse cum Christo
ad Philipp. Cap. 1.*

9

SECUNDUM
PRÆDESTINATIONIS

SIGNUM

SYMBOLUM II.

CRANIUM seu CALVA,
qua declaratur *animus ad mortem
quancunque illam semper paratus*. Et
Vos, inquit Christus, similes estote ho-
minibus expectantibus Dominū suum
quando revertatur à nuptiis, ut cum
venerit & pulsaverit, confestim aperi-
ant ei. Pulsat Dominus, inquit Grego-
rius, cum per ægritudinis molestiam ^{Hom.}
mortem vicinam esse denuntiat. cui ^{13 in}
confestim aperimus, si eum cum amo-
re suscipimus; aperire pulsanti judici
non vult, qui exire de corpore trepi-
dat, & videre illum, quem contem-
plisse se meminit, judicē formidat: qui
vero spe & operatione securus est, pul-
santi mox aperit, vocari se gaudet, &
ob futuri præmii gloriam vel inter la-
crymas hilarescit. quin ergo dissolvi ^{Phil. 13}
cupimus & esse cum Christo; multo id ^{Pf. 119}
melius, quā si prolongetur noster hic
lugubris incolatus. Non potest male
mori qui bene vixerit, nec bene mori
qui vixit male. Et quid illud est, quod ^{Augu-}
nobis eripi adeo formidemus? vita ^{stin. de}
quid est? nisi ludibriorum scena & ^{doctr.}
mare miseriarum, quacunque veharis ^{Christ.}
navi, aurea an argentea, gemmea seu
lignea assilientes fluctus non declina-
bis.

10 S I G N U M I I.

bis, in adversantes scopulos sapius impinges, in periculosis vadis crebrius obhæresces. beatus ille qui mare hoc transiit, beatus qui enavit, & jam in portu est, quod si quis ad mortem ante seros annos perveniat, non magis conqueri debet, quam qui cito navigavit.

Quid ergo mortem, laborum finem, præmiorum auspiciū metuamus? hoc iudiciū à Domino omni carni prioribus sæculis nemo evasit, sed nec futuris evadet ullus: quotquot antecesserint, omnes sequentur; ad hanc legem nati sumus, & eo imus quo eunt omnia: mors, omnibus est finis, multis remedium, probis etiam votum; iis certe qui ad vitam prædestinati sunt: mors omnium dolorum & solutio est & terminus, ultra quem mala eorum non exeunt, infania foret, optimi Domini decreto resistere, ac tributū nolle pendere quod pendunt omnes, libertatemque ambire, quæ nulli conceditur. Altior est Theologia Christianorum, quæ vitam in patientia, mortem habere novit in desiderio, Cygnus, si Solino credimus, in vita gemit & tristatur, in morte lætatur & canit. itidē electi faciunt, dum vivunt, gemunt; cātant in morte, æternū in calo lætaturi. ita octogenarius ille olor cecinit. **Sim.** Nunc dimittis servum tuum in pace. Et cur lamentemur ruente tuguriolo nostro; scimus quoniam si terrestris domus nostra hujus habitationis dissol-

Solin.
de mi-
rabi-
lib.
mundi.

Luc. 2.

2 Cor.
5.

PRÆDESTIN. II

dissolvatur, quod ædificationem ex Deo habeamus, domum non manufactam, sed æternam in cælis.

I. Et quis è rigido strato non surgat promptius? ii solum cunctantur, qui inplumeo calore mollius foti, difficulter deferunt calentem nidum. agre tibi est in hac vita? ergo non invitus, puto, transibis ad meliorem. bene tibi est? ergo maturum omnino est ut mox finias, ne te prosperitas, uti multos, præcipitet sera quidem sed gravi ruina. Non ergo timendum est, inquit Tertullianus, quod nos liberat ab omni timendo. longum Deus adimit tormentum homini cum vitam ei concedit brevẽ. ideo generosus martyr Cyprianus, audita Valeriani Imperatoris contra se sententia, *Thascium Cyprianum gladio animadverti placet, elatis cælo manibus & oculis: DEO GRATIAS*, respondit, *qui me à vinculis hujus corporis dignatur absolvere.* Miratur Ambrosius, quosdam, cum Lib. de moriendum, extrudi velle potius è bono suo carcere quam educi, &c. Quid, in- mortis. quit, est in mundo & vita hac, nisi pugna cum ira, libidine, gula? Eiusdem In c. 1. ad Cor. loff. animi Chrysostomus: Quid inquit, dicis homo? ad regnum vocaris, ad regnum filii Dei, & oscitabundus es totus, ac desudum more scalpis ad torpes? Si namque singulis diebus vel in mille mortes infiliendum esset, an non omnia ferre oporteret? atqui

principatus gratia nihil non faceres cum vero consors futurus sis regni Unigeniti Dei, non objicies te vel mille gladiis, non in filies in ignem? at tu luges etiam quod abiturus hinc es, & presentibus libenter immoraris, plus a quo corporis curam agens. quidnam hoc est? & mortem etiam horrendum quid esse putas. Horum vere causa sunt deliciae & vitae remissio, aliqui qui vitam vivit acerbam, avolare quoque vellet & ab hac vita liberari. ita idem nobis evenit, quod pigrescentibus avium pullis, semperque in nido harere cupientibus, sed quanto diutius haerint, tanto redduntur imbecilliores: Nidus quidam est praesens hac vita ex festucis & luto compactus, etsi magnificas mihi ostenderis aedes, etiam ipsas regias auro multo & lapidibus pretiosis splendoras? nihil tamen illas ab hirundinum nidis putabo differre. Ingruente namque hieme sponte sua cadent omnia.

Ita sit prorsus, Chrysostome, auree orator: cadunt tandem omnia, & nos cum ipsis, plerumque hoc ipso tutius quo citius. hinc gratulatur Sapiens, Raptum esse justum, ne malitia mutaret intellectum ejus, hinc & Angelus mori timentem increpans: Pati, ait, timetis, exire non vultis, quid faciam vobis? Fidem resurrectionis non habet, qui ad meliora non festinat. Si domus ruinam minetur, nonne prompti ex ea migramus? si navis

inter

inter procellas periclitetur, nunquid animo toti sumus in portu? mundus hic ingentibus ubique ruinis fatiscit, ubique fluctus & procellæ: quin ergo portum cogitamus, quin migramus ad patrem? ubi nos charorum turba expectat, de sua salute secura, de nostra sollicita. O beati mortui qui in Apoc. Domino moriuntur, quia in Domini^{c. 4.} sinu quasi morientes conquiescunt & sic quiescendo suaviter in mortem obdormiscunt. ita Stephanus inter Act. ipsos saxorum nimbos, in tanto lapidantium tumultu & fremitu, obdormivit^{c. 7.} tamen in Domino. Ita Lazarum^{Ioan. c. 11.} amicum suum Christus obdormiisse^{Deut. c. 14.} dixit. ita & Moses servus Domini mortuus est iubente Domino, & sicut mater infantulum brachiis suis indormentem deosculatur, & sic in lectulo taciturna molliter reponit, ita sunt qui dicant, scripturæ sensu, Mo- sen ceu dormientem infantem à Deo per osculum & amplexum in sinu Abrahamæ quasi in lectulo collocatum. Nimirum, cum dederit dilectis suis som-^{Psal. 126.} num, ecce hæreditas Domini. Ter beati sunt hi mortui: amodo jam dicit^{Apoc. c. 14.} Spiritus ut requiescant à laboribus suis, opera enim illorum sequuntur illos, tanquam famuli suum Dominum, filii suum patrem, nobiles suum principem; sequuntur usque ad tribunal Dei, deducunt & comitantur usque ad supremam Dei curiam, quo solum nobiles hi famuli intromittuntur. quis-

14 S I G N U M I I .

quis ergo ad vitam prædestinatus est mortem ut optimum naturæ inventum prædicat, cum non alia via illuc se perventurum sciat, & quia ejusmodi homo nunquam non paratus est mori, sic secum ipse ratiocinatur.

II. Quid mori trepidem? iter patrum imo omnium latam tritamque semitam ingredior, quid solus ego mihi nescio quid aliud malim? libens faciam, quod facerem etiam nolens: scio, quicquid fit à volente, fit levius, & desinit esse necessitas, cum accedit voluntas. Sed nec tergiversandi causam habeo, cum esse desino, quod invitus fui, mortalis, ideo corpus hoc accipi ut redderem, & ideo reddam, ut denuo recipiam cum scœnore. hætenus à conspectu Dei mei detentus sum per mortales has moras, quibus illi vitæ meliori præluditur, nam lux ista quam velut extremam multi reformidant æternæ natalis est, veniet iterum qui me in lucem reponat dies, & ideo æquissimo animo, rediturus exibo. ô quam latus amplectar diem, qui meo me domicilio assignet; qui me hinc ereptum, & omnibus laqueis exutum restituat paradiso! In multis me reum non nescio, sed misericordia tua, ô mi Domine, Oceanus est & immensissimum mare. In hunc ego me Oceanum, in hoc mare præcipitabo, cum me voluerit mors de hoc vitæ colliculo dejicere. sic unico mei
ipsum

ipſius in ſinum miſericordiæ jaſtu,
 omnes vitæ moleſtias abrumpam. &
 utinam mors nullas in via moras ne-
 ſtat: quodocunque veniat, volentem
 me inveniet, & paratum quieſcere.
 non ſic odi quietem, ut reſpuam ma-
 lorum ferias. Et cur non potius tunc
 gaudeam, cum vitam hanc miſeria-
 rum innumerabilium officinam lice-
 bit claudere, mortis & fortunæ jugum
 excutere, diem ordiri nulla nocte fi-
 niendum. Felix nuncius cum me Rex
 meus vocaturus eſt, & ex hoc carcere
 liberaturus: multa faciam ſolutus,
 quæ vinctus nullo unquam ſtudio di-
 diciffem. Avicula, aperta cavea non
 ejicitur, ſed evolat, ſic ego in apertas
 illas & caruleas plagas libens emi-
 grabo, vitæ jam pridem ſatur. De loco
 mortis meæ, de tempore nil angor
 penitus. faciat ille qui me fecit, quic-
 quid vult. *Voluntas* illius unica mihi
 vitæ mortisque eſt regula: nil malū
 ab eo aut acerbi metuo, qui ipſa eſt
 bonitas. Et nonne in figuli manu eſt,
 vaſculum levi rota effingere, & idem
 frangere? Vaſculum ego ſum à magno
 illo Figulo: quid querar ſi qui me
 finxit, velit frangere, imo reſingere
 & ex miſero reddere beatum? vivere
 me vult? quandiu vult, volo. vult me
 mori? nullas mortis inducias nec ad
 momentum poſco. initium meum &
 finis ab illo ſunt, quicquid ille immi-
 ſerit, excipiam non libenti tantum;
 ſed & hilari fronte: mihi vivere

Philip.
 c. 1.

Christus est, & mori lucrum. Amo te, ô mi amantissime Deus, cupioque ardentius amare; hac amoris flamma cor meum penitus liquefiat: nihil extra te me beat. Et quando, mi Deus, & quando ad te hinc evolabo? sequor te, benigne parens, sequor, & eo promptius cum propius ad te vocas.

III. Ita sentit, qui alibi vivere, & cum Christo esse cupit: neque istud novi quid est, Nam sicut medicus, inquit Theophylactus, cum videt agrum fastidire cibos & pharmaca, prior ea ipse sumit, ut agrum ad eadem sumenda inducat: ita Christus prior ipse gustavit mortem, ut eam gustare non horreat Christianus. Cur jam, mi Christiane, etsi natura timidus sis, & mori te sentias, non priorem illum, quem loquentem audiisti, æmuleris, & intrepido ac fidenti animo tu quoque in has voces erumpas: Calicem salutaris accipiam & nomen Domini invocabo: calix iste amarior quidem est, illum tamen bibit ipse meus Servator & ex cruenta cruce eundem mihi exhauriendum propinavit. Calix iste fatale mortis poculum est, quod Christus sponte, quod omnes omnino homines perhauriunt inevitabili necessitate; cur ego hoc solus recusem? quisquis coepit vivere, desinere debet, ut denuo incipiat, & quidem illam vitam quam nunquam desinat, quid er-

Psal.
115.

go tibi vis vane timor , quid revocas
 damnosa mæstitia ? calicem quem de-
 dit mihi Pater , quem Christus mihi
 miscuit, & ipse bibit, non vultis & bi-
 bam illum? mortalis ego sim, & mori
 non didicerim? Cum apud Alexandrum
 Macedonem gravius decumbentem
 aliquot male anxii amici , Philippum
 medicum de veneno porrigendo in-
 simulassent, Rex Philippum cum parata
 potione ad se venientem sic excepit :
 altera manu amicorum illi literas
 porrexerit , altera pharmacum ab illo
 accepit: dumque medicam potionem
 ori admooveret, oculos in Philippi vul-
 tu defixit, si quas forte in illo, ob com-
 mistum toxicum , conscientia notas
 deprehenderet : cum egregiam in se
 medici fidem è facie disceret, intrep-
 idus porrectum poculum perhausit. ita
 & ego faciam : poculum quod me in
 quietem & longiorem somnum da-
 ret, J E S U S meus, medicus & Ser-
 vator meus mihi temperavit, & por-
 rexit ebibendum : ego, dum illud ex-
 haurio , oculos ab hoc meo medico
 non demittam; vultum meum firma-
 bo in crucifixi Domini mei vultu, in
 quo summum in me amorem inscri-
 ptum legam, simulque constans & im-
 perterritus hunc calicem perhauriam
 qui tanto plus habet salutis, quo plus
 amatoris. Ita, mi Christiane, mors ipsa
 cum venerit , facile vincitur, si prius
 quam veniat, semper cogitetur, nun-
 quam timeatur.

SYMBOLVM.III.

Frequens Sacramentorum
confessionis et cōmunionis usus



*Hic est panis de cælo descendens, ut si
quis ex ipso manducaverit, non
moriatur. Ioan. 6.*

TERTIUM PRÆDESTINATIONIS

SIGNUM.

SYMBOLUM III.

AVREA EVCHARISTIÆ.
HIEROTHECA. Qua exprimitur, *Frequens Sacramentorum, Con-Ag.*
sessiois & Communionis usus. Olim ^{c. 2.}
erant perseverantes in doctrina Apostolorum, & communicatione fractionis panis. Observatum est autem luculenter, quo magis hic Ecclesiæ primæ æmos intepuit, eo magis ardor spiritus, charitatis ignis, sanctitas omnis refrixit. Hic omnes cacodæmonis astus & conatus mirifice desudant. Hoc agit, hoc laborat impigre veteranus, ut à frequenti Eucharistiæ usu quam plurimos retrahat. Et quos ille non ponit obices? quæ non fingit impedimenta? quot obstacula molitur? nunc fidei dubia ingerit; ubi non auditur, fucatam reverentiam persuadet, aut majorem in ea re gustum, si rarius fiat, nunc plurimorum consuetudinem in exemplum trahit, qui etiam boni Christiani sint, licet hic infrequentes: modo sermones hominum & dentes opponit, modo molem negotiorum. jam inusitatas evagationes animi, angores conscientiae, jam inimicitias & alterna inflammata odia. huic aridam reddit mentem, & ab omni caelesti sensu exsuccam, isti

B s præ-

præparationem efficit moleſtam, difficilem, &adio plenam, in alium totos variarum cogitationum exercitus immittit, ut vel ſic viam intercludat ad divinum hoc epulum: ſunt, quos neſcio quo religionis prætextu decipit, ut ſaltem differant, quod non cenſent omittendum. ita mille fucos facit & tricas tricis neſcit malignus impoſitor; ita de die in diem confeſſionis & communionis ſacramentum differtur, ita mora moræ neſcitur, propoſitum propoſito adjungitur, & dies alius poſt alium conſtituitur, ita hebdomades eunt & meſes & anni, cum ad Chriſtum non niſi rariffime, & fere inviti ac coacti venimus.

Luc.
c. 14.

I. Et cœperunt ſimul omnes excuſare, hic villam emit, hic boves; iſte uxorem duxit: nemo vacat, cum ad Chriſtum veniendum. palliolata hæc eſt & honeſta titulo, ſed re non parva infania. Et cur nec ad horulam quidem, curas villæ, boves præſepi, uxorem fornaci relinquimus, & nos ea agimus, quæ ſalutis noſtræ ſunt? ſi ad colendos agros, aut ad vineas paſtinandâs vocaremur, eſſet cur dormire mallemus quam fodere, at juſſi diſcumbere, & una cum Chriſto convivari, nec alium cibum quam Chriſtum ipſum ſumere, quod fuga tam agreſti nos ſubducamus, hoc demum dementiæ eſt inſignis aut impudentiæ. Deum iratum ſi fugeremus, Adami nepotes

nepotes nos fateremur, sed Deum misericordem & placatum, Deum vo-
cantem & ad paratissimam caelestiumque deliciarum plenissimam mensam suavissime invitantem sic aversari, hoc ferarum est non hominum. Sed ut excusationes nostræ suos habeant colores, culpam & torporem nostrum non fædis aut illicitis præteximus, non furta aut adulteria causæ nostræ, sed honestissima quæque obtendimus, quid enim mali, conjugium inire, rem familiarem curare, pecora aut prædia emere? & quid vero in his, mi homo, boni est, si nos hæc avocent à summo bono, ab animæ salute? sic curandum est corpus, ne pessum eat animus; sic emenda est villa, ne perdatur calum. Ad coenam magnam vocamur, tantisper seponenda sunt cetera omnia, dum adsumus vocati: quiescant interim & villa, & boves, & uxor, negotia cuncta curæque sileant, dum nos in coena hac magna, cum Angelorum rege loquimur. at nos eò sæpe impudentiæ progredimur, ut non vereamur: *Non possum venire.* Verius diceremus: *Nolo venire* ita pergite, mei Christiani, ita vobis Deum conciliabitis. Ah, miserabiles & nemini quam nobis metipsis damnosiores! Algemus & ignem fugimus, ægri sumus & medicum spernimus, cum tanto magis medico egeamus, quo minus ægros nos esse sentimus: nimirum cepas & allium
ore

22 SIGNUM III.

Exod.
c. 16.

ore patulo inhiamus, fastidimus suavissimum Manna. Edixit olim Deus per Moſen, colligeret Manna populus per ſingulos dies, ſolo ſabbato feriretur. & nos noſtrum habemus Manna, idque longe præſtantius; illo fruſ licet dum vivimus, & uſq; dum mors nobis ſabbatum indicat. Sed & hic patriſſamus miſeri. Adam, ait Geſon, è ligno vitæ edere noluit cum potuit: jure punitus eſt; non potuit cum voluit. ſic & nos dum poſſumus, adeo contumaciter nolumus, ut ad aliorum convivorum menſas, alio qui promptiſſimi confluamus, ſolum ad hanc divinam Chriſti menſam, non niſi ægre & raro pertrahamur. ſic in nullo ferme quam in ſalutis noſtræ negotio ſomniculoſius agimus; in ceteris alacres, hinc pigramur. Ad formicas Deus pigritiam noſtram ablegans: Vade, inquit, ad formicam ô piger, & diſce ſapientiam. illa cum naturæ ductu præſciat, cibos hieme non poſſe colligi, æſtate quærunt, quæſitamque annonam ſervat hiemi. hoc & nos ſtudioſius deceret facere. Immortalitatis alimoniam proponens Chriſtus: Si quis manducaverit, inquit, ex hoc pane, vivet in æternum. Ad æternam hanc vitam prædeſtinati, quamdiu mortis hiemem non ſuperarunt, vitalem hunc cibum aſſidue quærunt. Et hoc ipſe voluit quod dedit ſanctiſſimum iſtud Sacramentum, non tantum adorandum ſed &

manducandum, ut cibum : cibo identidem repetito vitam tuemur corpori, alioquin ab infito nobis calore consumendi ; cibo etiam frequentius sumpto animæ servanda est vita, aliter ab impuro concupiscentiarum æstu pessime depascendi. ideo D. Innocentius monet : Cavendum esse, ne, si nimium hujus Sacramenti sumptio differatur, mortis periculum incurratur. idem omnino monens D. Hilarius: Timendum est, inquit, ne diu abstractus à Christi corpore, alienus remaneat à salute : qui peccare quieverit, communicare non desinat. Sed hoc ipsum est quod volumus, hæc nostra sunt impedimenta : communicare potius desinimus, quam peccare cessemus, hanc potius mensam vitamus, quam petulantiam nostram ; ad sanctos castosque mores nec sic quidem suavissime duci sustinemus. serpenti olim, Deos nos fore mentienti credidimus, nunc Deo nos in se mutandos affirmanti vix fidem habemus. promittit Christus, qui manduca-
Joan.
c. 6.
eat meam carnem & bibit meum sanguinem, in me manet & ego in eo. audimus promissum, at lentissime credimus. præcipit Christus hoc faciendum in mortis suæ memoriam, nec dubium quin eam velit esse quam creberrimam : præceptum nobis videtur æquum, sed, contra quam Christus voluit, non credo exequendum. Suadent omnes Sancti Patres, hanc mensam

mensam frequenter accedere; consilium illorum non displicet, sed pravalet consuetudo nostra. Prælucent tot pii homines exempli sui facem; videmus, non sequimur.

II. Si, quoties Eucharistiam quis sumit, toties mille numûni aureorum adjiceretur auctarium, suaforiis verbis nil opus foret amplius, rationes has aureas nemo non caperet, arcenda esset multitudo non accersenda, heu humanam cæcitatem! aurum cernimus, & capimur; latentes Eucharistiæ thesauros quia non consideramus, spernimus. Arenularum pauxillum est omne aurum, si huic gemmæ conferatur; pretium illius nemo satis æstimaverit. Eucharistia peccata leviora delet, graviora cavet, impetus animi vitiosos enervat, intelligentiam illustrat, voluntatem incitat, conscientiam exhilarat, contra cacodæmonem armat; in adversis ne deficiamus roborat; in prosperis ne cadamus adjuvat, in meliore tramite ut progrediamur confirmat. Eucharistia dat pignus futuræ gloriæ, & cum eo simul mortis contemptum, cœli desiderium, affectuum moderationem, vitiorum horrorem, virtutum amorem, sui ipsius victoriam, in recte cœptis perseverantiam.

Sed animus, inquis, mihi aridus, vānus, frigidus, immundus est; non audeo accedere. Aut nulla hac est excusatio

fatio aut mala, eoque minus differen-
 dus accessus, quo magis est talis. Isti-
 mundus es? accede, Eucharistia fons
 est puritatis. æger es? medicina est, &
 certissimum omnium animi morbo-
 rum antidotum. Esuris? en panem
 angelorum. Lethalitorpes gelu? ne dif-
 fer, hic ignis est. tui te hostes exer-
 cent? ne diffide, hic panoplia & ar-
 mamentarium est instructissimum.
 tristis es & mœrore consumeris? hîc
 vinum est quod lætificat cor hominis.
 delicias quæris? nusquam veriores
 sunt, quam in hoc epulo, quod delicias
 præbet etiam regibus. Patriam adspi-
 ras? en viaticum: pretiosior tibi datur
 viatica cœna ad cœlum tendenti,
 quam Eliæ ad montem Horebum
 eunti Quod si sanguinis fluxum stetit
 illico, Christi vestis vel tacta tantum,
 quid Christi corpus non poterit? Sed
 indignus sum, inquis, qui toties pascar
 tam divino cibo, nec dignam adversus
 illum reverentiam exhibere possum.
 Obsecro, Christiani, pigritiam no-
 stram reverentiæ nomine ne colore-
 mus: Melius est ex amore accedere,
 quam ex timore abstinere, inquit ^{Par. v.}
 D. Thomas. D. Ambrosius, verba Do- ^{q. So.}
 mini, *Panem nostrum quotidianum da* ^{a. 10.}
nobis hodie, de Eucharistia interpreta- ^{ad. 3.}
 tus: Si quotidianus, inquit, est panis, ^{l. 5. de}
^{Sacra.}
^{c. 4.}
 cur post annum illum sumis? accipe
 quotidie, quod quotidie tibi pro-
 fit. Sic vive ut quotidie merearis accipe-
 re: qui enim non meretur quotidie ac-
 cipere,

lib. 4. de fac. c. 6. cipere, non meretur post annum accipere. Si enim quotiescunque (inquit loco alio) sanguis Christi effunditur, in remissionem peccatorum effunditur, debeo semper illum accipere, ut mihi peccata dimittantur; qui semper pecco, semper debeo accipere medicinam. Gennadius Massiliensis. Quotidie inquit, percipere Eucharistiam, nec laudo nec vitupero, omnibus tamen dominicis diebus communicandum suadeo & hortor, si tamen mens sine affectu peccandi sit, quæ præcipi posset facilior præparatio, quam affectum ad flagitia ponere, hoc est, deinceps Deum odisse nolle. certe nimis illiberalis est in suum conditorem, qui hoc pestilenti ad turpitudinem affectu carere non vult in gratiam sui conditoris. His talibus non immerito iratus paterfamilias: Dico vobis, inquit, quod nemo virorum illorum gustabit coenam meam. quid ais Domine? illimet ipsi sunt, qui coenam tuam gustare nolunt, & id tamen eis in contumacia supplicium statuis? ita prorsus, id quod ipsi volunt sit ipsis in poenam & pessimum eorum velle, sit ipsis in supplicium. Cum gravi fame laboraret Samaria, & Elisæus vilissimam annonam rei frumentariæ propediem futuram promitteret, unus è regis satrapis ut vanum hoc vaticinium irridens: Si nubes, inquit, prægnantissimæ frumento pluant, nunquid ideo farina tam vilis erit pretii? Cui Elisæus: Videbis, inquit,

lib. de
dogm.
Eccles.
c. 53.

lib. 4.
Reg.

inquit, oculis tuis, & inde non comes : omnia ex ordine sunt facta. Multorum hodieque pœna hæc est, vident divini panis abundantiam, sed inde non comedunt. videbis, frigidissime Christiane, sub re divina panem hunc in altum attoli, sed inde non comes; videbis per plateas ad agros deferri, sed inde non comes; videbis plurimos illo in templis refici, sed tu inde non comes : exclusus es ab hac mensa, quia teipsum exclusisti.

III. At vero prædestinati, velut germani Dei filii, hoc panem diu carere. gravissimam patris iram interpretarentur, ita nullam illius fruendi occasionem negligunt, non enim nesciunt quam benigne providentissimus Deus cunctis animantibus suum cuique cibum pararit, aquilis aves, leonibus feras, equo avenam, bovi fenum, gramen ovibus, cetero pisces, homini panem è terra, si qui hominum velint esse filii, panem è coelo, hunc illi coelestem, hunc filiorum, hunc Angelorum panem, magno desiderio, submissa reverentia, ardente affectu sumunt creberrime, maluntque pie impudentes filii quàm malè verrecundi hostes videri. Ex horum prædestinatorum numero si quem Christus in magna hac cœna sic alloquatur : Attende quid timore tui pro te fecerim. Spinæ in capite meo numerabis, non item dolores alios in corpore

pore ; Flagella & clavi corpus meum
 fauciarunt, at vero cor meum injuria
 innumera. Ipsam p[er]ne mortem pro
 te passus sum in horto , angores me
 prius flagellarunt quam milites. Tuum
 jam est cogitare, quid hostes fecerint,
 cum etiam amicissimi laderent. scis,
 in quam duro lectulo pro te mortem
 obierim. Amor meus (ut disceres,
 quantus fuisset) acerbissima omnium
 & ignominiosissima morte defungi
 voluit, sed ignominiosior illa crucis &
 acerbior reperiri non potuit. En, pro
 te mortuus sum , & millies pro te
 mori non recusassem. Tu vero pro
 me quid patieris ? si vis ut meus in te
 amor sit perpetuus, fac ut sit mutuus,
 amantem te ama. Ego te amavi ad
 mortem, ad crucem usque, & quous-
 que tu me amabis ? Quis praeestina-
 torum illorum non sincerissimis in-
 fusus lacrymis respondeat ? Etiam ad
 mortem usque , ô mi amantissime
 Domine , etiam ad ipsam usque cru-
 cem te amabo , si sic tibi placeat. Et
 quis mihi tribuat , ut ego moriar pro
 te, mi Iesu, ô Iesu mi suavissime ? quis
 ego sum, ut pro te mori sim dignus ; &
 quis tuus hic est amor, ut hæc pati, ut
 sic mori pro me, sine me, ô vita mea,
 volueris ? Hi tales gemitus, castissima
 hæc suspiria crebrae communionis,
 epulatoria solent esse colloquia ; sic
 animus Deo suo intime unitur.


Et idcirco communionem crebram
 (ut modo sinceros ea habeat affectus
 etsi

et si non ardentissimos) magnum prædestinationis signum ponimus. Verum, quidquid vel libri clament, vel cathedræ, pars magna Christianorum tam gravi malæ consuetudinis veterino premitur, ut nullis piorum exemplis, nullis sanctorum monitis excitari queat, & ad frequentiore sacramentorum usum permoveri.

O Christiani, quæ glacialis rupes, quod letale frigus pectora vestra constringit, ut sic refugiatis amœnissimum hunc solem? non advertitis, hoc meras esse technas cacodæmonum, qui omnem divini amoris ignem in nobis cupiunt extinctum, ut hoc animi pessimo frigore obrigescentes, vivamus velut mortui, pereamus in sordibus, nec in illam vivorum regionem perveniamus? At qui perseveranter Christum amat, nil magis quam sæpe cum Christo esse desiderat, ut verissime dixerit Cassiodorus: Inaudita est dilectio quæ amicum amat, & præsentiam ejus non amat.

SYMBOLVM.IV.

Renunciatio omnium.



*Quæ mihi fuerunt, lucra, hæc arbitratus
sum propter Christum detrimenta
ad Philipp. 3*

QUARTUM

PRÆDESTINATIONIS

SIGNUM.

SYMBOLUM IV.

ALTA RE NV DV M ET
DEVELATVM. Per quod
significatur *Renuntiatio omnium*. Pro-
clamat Servator noster : Qui non
renunciat omnibus quæ possidet,
non potest meus esse discipulus. Re-
nunciare jussit omnibus, suavit re-
linquere omnia. Ita dicat qui Chri-
stiani sanguinis est: Pauperrimus esse
malo quam Dei inimicus; malo bo-
nis omnibus, quam divina gratia spo-
liari.

Paupertas multos fecit mercatores
non aromatum aut panni, sed coeli.
Simile est, inquit Christus, regnum ^{Matth.}
coelorum homini negotiatori, quæ ^{13.}
renti bonas margaritas; inventa au-
tem una pretiosa margarita, abiit &
vendidit omnia quæ habuit, & emit
eam: mercator iste non damnum cen-
set, sed maximum quæstum omnes o-
pes suas amisisse: imo certe non ami-
sit, sed vendidit, quia pro illis maximi
pretii gemmam recepit. reculas suas
dedit, & Christi chirographum acqui-
sit,

fivit , quo uno erit olim beatissimus : aurum contempsit & totum sibi cælum jam habet oppignorat-
 tum : prædiola sua non deseruit , sed paratus erat deserere , & amplissimum sibi regnum comparavit .
 Qui margaritam habet , inquit Chrysostomus ; novit se divitem esse , etiamsi ignotum illud sit , cum parvo in loculo margarita recondatur .
 Certe negotiandi causa vivimus , non otiandi . neque ullus tam rerum egenus est , qui hanc gemmarum
 mercaturam nequeat facere ; Nos enim quatrit Deus , non sine nobis nostra , inquit Augustinus . neque vero etiam ullus tam abundans rerum est & dives , cui difficile videri debeat , emendis unionibus illis , parvi facere sua omnia . Mercatus hic non exigit , ut opes amittat , sed ut paratus sit , si necesse , amittere ; negotiationis hujus ratio non est , ut pecuniam omnem erogat , sed ut , si opus , malit animam parcere quam pecuniam , & multo promptius mendicus esse velit quam Dei inimicus , non enim animam pro pecunia , sed pecuniam pro anima deponere convenit , seu sponte largiendo , seu patienter amittendo . Et hoc esse signum prædestinationis affirmamus . huc nos non tantum Christiana fides , sed & ratio ducit .

lib. E-
 uang.
 qq. in
 Matth.
 9. 13.

1. Stilpon capta patria, ereptis liberis, amissa uxore, cum ex incendio publico solus & tamen beatus exiret, interroganti Demetrio, nunquid omnia perdidisset? Nihil, aiebat, perdidit; omnia mea sunt mecum. Idem, amissis omnibus, ausus est dicere Bias: pectore enim illa gestabat, non humeris, nec oculis videntur, sed animo æstimanda. Hoc generosi pectoris nota sit in idololatra, in Christiano certæ *prædestinationis* signum est ad vitam. Ille Christo facit stipendia, qui cum amisit plurima, dicere tamen audet: Omnia mea mecum porto: Deus meus, & omnia.

Sanctissimum virum, Franciscum Assisinatem accepimus, noctes ipsas, quatuor verbulorum horum commentatione & creberrima repetitione, summa cum animi sui voluptate transegisse. Sanctissimum hunc virum liceat imitari, & in omni egestate gloriari: *Deus meus, & omnia*. Alii alia quærant, alia desiderent, aliis oblectentur: unum ego Deum quæro, Deum desidero, Deo meo delectabor, *ô Deus meus, & omnia*: opes aliis & honores, voluptates aliis universas relinquo: Deum ego habeam, & omnia habebō. Totos ego aliis mundos concedo; aureos & gemmeos montes non invidio; exquisitissimas eorum delicias non

34 S I G N U M' IV.

ambio ; mihi Deus meus est omnia. Nihil ita bonum , nihil ita pulchrum aut jucundum est , quin summum illud , & primum, ac supremum bonum , & melius , & pulchrius , ac amoenitate incomparabili sit jucundius , *ô Deus meus , & omnia !* quam me varia sæpe accendunt desideria, quam diversis quandoque ignibus ardeo , quam multis æstuo cupiditatibus ? ita ut cum lunatico illo adolescente , modo in ignem, modo in aquam rapiar. Sed quænam illa tanta bona sunt , quæ ego tam anxie appeto ? heu vana fluxa , sæpe turpia , & quæ non possunt esse diuturna , sic ut suum dominum & amatorem vel moriendo prævertant , vel deferant morientem. Deus meus , amor meus , gaudium meum , & mea omnia , quid tandem est quod appetere possum , cujus loco non tu mihi sis , *ô Deus , & sis omnia ?* mihi cibus , mihi potus , mihi quies , mihi gaudium & voluptas , meus mihi maximus honor est Deus , Deus mihi omnia , & plus quam omnia. nam etsi cibus , quos inhio , vesci : Potu , quem cupio , refici : voluptate , quam ardeo , frui liceat : quid tamen istud vesci , quid istud frui est & refici ? *Deus meus & omnia ,* te frui , à te refici , est perfectissime recreari , est frui omnibus bonis. At interim premit labor , dolor affigit !

curæ

curæ distrahunt, opes minuunt, fa-
 vor subtrahitur, vita decrescit, ho-
 mines turbant & exagitant. Nihil ^{Astot.}
 horum vereor, proclamat Paulus, ^{20.}
 nec facio animam meam pretio-
 siorem quam me, dummodo con-
 summem cursum meum, neque e-
 nim hæc omnia, etiamsi simul in-
 gruant, mala sunt, si summum il-
 lud bonum opituletur, Deus: *Deus*
meus, & *omnia*. tu mihi ô bone
 Deus, ô bonitas, in ipsis labori-
 bus es queis, in doloribus volu-
 ptas, in curis securitas; in pau-
 pertate vera es opulentia; tu mihi
 ab omni hominum insultu, propu-
 gnaculum es tutissimum, tu mihi
 quicquid malorum fugiam, es re-
 fugium; tu mihi es omnia, quæ-
 cunque tandem desiderare possum,
 vel optare. Omnis copia quæ Deus
 meus non est, egestas mihi est.
 quid impuros rivulos sectemur?
 ipsum fontem habemus, eumque
 limpidissimum: Deum habemus,
 omnia habemus, quæcunque habe-
 re concupiscimus. si quem pauper-
 tas flagellat, si cui fortuna irasci-
 tur, minus quidem is gaudet, sed
 & dolet minus: suum ab hoc
 fortuna repetere non potest, nec
 alienum mors auferre.

II. Huic tamen eo modo pauperi, felicitate non cedit dives ille, qui cum plurimum bonorum possideat, nihil amat: opes arca claudit, non corde; tristitia nequam extinguendus, etsi perdat universa. Nam sine dolore amittitur, quicquid sine amore possidetur: Quæ vero ardenter diligimus habita, graviter suspiramus ablata, ait D. Gregorius Bonum quo quis vere bonus est, nemo invitus accipit, nemo amittit invitus, bonum enim censendum non est quod eripi potest. I nunc, Satan, & tabellarium te finge, nondum omnis patientissimi Jobi familia est extincta, etiamnum vivunt, qui renunciare possint omnibus: Curro ergo, nuncia tali, clama altum: Res tua & pecunia tua omnis est perdita. responsum nunc audi: Nisi ego illam, fortassis illa me perdidisset; jam in via ad cœlum ero expeditior. Exoneravit me Deus, charo quidem sed periculoso pondere, & tutiore posuit loco, damnum non putabo, quod Deus mihi voluit esse remedium. Et cur me frustra & vane affligerem? habui ista tanquam perditurus: nunc ego magis meus sum, cum ista non sunt mea amplius. Auditis Christiani, audis Orciniana vulpes? sic sentit, sic & loquitur, quisquis cœlo prædestinatus est, nec unquam tantum

tum bonorum potest perdere, quin
liberam hanc vocem retineat : Jactu-
ra non est , sed versura , cum lu-
crum ingens dispendio levi compa-
ramus , cum terræ glebulis merca-
mur cælum.



SYMBOLVM.V.

Tribulatio perpetua
cum patientia.



*Beati qui nunc fletis,
quia ridebitis. Luc. 5.*

QVINTVM PRÆDESTINATIONIS

S I G N U M.

S Y M B O L U M V.

FRUTEX ROSARVM
 spinis septus undique. Per quem
 monstratur *Afflictio perpetua, & exer-*
citatio cum patientia. Abraham Evan-
 gelico epuloni in flammis hoc si-
 gnum opponit: Recordare fili, quia
 recepisti bona in vita tua, Lazarus si-
 militer mala; in vita tu latabar, La-
 zarus cruciabatur: nunc tu cruciaris,
 lætatur Lazarus. sic vertuntur vices
 certa Dei lege. *Patiendum est, aut hic,*
aut ibi in alio prorsus orbe & vere
novo. Alterutrum nunc mature eli-
 gendum; nemo evadit. D. Chrysostomus;
 Quem videris, inquit, virtutis stu-
 diosum, innumeris tamen affligi mo-
 lestiis, beatum hunc puta, ut qui com-
 missa peccata hinc diluat, & illic para-
 tam habeat mercedem.

Impossibile est ut qui malis indi-
 xerit bellum, pressuris careat. Nefas est
 pugilem Dei vacare deliciis, non licet
 epulari luctantem: luctamen enim
 sunt præsentia omnia, certamen, bel-
 lum, pressura, angustia, stadium: aliud
 est quietis tempus, hoc ærumnis de-
 putatum est atque sudoribus. Nullus,
 ubi ad certamen se exiit, unctusque
 est, requiem quærit. Si enim requiem
 quærit,

quæris, cur te exuisti? cur libidinibus
 Idem. ac naturæ bellum indixisti? Nihil ho-
 Chris. rum te perturbet, si quidem illi in qui-
 Epist. ete, tu in tentationibus vivas. Alioquin
 2. ad erroris damnandum est beati Iacobi
 Tit. hortamen: Omne gaudium existima-
 c. 3. te, fratres mei, cum in tentationes
 Iac. 1. de pro-arias incideritis. Nihil eo infelicius,
 Sen. 1. cui nihil evenit adversi. Argumentum
 vid. est talem à Deo contemni ut imbel-
 Dei, lem & ignavum. Amphitheatrum
 honoris est, inter adversa luctari. Cer-
 ta beatitudinis tessera est, posse in per-
 pessionibus gaudere, & circumlatran-
 tibus undique malis, hilarem cœlo
 animum attollere, etsi per genas co-
 piose fluant lacrimæ. Scivit equidem
 Christus nos ingenti ærumnarum a-
 cervo locupleres, gaudium solidum,
 præter spem futuræ mercedis habere
 nullum, & tamen tanquam beatis:
 Matt. 5. G A V D E T E, ait, E T E X V L-
 T A T E. At nos, quoties vane la-
 mentamur cum affligimur? sæpe pue-
 rilem in modum querimus, ac ad om-
 nem pæne ictum trepide expavesci-
 mus, nec agnoscimus paternam Dei &
 medicam manum vulnerantis, cum
 tamen & pueri sciant, vulnus quod à
 chirurgo est, medicamentum esse &
 initium valetudinis. Ut medeatur &
 fanet, vulnerat Deus, non ut jugulet.
 testis horum beatus Petrus: Si quid
 1 Petr. patimini, ait, propter justitiam, beatis
 3. hæc est enim gratia, si propter Dei
 conscientiam sustinet quis tristitias,
 patiens

P R Æ D E S T I N. 41

patiens injuste. quæ enim est gloria,
 si peccantes & colaphizati suffertis?
 sed si bene facientes patienter susti-
 netis, hæc est gratia apud Deum. ita &
 beatus Gregorius: Sape contingit,
 inquit, ut electus quisque, qui ad æter-
 nam felicitatem ducitur, continua hæc
 adversitate deprimatur, à cunctis de-
 spicibilis cernitur, & hujus mundi
 gratia indignus aestimatur: sed tamen
 ante occulti judicis oculos virtutibus
 emicat, vitæ meritis coruscat; honora-
 ri meruit, despici non refugit; corpus
 continentia afficit, sola in animo di-
 lectione pinguescit; mentem semper
 ad patientiam præparat, & erectus
 pro justitia de perceptis contumeliis
 exultat.

I. Vere æterna providentia, homi-
 nem probum in delitiis non nutrit;
 experitur, indurat, ibi illum præparat;
 ita tamen ut simul ei promittat: Cum ^{II. cap.}
 transferis per aquas, tecum ero, & flu- ^{43.}
 mina non operient te: cum ambulave-
 ris in igne, non combureris, & flam-
 ma non ardebit in te. Nimirum in un-
 das immittit nos Deus & in flammæ,
 uri sinit & mergi, æstu suos explorat
 & gelu, sed quos ad vitam prædestina-
 vit, non comburi permittit aut sub-
 mergi. Fidelis Deus est, qui non pa-
 tietur vos tentari supra id quod pote- ^{1. Cor.}
 stis, sed faciet etiam cum tentatione ^{10.}
 proventum, ut possitis sustinere.

Eximie, si quisquam, de hac præde-
 stina-

Instit.
Spiritu.
cap. 8.

Hom.
8. in c.
4. ad
Ephes.
Psal.
109.

flinationis nota videtur sensisse Ludovicus Blosius, qui plenissime affirmans: Non est ullum, inquit, certius signum divinæ electionis, quam si quis afflictionem, vel quicquid ad verum à Deo immittitur, non tantum non repugnanter, sed submisit atque patienter sustineat, cum homini utiliter nihil eveniat quam AFFLIGI. Et hic est ille inestimabilis gemma annulus, quo Deus desponsam sibi animam donat. tanti est, vel minimam molestiam pro Deo perpeti, ut Chrysostomus velut decretum proclamet. Nihil esse melius, quam male pati propter Deum. De torrente nunc electi bibunt in via, propterea caput exaltabunt in coelo. Nunc deprimuntur & calcantur, ut olim assurgant & extollantur ad instar palmarum. Vult nos Deus probe scire, arduum esse bonum, & infinitum quod quærimus pro quo obtinendo laboramus, ut verissime dixerit Marcus anachoretæ. Deus conscius imbecillitatis nostræ nemini solet magni quid conferre, nisi previa calamitate. Moysen Deo vocanti obtemperantem, & aula egrotum, glomerata clade invaserunt puerperas, ignominia, contemptus, infideliæ regis, pericula mortis. fuga, exilium. Electos Dei cernimus, inquit Gregorius, & pia agere & crudelia pati: hinc ergo colligitur, distinctus iudex quantalibet illic feriat distributione quos reprobat, si cruciat quos amat. Erras, inquit

Chrysostomus

Christiane , erras , si cogitas te integrum & non bene contusum , per-
venturum ad cælum. Circumspice ,
& videbis, quod plerunque qui ditio-
res sunt virtutum , locupletiores sint
afflictionum : qui vitiis opulenti cre-
bro etiam numis & fortunæ favore.
Nimirum pecudes macello destina-
tæ , liberrime saltant per pascua, aliis
in opere sudantibus : sic & homines
cœlo assignati, non lascivunt in pra-
tis , sed hinc illinc gemunt in angu-
lis , adeo ut verissime quoque Ludo-
vicus Blosius ex magni viri ore pro-
nunciet : *Quemcunque Deus potioribus*
donis exornare sublimiterque transfor-
mare decrevit , eum non blande & mol-
liter lavare, sed totum in mare amaritu-
dinis immergere consuevit.

II. Galenus & Hippocrates reti-
nere docuerunt animam & fovere ,
Christus odisse docuit & perdere ,
ita ut quod dixisse fertur Themisto-
cles , omnes olim cœlites sint dictu-
ri: Perieramus, nisi periissemus. plu-
rimis saluti est , perire : revera multi
male perierant , nisi à Deo perditum
bene periissent. hinc Paulus , cum
perditus aliis , sibi tunc maxime re-
stitutus videbatur : Placeo mihi, ait ,
in infirmitatibus , in contumeliis, in
necessitatibus , in persecutionibus in
angustiis pro Christo : cum enim in-
firmor, tunc potens sum. Bernardus,

D

quæ-

quarendo Deo quasi fatigatus : Circumire, inquit, possum Domine cœlum & terram, mare & aridam & nusquam te inveniam, nisi in cruce : ibi dormis, ibi pascis, ibi cubas in meridie. Igitur Dominum servi sequamur, & brevi molestia cruciatus æternos redimemus. Athanasius ab Juliano Apostata in exilium abire iussus, cum Alexandriæ illacrimantes circa se cerneret Christianos : Bono animo, inquit, estote ; nebula enim est, quæ brevi evanescet. Vere nebula solum est, quicquid horroris habet hæc vita, sed nebula brevi dissipanda, per æternam serenitatem. Prisci, si qui ex illis laboriosi, nullum diem volebant esse sine linea : Christiani, quotquot probi ex illis, nullum diem ire cupiunt sine nubecula, ut habeant semper quod amore sui domini patiantur. Jobo cœlum fuit non tantum nubilum, sed & ferreum, & tamen omnem patientia speciem, uti Terullianus loquitur, adversus omnem diaboli vim expunxit, quem non ab acti greges, non filii uno ruinæ impetu adempti, non corporis cruciatus à patientia exclusit. Quale in illo viro feretrum Deus de diabolo extruxit ? quale vexillum gloriæ erexit, cum ille homo ad omnem acerbum nuncium nihil ex ore promeret, nisi **DEO GRATIAS** : quid ? ridebat Deus. Quid ? dissecebatur Satan. hinc

omnia

Secundum
1. 5. c.
24.

lib. de
patien.
c. 13.

P R Æ D E S T I N. 45

omnia duplicia recuperavit. Itaque dum patimur, grandi passu in patriam proficiscimur.

II I. Diversæ ad cœlum viæ sunt, tutissima est omnium & certissima, regia via *crucis*. Per multas tribulationes oportet nos intrare regnum Dei. ^{14. Eccl.} Et uti vasa figuli probat fornax, sic ^{27.} homines justos tentatio tribulationis: sed in fornace ardet palea, aurum purgatur; illa in cinerem vertitur, illud sordibus exuitur. Fornax est mundus, aurum justus, ignis tribulatio, artifex est Dens. Quod si auro vox sit & sensus, sic loquetur: Quod vult ergo artifex, facio; ubi me ponit artifex, tolero. Ardeat licet palea ad incendendum & consumendum me, illa in fumum abit, ut ego sordibus caream. Videte ergo paleam, videte & vos qui aurum estis; in eodem igne palea fumat, aurum rutilat; in eadem afflictione improbus blasphematur Deum aut accusat, patiens laudat, & ex ipsis adversis vires sumit, uti ignis qui flatu impetitur & crescit, atque unde extinguendus creditur, inde roboratur. Crescit adversis agitata virtus. Numera mihi ab orbis incunabulis omnes Dei amicos, & in omnibus hanc *Prædestinationis* Sap. 34. notam reperiēs. Deus tentavit eos, & invenit illos dignos se. Abraham exercetur variè & affligitur, Joseph à fratribus venditur, David à filio

iniquissima patitur : Isaias ferra medius secatur , Ezechias eliso cerebro per saxa raptatur , lapidatur Hieremias , Michas gladio feritur , Amos secundum tempora clavo transfigitur , Daniel leonibus objicitur , Naboth saxis obruitur : Elifaeus deridetur . Job ulcerosus , etiam conspuitur , Tobias excœcatur , Susanna innocens damnatur . paucos dixi . & quid malorum non subiit Paulus ? Apostolorum ceteri flagellantur , crucifiguntur , necantur . Nemini suorum parcit Deus , quem enim diligit Dominus , castigat , flagellat autem omnem filium quem recipit , omnem , omnem . Omnes enim qui pie volunt vivere in Christo Jesu , persecutionem patientur .

Hebr.
12.

2 Tim.
3.

IV. At hoc habet pro certo omnis qui te colit (ô Deus) quod vita ejus si in probatione fuerit , coronabitur , quia post tempestatem tranquillum facis , & post lacrymationem & fletum , exultationem infundis . Ergo beatus homo qui corripitur à Deo , si enim sustinemus & conregnabimus . Quare nemo flagellari timeat , sed timeat exheredari . ad hereditatem æternam flagellis erudimur , ne , dum delectamur in via , obliviscamur quod desiderabamus in patria . Si exceptus es , inquit Augustinus à passione flagellorum , exceptus es à numero filiorum . Noli esse iniquo
sen-

sensu & puerili, ut dicas: Plus amat pater meus fratrem meum, cui permittit facere quicquid vult, quam me, quia si me movero contra ejus jussionem, flagella invenio. potius gaude sub flagellis, quia tibi servatur hæreditas: illis ad tempus parcit, quos in æternum damnabit. Tanquam per amœna prata ad carcerem venit, qui per præsentis vitæ prospera ad interitum currit. Observant aliqui rosam juxta allium plantatam reddi fragrantiores. suas habet & cœlestis hortulanus fragrantissimas rosas, homines paradiso destinatos. Has ipse rosas plerunque sic plantat ut noxiarum herbarum vicinia illis sit toleranda, quo enim quisque probior, hoc in eum improborum insultus audacior; hoc etiam variarum ærumnarum incurfus crebrior. Sic fragrantia rosarum, alii foetoribus est acuenda. Quin & hoc ajunt, rosam quæ per artem sine spinis nascitur, etiam sine odore esse: virtutum odor, præsertim patientiæ, fragrantia nulla est, ubi nulli sunt rerum adversarum aculei. Nemo sane quantum profecerit nisi inter adversa cognoscit: nondum se nosse cœpit, qui necdum cœpit esse miser. Nocturne stellæ, de die latent; sic vera virtus quæ sæpe in prosperis non apparet, in adversis eminet. Nec tam placent cœlesti Domino famuli rebus præ-

SYMBOLVM. VI.

Auditio verbi Dei.



*Audiens sapiens sapientior
erit. Prouerb. 15.*

PRÆDESTIN. 49

clare gerendis, quam adversis alacriter & cum fiducia perferendis: Aquila pullos suos objectu solis explorat, metalla argentarius coticula, Christus famulos suos camino afflictionis. Præ Romanis ergo potiori nos jure dicimus: *Et facere & pati fortia; hoc Christianum est*, nam quæ via caput præcessit, hac subsequendum est membris.

S E X T U M

PRÆDESTINATIONIS

S I G N U M.

S Y M B O L U M VI.

FICUS, Quam Christus in suis concionibus non tantum nominavit sapius, sed quæ divino verbo iussa comas ponere & exarescere, momento paruit. fidelem diceres divini verbi auditricem, ideo hac designatur *Auditio verbi Dei*. An non illustre hoc Prædestinationis signum ex ore Christi? Qui ex Deo est, verba Dei audit. eximie id declarans Ambrosius: Quomodo, inquit, possunt verba Dei dulcia esse in faucibus ^{in Ps. 118.} tuis, in quibus est amaritudo nequitiae? Facile agitur quod libenter auditur. sed illi veri sunt divini verbi auditores, de quibus Servator: Bea-

50 S I G N U M V I .

Aug.
in Ps.
118.

Ecclef.
c. 3.

Hier.
c. 15.

ti, inquit, qui audiunt verbum Dei,
& custodiunt illud. Frustra custodi-
tur memoria, quod non custoditur
& vita. Sunt qui audita sic retinent
ne obliviscantur, hoc tamen agunt
vivendo ne corrigantur. Mens præ-
destinati divina & sacra cupide anhe-
lat, seponi jubet negotia, ludos ab-
rumpi, epulas etiam quandoque de-
seri præcipit, ad templum, ad con-
cionem urget, nec excusationes ad-
mittit, pluvium cælum non metuit,
serenum etiam negligit, aprico &
campis, templorum fornices præpo-
nit, stragit, audire, nec satiatur audi-
sis. Auris bona audiet cum omni
concupiscentia sapientiam, quæ uti-
que certior haberi nequit quam è
verbo Dei. Quarit anima Verbum,
inquit Bernardus, cui consentiat ad
correctionem, quo illuminetur ad co-
gnitionem, cui innitatur ad virtutem,
quo reformetur ad sapientiam, cui
conformetur ad decorem, quo frua-
tur ad jucunditatem. Animus hoc ci-
bo pastus, quotiescum Hieremia pro-
pheta succlamat? Inveni sunt sermo-
nes tui, & comedi eos, & factum est
mihi verbum tuum in gaudium & in
lætitiâ cordis mei. Nam D. Chry-
sostomo teste, uti esurire signum est
valetudinis in corpore, sic amare di-
vina eloquia indicium maximum sani-
tatis in anima.

I. Et quis cum credat valere animo
qui

qui adversas à veritate aures, ad fabulas laxissime finit excurrere, & dum in templis vitia verbis castigantur, ille factis domi exercet, &, in piæ exhortationis vicem, vel calicem trahit, vel fritillum & tesseras movet, aut otiosis ambulatiunculis diem imminuit, aut cum canibus agros & silvas pererrat, aut dum concionatur in suggestu sudat, ipse languidissimus dormitator, adhuc dum inter plumas volutatur, nec erubescit somniculosus glis, à sole jam pæne meridiano, in plumeo sepulchro deprehendi. turpe est de Christianis hoc scribere; sed longe turpius Christianos hoc facere. hæc signa non sunt nisi pereuntium; longe aliis noscuntur prædestinati. Factum est autem, ait Lucas, cum turbæ irruerent in eum, ut audirent verbum Dei &c. Non synagogis aut templo, sed nec civitatis mœnibus hæc audiendi sancta fames coërceri poterat; in camporum amplissimam planitiem sese effundebat. sed nec solitudines horrebant viri fæminaque, modo liceret audire concionatorem eum quem sequebantur quoquò ibat. Nos templis vicini habitamus, & sæpe nec pedem movemus audiendis iis quibus meliores sumus, nedum ut impransi & incoenati ad solitudines, ad mare properemus; ita fit ut plerumque nihil magis fastidiamus quam divina. hoc ævo sane non desiderantur

Luc.
c. 5.

qui dicant sed qui audiant: concionatorum satis est, non ita semper auditorum. sexcentas fingimus absentia causas: nec desunt qui audire nolint ideo, ne forte dormientem excitent conscientiam: qui enim se reum novit, etiam se iudicem formidat, & tribunal horret propria conscientia.

Deflevit Hieremias, vias Sionis lugere, eo quod non sint qui veniant ad solemnitatem: non minus viae ad templum saepe nunc lugent, dum in viis ad tabernaculas plaudentur. non densae nimium concursationes sunt ad auditionem divinae legis: at si ridiculus histrio novam spectacula venustatem promittat, si nuptialis pompa per urbem incedat, si nundinalis curiositas alliciat, mox usum pedum recipimus, & quicquid oculorum habemus, adferimus; concurritur insolita stipatione. Dei vero nuntii si non ut olim subsannantur, certe parvi penduntur sermones illorum, quod graviter pagina sacra queritur.

2 Par.
c. 36.

Non quidem negandum est, multos esse qui conciones audiant, sed & illud tamen satendum erit, paucos esse, qui animo desiderent, à concione audita redire emendatiores. Aures habent, manibus carent, audiunt & non faciunt. Non abeunt inde vel tantillo meliores. Sunt qui audiant, ut pia curiositati non obstant, alii ut tempus fallant, quidam ne peccent

in consuetudinem: isti ut doctiores fiant non ut meliores, hi ut charos oculos, quos alibi minus commode possent, in templis videant; at isti ut videantur, & aliorum in se oculi convertantur: sunt qui dicentis voculas excipiant in risum aut calumniam; sunt etiam qui confabulaturi, aut certe dormituri accedant, aut aures præbituri, sed jam onustas. Pauci sunt, & si demum vere probi auditores, qui animum adferunt excipiendis monitis paratissimum, nec aliam ob causam veniunt, quam ut recedant seipsis meliores: non scholæ discunt, sed vitæ; audiunt utraque aure vincti, nec unquam facile audire desinunt, nisi virtuti jam procliviores. Nemo adeo ferus est qui non mitescere possit, si modo culturæ patientem aurem accommodet. Et Christi oviculæ ab alienis dignoscendæ, cauma seu signum in aure gestant; verbum divinum avide audiunt, & obediunt.

II. Norunt prædestinati quam sollicitè monuerit Augustinus: Non minus reum esse qui verbum Dei negligeret audierit, quam qui corpus Christi in terram negligentia sua cadere permiserit. Non ergo tam attendendus est, qui dicit, quam qui dicat, & dicenda imperat Deus. Ego quid sum, inquit Augustinus, nisi cophinus seminatoris? Ille in me ponere dignatus est, quæ vobis spargo. nolite

Hom.
26. in.
lib. 50.
hom.

attendere ad vilitatem cophini, sed
ad claritatem seminis, & potestatem
seminatoris. Christianus ubique in
venit quod discat, semperque proficiat,
atque hoc etiam suæ prædestinationis
indicium agnoscat, sedere ad
pedes Domini, & cum Magdalenæ
audire verbum Dei; neque ob domestica
ministeria, nec ob sororis mura
mura, nec etiam ob amicissimorum
avocamenta, ab ore loquentis per
dentem avelli posse. Neque vero
electionis nota est, audire tantum
sed & meminisse, sed & exequi
quorsum est comedere, si quod co
mestum, mox indigestum revoma
tur? in Christi matre maximæ laudis
erat, quod conservavit omnia verba
hæc, conferens in corde suo. In cor
de meo, ait psaltes regius, abscon
di eloquia tua, ut non peccem tibi
Terræ bonæ conferuntur ii, qui in
corde bono & optimo audientes
verbum retinent, & fructum afferunt
in patientia. Nam uti legere, & non
intelligere, sic audire & audita me
moriam non custodire, ferme tantun
dem quod negligere est. otio abuti
tur pictor, qui lymphatis coloribus
quidlibet in tabella, magno studio
pingit, quod mox spongia detergat:
sicuturpe Christiano est, audire &
mox omnium oblivisci. sic memi
nisse conetur, ut memoria non sit
ignava, sed efficax & strenua, quæ fie
ti

Luc. 2.

Luc. 8.

ri urgeat , quod meminit faciendum.
 Si hæc scitis , beati eritis , si feceritis
 ea. S C I V I S S E neminem ad coe-^{Ioan.}
 lum extulit , sed F E C I S S E ; face-^{13.}
 re autem non vult , qui recusat scire
 facienda. Fons sciendi purissimus , li-
 bri divini. Et quamvis ex eodem di-
 vinæ scripturæ fonte diversi hauriant ,
 idque sapius , nemo tamen unquam
 poterit totas has opes eruere. Ea est
 hujus opulentiae natura , ut quo fo-
 deris altius , hoc magis exundent di-
 vini sensus ; fons est nunquam defi-
 ciens. Quemadmodum vero formica
 pabulum in hiemem æstate sibi colli-
 git , sic Christianus in tranquillo ver-
 bum Dei excipit , ut inde in rebus
 turbidis pascatur. Constat , eos qui
 hæc in re contemptores , sic quando-
 que puniti à Deo , ut & ipsi sentiant
 se puniri , & videant alii. Alium ab
 alio doceri , alterum alteri submitti
 vult Deus. Sapientissimus erat Rex
 David , præceptorem in plurimis ha-
 bebat Spiritum sanctum , probe scie-
 bat adulteria & homicidia esse vetita ,
 & tamen poenitentiam prius non egit ,
 quam de ea differentem Nathanem
 audiit. Christus Paulo è nubibus con-
 cionatus est , & tamen erudien-^{Act. 9.}
 dum illum ad Ananiam misit. Cor-
 nelio nunciavit Angelus , preces ejus
 & eleemosynas Deo probari , sed^{Act. 10.}
 simul ei Petrum à quo instrueretur ,
 monstravit. Regina Candaces quæ^{Act. 8.}
 stori

flori Isaiam in curru legenti , non
 Angelus in præceptorem, sed Philip.
 Exod. 18. pus à Deo assignatus est. Moses, quem
 jure diceres Deo à secretis fuisse , &
 supremum intimumque Numinis
 consiliarium egisse , nihilominus à
 focero suo tametsi alienigena insti-
 tuitur velut puer , nec sine acri ver-
 borum castigatione , modus docetur
 Luc. 2. gubernandi populi. Christus ipse,
 æterna sapientia , medius doctorum
 sedet, & interrogat. Nullus homi-
 num sexus , nullus ordo & status, au-
 diendarum concionum immunis est.

III. At inter doctos, inquis, cen-
 sor : nil novi audiam ; quæ dicturus
 est Ecclesiastes , jam ante scio. Eni-
 humani ingenii eruditam superbiam
 & quis eo pervenit ætatis & doctri-
 næ , ut non plura nesciret quam didi-
 cisset ? Sed fac , omnium te esse do-
 &issimum, nec doctiorem è concio-
 ne reducturum : ita quidem intelligen-
 tia antecelles omnibus. Sed quid vo-
 luntas & memoria ? an non moven-
 da illa & inflammanda, monenda ista
 erit & juvanda ? memoriæ facilli-
 mum est falli , pronissimum volunta-
 ti errare , nisi quotidianis subsidiis
 dirigantur , illa ut firmetur , hæc ut
 ab erroribus liberetur. Ergo non uti-
 le tantum, sed & necessarium est om-
 nibus , conciones audire ; malis , ut
 corrigantur ; bonis , ne corrumpan-
 tur; ignavis , ut doceantur ; doctis , ut

commoneantur , & ut nova discant ,
aut certe vetera memoria recolant :
Audiens sapiens sapientior erit , & ,
Auris sapientium quærît doctrinam.
Herodes multis sceleribus clarus , tam
barbarus tamen , aut fatuus non fuit ,
quin aulicum concionatorem suum ,
& libenter audiret , & audito eo multa
faceret. In Herode non libentia tan-
tum audiendi fuit , sed & longa quo-
que patientia. multa enim ex Joan-
nis concionatoris sui præscriptione
facere non potuisset , nisi conciona-
torem sapius , & de multis audiisset ,
neque per catalogum duntaxat enu-
merando , vitia regis Joannes casti-
gasse censendus est , sed rationibus
& copiose egisse , ut non tantum in-
dicaret mala , sed & potenter dissua-
deret. Non poterant regis adulte-
rium , & tot ejus flagitia , unica Joan-
nis concione satis elui. singula singu-
las conciones , imo singula plures
exigebant ; mens sceleribus obfirma-
ta , crebro ariete quatienda erat : Et
tamen *libenter eum audiebat*. Et quam-
vis ei Joannes in os & in faciem ob-
jiceret publice : Non licet tibi habe-
re uxorem fratris tui , idque oratione
indubie longa probaret , tamen *liben-
ter eum audiebat* , tantum in Herode
fuit audiendi studium , nec destitit
Joannes ; cetera omnia Herodis fa-
cinora silentio politico non involvit.
clarus testis beatus Lucas : Herodes
autem ,

autem, inquit, tetrarcha cum corri-
 peretur ab illo, de Herodiade uxore
 fratris sui, & de omnibus malis quæ
 fecit. itaque Joannes in Herodis ty-
 rannidem, in cades, in tributa tam
 avarè collecta quam prodigè in om-
 nem luxum dissipata invehebatur li-
 bere, & tamen *libenter eum audiebat*.
 tanta in Herode fuit concionatoris
 objurgationis patientia, ut non pri-
 ma illa vehementiore, non secunda,
 nec tertia, non multis concionibus
 sequentibus fuerit offensus, *libenter*
eum audiebat. Herodi Joannes nun-
 quam neque nimis sæpe, neque ni-
 mis prolixè, neque nimis simpliciter
 aut populariter, neque severe nimis,
 aut acerbè visus est concionari, *liben-*
ter eum audiebat, & *audito eo multa*
faciebat, modo facere perseverasset;
 queri certe non potuit quod fortuna
 sibi veritatem invideret. queritur id
 olim Seneca, & Monstrabo, inquit
 tibi, cujus rei laborent magna fastigia,
 quid omnia possidentibus desit, Sci-
 licet ille qui verum dicat. Non vides,
 quemadmodum illos in præceps agat
 extincta libertas, dum nemo ex ani-
 mi sui sententia suadet dissuadetque,
 & unum amicorum omnium offi-
 cium est, una contentio, quis blan-
 dissimè fallat. Non fefellit Herodem
 Joannes, tam candidi pectoris, tam-
 que aperti oris monitorem se præsti-
 tit, ut nil minus posse sit visus, quam
 veri-

lib 6.
 de be-
 nefic.
 c. 3.

veritatem tacere. regias aures assidue
 vellebat, quibus & flagitium illud
 identidem occinebat: Non licet tibi,
 Herodes, non licet tibi. Ubi mihi
 nunc illi delicatuli & prurientes auri-
 bus, qui si uno verbulo, etiam saepe
 detorrio & perperam intellecto, no-
 tatos se putent, & concionatorem
 execrantur, & cathedram. Herode
 parricida & adultero, nescio an in
 hoc non deteriores sint, qui quamvis
 vitia, ut ipse, non fugiant, fugiunt
 tamen conciones quæ vitiis medelam
 faciunt, quod non faciebat Herodes.
 Seductori dat manum qui dare dissi-
 mulat præceptori, & stulto discipu-
 lum committit, qui se solum pro præ-
 ceptore agnoscit. quisquis jam adeo
 sibi sapit, ut neminem docentem au-
 dire nisi se dignetur, plus elationis
 ostendit, quam eruditionis. nec po-
 test in eo virtutis esse amor, in quo
 coelestis doctrinæ odium est, aut ne-
 glectus. Initium recedendi à Deo est
 fastidium audiendi divina, nec Deum
 diligit, qui pia monita non esurit.
 Lapis lydius explorat aurum, Evan-
 gelium Christi revelat cogitationes
 hominum.

SYMBOLVM. VII.

Eleemofyna cum
benigno affectu.



*Vnicuique mandauit Deus de
proximo suo. Eccli. 17.*

SEPTIMUM PRÆDESTINATIONIS

SIGNUM.

SYMBOLUM VII.

FRUTEX TABACI. Saluberrimum hoc fruticis genus est, ulceribus præsertim & vulneribus curandis illustre. grande ulcus corporis est, paupertas: grandius animi, peccatum. utrique persanando mirifice conducit *Eleemosyna*, illa præsertim qua datur benigno affectu in egenos. & hæc per Tabaci fruticem representatur. Ab Apostolo id discimus: Induite vos, inquit, viscera misericordie sicut electi Dei. non dantis tantum duntaxat, sed & affectum requirit. Vere beatus qui intelligit super egenum & pauperem, in die mala liberabit eum Dominus. Divinæ scripturæ syllogismo id firmatur. Qui accipit mutuum, servus est foenerantis. sed diutissimus Deus per pauperem accipit mutuum. facilis est jam conclusio. alteram syllogismi partem confirmans Salomon: Foeneratur, inquit, Domino (seu, quod idem, Dominus accipit mutuum ab eo) qui miseretur pauperis. Augustini ore Christus sic stipem mendicat: Da mihi ex eo quod dedi tibi, de meo quæro: da & redde; habuisti melius.

Pr. 402

Prove
18.

62 SIGNUM VII.

largitorem , fac me debitorem , habeam te foeneratorem : temporalia mihi das , aeterna tibi restituam , te ipsum tibi reddam , quando te mihi reddidero. Gregor. Nazianz. Orat. de amore pauperum. Fac calamitosus Deus , Dei misericordiam imitando , nihil enim tam divinum homo habet , quam de aliis bene mereri : tibi derelictus est pauper , velut Deus , talis in terra Deus Job fuit ; Pater ,

Job. 29. inquit , eram pauperum , & causam quam nesciebam , diligentissime investigabam. Oculus fui caeco & pes

Tob. 4. claudo. Tobias Deo charissimus : Eleemosyna , inquit , ab omni peccato & à morte liberat , & non paritur animam ire in tenebras. Fiducia magna erit coram summo Deo eleemosyna , omnibus facientibus eam.

Hom.
33. &
hom.
36. ad
pop.

1. Chrysostomus : Melius est , inquit , hanc artem dandi eleemosynam scire , quam esse regem. haec enim domos aedificat in caelis semper mansuras , haec docet quomodo Deo possis similis fieri. Magna res est homo , & pretiosa , vir misericors. Qui

Prov.
22.

pronus est ad misericordiam , benedicetur , de panibus enim suis dedit pauperi. Ergo beneficentia , ut eodem ore aureo laquar , Deo similis facit. & haec charitatis mater , Christiana virtutis proprium insigne , per quod discipuli Christi noscuntur : haec nostrorum scelerum est medicina.

haec

hæc animæ fordes emundat , hæc
 scæla quæ in cœlum usque porrigitur.
 Christus præcipit : Thesauriz te vo^{Matt.}
 bis thesauros in cælo. Audite, ô di-^{6.}
 vites , novam è cœlo artem : novus
 colligendi thesauri modus est, SPAR-
 GERE. Errastis hætenus ; nam dan-
 do ditescimus , non corradendo &
 servando. Thesauros in orbe illo su-
 pero struit, qui pauperibus eos in hoc
 infero distribuit. imo nec opus qui-
 dem , plenæ auro manus in egenos
 excutere ; date obolos & asses , date
 panis frustilla (modo benevolus affe-
 ctus accedat) & in fœnus recipietis
 plenissima horrea , opulentissimum
 ararium. Censores olim lustrabant
 civium ædes , & num si quæ tineæ
 in vestibis , vermes in carnibus ,
 mures in panibus reperirentur , in-
 dagabant. non cassus hic labor ho-
 dieque forsan invenirentur qui mal-
 lent hoc genus animalium pascere ,
 quam pauperes. Sed jam inventus
 est locus , patetque cunctis ad eum
 aditus , ubi nulli mures , non tineæ ,
 nulli vermes. Thesaurizate vobis
 thesauros in cœlo , ubi neque ærugo^{Matt.}
 neque tinea demolitur , & ubi fures^{6.}
 non effodiunt nec furantur. Manna
 non corrumpebatur nisi quod in
 diem alterum servabatur ; numi non
 amittuntur , nisi quos amittere no-
 lumus : tutius servari non potest , quam
 quod perit inter manus mendiculo-

rum. Ventres pauperum ampla sunt horrea, quicquid hic reconditur, incendii securum augetur, multiplicata usura. Si Absalomus auream casariam suam attondisset, crines capite, non funes gessisset: si fortunatiores rem suam in pauperum subsidium acciderent, tot amicos arca clauderent, quot numos; nihil dando hoc agunt, ut periculoso hores sint insidia, quo plures pecunia. Perde pecuniam propter fratrem & amicum tuum, & non abscondas illam sub lapide in perditionem, suadet Ecclesiasticus. Christus: Date & dabitur vobis. Putcus, si sua non amittat, lutescit: uberius fuit, & purior, saepe hauriendo. Caelo destinati cum stipem dant, si possent, cor adderent, adeo benigno sensu in egenos feruntur, idcirco beatos pronunciavit Christus misericordes, non eos solum qui possent quam plurimum elargiri, sed qui vellent omnium misereri. Pythagoras olim docuit similia non nisi à similibus comprehendi; hoc vitæ mercatu, non nisi simile simili paratur, oleum emitur oleo. misericordiam vis consequi? hamum jace, misericordiae opus. At dando aliis, egebo ipse. Pusilli animi homo, & qui mavis diffidentiae tuae credere, quam syngraphae Christi! quantos avaritia ad incitas redegit? nullos eleemosynae, certat Deus cum libe-

ralitate nostra , nec munificentia finit se vinci : Date & dabitur vobis. Luc 6.
 Sarephthana vidua non tantos fecit 3. Reg.
 sumptus, in siccum prandiolum Elia, 17. 4. Reg.
 quanto lucrata est. Elisei hospita plus 4.
 recepit quam hospiti suo contulit.

II. At sunt, non è numero prædestinatorum , qui raro dant , nisi dent maligne. Maligne dant , qui quæ nauseant, quibus carere malunt, quæ vix aut esui sunt , aut usui amplius , pauperibus elargiuntur : si quid in domo verminosa carnis , si quid mucidi panis , si quid fugientis vini , aut morientis aceti ; si quid putridi , si quid foetidi quod vix cani porrigas , mox ad pauperes abit , munifica donatione. Heu Christiani , quam saepe blanda persuasione , nos fallimus ! hoc non est oleum, sed (quod Baruch exprobrat) olivarum ossa offerre. Deus ad Cain & munera ejus non respexit , quia vilissima de terræ fructibus offerebat , qui poterat meliora. Parum potes ? sufficit multum voluisse. Multum potes ? cave velis parum dare. Si re non potes , pauperem spe bona , & miti alloquio juva ; saltem animo miserere. Spreti non sunt Israëlita illi qui similam, setas , aut caprarum pilos obtulerunt ; meliora deerant : sed si aurum habuissent , & ista obtulissent (ait Chrysostomus) maledicti protinus fuissent. Quidam non maligne dant, sed oleum

misericiordiæ , sordibus luxuriæ vitiant ; tam faciles ad eleemosynam quam in libidinem proni. Anazarbæi Ciliciæ populi , opimam regionis olivitatem , virginum suarum castimoniam tribuunt , quæ solæ illis plantant oleas , & olivas legunt. Christianis certissimum sit , oleam hanc nostram & Veneris myrtum inimicissimas esse arbores , nec in eodem plantario jungi posse. ingrata est Deo eleemosyna , quam fœda carnis voluptas comitatur , nec simul placere possunt , manus munifica , & libidinosus animus. Sunt alii , qui quidem hoc carnis luto non merguntur sed quia videri amant & laudari , oleum suum sterilissimo labore effundunt. Et cur , mi Christiane , scit lava tua , quid dextera tua faciat ? Jobus oliva te comparat florem projicientem. Hæc enim arbor , inquit Gregorius , etsi large floreat , si tamen immoderata stringatur nebula , fructum omnem desperari jubet. ita , qui tunc maxime misericors est , cum spectatores habet , vel ut habeat , fructum operis perdit , ex nebula favoris. Hominis prædestinati eleemosyna , unicuique observat oculum , sed omnia cernentem ; nec laudem expectat , nisi à quo & præmium , ab uno solo Deo. Et quamvis aureas habeat alas eleemosyna , Chrysostomo docente , non tamen pavonis instar , admiratores

Hom.
32.

tores sibi deligit in terra, cum muneratorem habeat in cælo, eo suis aureis alis subvolat, & Christo se sistit, quem in mendico agnoscit. Eleemosyna tam non cupit esse nota, ut si possit, etiam clam domino suo latere velit, nam homo vere misericors, non laborat ut à multis sciatur quantum dederit, modo sciat is unus, qui potest danti reddere. ideo D. Cyprianus hunc benevolum, in egenos animum securitatis nostræ salutare vocat præsidium, quo Deum debitorem constituimus, & Christum iudicem demeremur.

III. Supremo fatalis iudicii die, de misericordia rigidum examen erit & quæstio. ii quibus cor immite, durum, immisericors fuit, terribile velut in tabella decretum legent: *Ite* ^{Matth. 25.} *maledicti in ignem æternum.* At ii quos jam ab æterno divina destinatio Angelorum societati adscripsit, fidentius loqui poterunt cum iudice; licebit illis dicere: Da, quia dedimus: date, quia tua causa dedimus: miserti sumus aliorum, tu nostri misere: fecimus quod iussisti, redde quod promisisti. non erubescet hæc postulata iudex, & debitorem se libenter fatebitur. Cernent electi patulum in Christi latere hiansque & roseum vulnus, inque eo velut gemmis scriptum: *Venite benedicti, possidetis regnum.* impetraſtis quicquid pe-

titis. agnosco promissionem meam, laudo misericordiam vestram, quæ jure sistere se præmio potest; accipite præmium quod pretio æstimari non potest. quicquid ulli meorum fecistis, mihi factum est. Vestra me commiseratio cibo potuque sæpius refecit: vestris ego vestibus tegebar, ad vestras ego ædes peregrinus divertebam; vester in me amor, ipsos ad me carceres penetravit; vestra misericordia vixi: *Venite benedicti*. fragmen panis famelico dedistis? En, mensam paratissimam, venite æternum epulaturi. peregrinos tecto non exclusistis? Angelorum cives vos esse jubeo, seminudorum argentibus membris lanam injecistis? adeste, immortalitatis purpura velandi: *Venite benedicti*. O quæ hæc rerum commutatio pro centonibus, pro obolis, pro mensarum miculis, paludamentum gloriæ, thesauros cœli, delicias non finiendas recipere! Omnis misericordia faciet locum unicuique secundum meritum operum suorum, & secundum intellectum peregrinationis ipsius. Hæc, si quam vera, tam essent omnibus persuasa, nemo foret, qui non tam vili vellet cœlum emere. Verissime dixit Augustinus: Si vis mercator esse optimus, da quod non potes retinere, ut recipias quod non potes amittere; da modicum ut recipias centuplum, da pauperi numum,

Eccl.
16.

Cæf.
Arcla.
hom.
13.

P R A E D E S T I N. 69

ut à Christo impetres regnum, da
bucellam ut oblineas peccatorum
veniam, da vilia ut consequaris æter-
na. Quæ autem stultitia, inquit
Chrysostomus, illic tua relinquere ^{In}
unde exiturus es, & illuc non præ- ^{Matt.}
mittere, quo iturus es? Illic ergo tua ^{6.}
repone, ubi tuam habes patriam.



SYMBOLVM. VIII.

Vilis fui æstimatio.



*Nisi efficiamini sicut parvuli non,
intrabitis in regnum cælo-
rum. Matth. 18.*

OCTAVUM

PRÆDESTINATIONIS

SIGNUM.

SYMBOLOM VIII.

CUPRESSUS. Hæc perpetui
 viroris & jucundi odoris arbor pu-
 tredinem in se non admittit, ab aliis
 etiam, cadarofum foetorem pro-
 hibet; hæc non immerito *Vilis sui*
astimatio significatur, quæ latentem
 superbiæ vermiculum interficit, nec
 hominem ita corrumpi finit & pu-
 trefcere, ut sibi placeat. mala certe
 sanies, placere sibi ipsi. Odi super-
 bos & arceo. clamat David: Non ha-
 bitabit in medio domus meæ qui fa-
 cit superbiam. Rarum ajunt esse ge-
 nerofum pharmacum, cui non insit
 veneni aliquid aut sacchari: nullum
 certe vitium est, in quo non aliquid
 superbiæ, percense omnia, & sic esse
 deprehendes. Initium omnis pecca-
 ti est superbia, & qui tenuerit eam,
 replebitur maledictione, & subver-
 tet eum in finem. Superbia pessimi
 ingenii fomes, funestis ac multipli-
 cibus vitiis in diversa prorumpit,
 odii, amorisque & super omnia in-
 vidia suppliciis obnoxia. Nec alij
 magis anxii aut perpetui motus sunt,
 quam hominum non tam quæren-
 tium laudem, quam hanc sibi debere
 ere-

psal.
110.

Ecclef.
c. 10.

credentium. Et contemni se facile
 suspicantur, & hanc aliorum, ut pu-
 tant, contumaciam, in se acerbissi-
 mis curis vindicant. Iam sua vitia ne-
 sciunt, iam virtutem aliorum. Sic in-
 flatis & turgentibus, pietas, fides &
 quicquid in hominibus sacrum, in-
 fra famam honorumque cupiditatem
 jacet. Et ceterorum quidem vitio-
 rum materies sæpe vilissima, plerum-
 que nobilissima est superbia, quæ
 quodvis præclarum facinus, eruditio-
 nem omnigenam & virtutem, om-
 nem sanctitatem audet arroderere,
 prorsus ad instar vermium, qui non
 nisi optima pyra aut poma perro-
 dunt: non est qui Diaboli mores ve-
 nustius exprimat superbo. ille Altis-
 simo par esse nitebatur, iste non ex-
 quari vult aliis, sed præferri. Sed nus-
 quam: non resistit superbis Deus, u-
 ti miles stans in pinnis moenium,
 quotquot ascendunt, romphæa de-
 turbat: quandoque tamen etiam vi-
 nulla superbus à Deo sternitur, per-
 inde ac si regius olitor excrescentes
 in altum herbulas ludentibus digitis
 attondeat. Saul humilis in regem e-
 vectus, sublimis dejectus est. Sunt
 qui natura cepas, sunt qui araneas
 aut feles horreant nativo odio: hæc
 natura Dei est, superbos horrere &
 execrari: Abominatio Domini est
 omnis arrogans: Immundus est apud
 Deum omnis qui exaltat cor suum.

Sed

Prov.
 c. 16.
 Prov.
 c. 10.

Sed veluti pestifera lues, varia corporis parte se prodit, sic superbia non una moratur sede: quorundam occupat oculos, aliorum linguam: horum manus invadit, plurimorum veste se involvit: sunt quorum collari tam pacata sedet & immobilis, ut illam nec centum concionatores loco moveant. Sunt quos sui negligentes, & juratos superbiæ hostes diceres, nisi suas epulas, ædificia sua, liberos suos atque familiam, ipsam supellectilem suam superbire docerent, arcano magisterio. Sic varie superbiam spiramus, subtili prorsus ventulo; quandoque ipse nos dejicimus infra quamlibet vilitatem, rosas & mulsæ loquimur, aulæ byssina verba jactamus, omnium genibus advolvimur, ut male super alios efferamur: in alto jam positi, nec superiorem ferimus, nec parem. Quid superbis pulvis & cinis? levi te mors afflatu disperget. quid tibi places Suffene? foetes hominibus, foetes Angelis, foetes Altissimo. terram spiras (ô lutum prisci Adami!) & Luciferi foetorem spargis. Si tibi non odor tantum cupressi sed & altitudo placeat; age, ascende, sed præter te solum, neminem despicere. hoc grande & præclarum est, in alto non altum sapere; cum extolleris, te ipsum deprimere, & (quod prædestinatorum est proprium) melius coelum attingere, & opinione sua

sua circa solum reperere. Bernardus: Semper, inquit, divinæ gratiæ familiaris esse solet humilitas, quæ est hæc tam sublimis humilitas, quæ cedere non novit honoribus, insolescere gloria nescit? non est magnum in abiectione esse humilem, magna & rara virtus est, *humilitas honorata*. Auditis hæc reges, & principes, rerum Domini? Auditisne ista vos viri tam docti quam superbi, vos tam fastuosi quam numosi? rara virtus est, *humilitas honorata*. Veræ autem humilitatis hoc est proprium, ut quo quis, cœlo teste, sanctior, eo se iudice vilior censeatur. Abraham Deo commendatissimus, nonne sibi cinis & pulvis? Petrus Ecclesiæ petra, nonne se palam & ex animo professus hominem Peccatorem? Paulus, vas electionis & Apostolorum princeps, nonne sibi abortivum & indignus vocari Apostolus? Vere aliud exaltationis principium non est, quam humilitas, & vilissima sui æstimatio.

Gen.
18.
Luc. 5.

1 Cor.
1.

I. Superbia virtutum omnium ruina, & altissimum hominum & angelorum præcipitium. qualis, ô Deus, inter cœlum & terram facta est olim commutatio! pulcherrimus omnium angelus cœlo præcipitatur, & miserimus omnium mendiculus, in cœlum ab angelis deportatur. nam unde Lucifer superbus cecidit, eo ulcerosus Lazarus ascendit, quem credibile

bile est sapius sua ulcera numerasse ,
 quam suas virtutes , nec dubium quin
 cunctis patientior sit visus quam si-
 bi , genuino sui contemptu . non
 illepide & vere dixit Sanctorum quis-
 piam : Parum valet , qui se aliquid
 valere censet : nil penitus valet , qui
 se multum valere autumat . huic
 assentitur Bernardus , & , Omnia , in-
 quit , illi desunt , qui nihil sibi deesse
 putat . addi potest : cœlo natos non
 videri , quibus sua tantum placent .
 qui alienæ vitæ superbissimi censo-
 res , suæ vanissimi æstimatores , tam
 falluntur circa aliena , quam in pro-
 priis cæcutiunt , jucunda lippitudi-
 ne . Abite , ô vani , cœlum ejuscemo-
 di pavones non admittit : cœlo præ-
 destinati , nullius vitam ita rigide
 censent ac suam , nullius mores toties
 damnant quam suos ; facile indul-
 gent omnibus , nunquam sibi ; in ne-
 minem severiores quam in seipsos .
 miseri nos ! pulvis sumus & umbra ,
 brevi ad plures abituri , & tamen o-
 rigines nostras , & Majorum imagi-
 nes longa ostentatione percensemus ,
 tanquam si magis homines sint , qui
 plures avos numerant . Homo vani-
 tati similis factus est , dies ejus sicut
 umbra prætereunt . quoquo verta-
 mus oculos , lacrimas nostras cerni-
 mus . cœlum tuemur ? patriam qui-
 dem eminus videmus , sed in exilio
 nos esse sentimus . terram despici-
 mus ?

76. SIGNUM VIII.

mus? foveam illa nobis minatur, & licet eam pedibus calcemus, caput tamen nostrum sibi ea pollicetur, paulo post pro libitu tractandum. Non ipsos aspiciamus? ô pulchrum & rubicundulum pomum! sed vermiculus latet. putredo, sanies, mors penitis visceribus delitescunt. cor ipsum inspiciamus? ô profundam speciem, & foedam! quantum hîc anguium & colubrorum agmen? heu, vitiis scatemus, nobis tamen necdum vilescimus. miseriis, stultitiis, peccatis obruti jacemus, & tamen beati, sapientes, docti videri volumus, ac digito monstrari. Prædestinatos universa hæc ad maximam sui vilitatem compellunt, ita ut quo magis se suaque confiderant, tanto magis in dies sibi ipsis fordescent. & his ex facili, uti beato Paulo, sordent omnia, qui sibi prius ipsis sordere incipiunt, nec difficulter omnia contemnunt, qui ante omnia seiplos. quisquis beatus esse vult, discat contemni, & præter Deum, contemnere universa. Norunt prædestinati quam vere sit dictum à Chrysostomo: Minimum de se sensisse tam magnum est, quam res maximas fecisse. Norunt clamantis vocem: Qui vestrum major esse voluerit in regno calorum (si tamen eo perveniat) minor est futurus. Viam humilitatis norunt esse confragosam, & initio non nihil difficilem, sed planiorem paulatim

Rom.
3. in
Math.

latim & commodiorem ; colliculum
 sibi esse superandum sciunt. hunc
 quærunt & ab aliis ostensum avide
 scandunt : amant contemni , occa-
 siones arripiunt : cum se despici vi-
 dent , latantur , sibi que ipsis plus
 quam nullus inimicorum insultant ,
 horum nemo , sui despicientiam gla-
 dio se vindicaturum minatur ; nec
 verbo vindicant : nemo manum , ne-
 mo pugionem intentat contemptori ,
 ut qui plus commodi ferat quo plus
 contemptus. Prædestinati in schola
 Christi alte combiberunt , se homi-
 num sannis non decrescere , nec con-
 temptu fieri minores. Tantus est u-
 nusquisque , quantus est in oculis Dei ,
 non pilo major , nec juxta hominum
 intuitum Deus judicat. parvi Deo su-
 mus , si magni nobis : grandes ipsi ,
 si nobis exiles. puteus quo est profun-
 dior , hoc illius aqua purior ; aestima-
 tio sui quo vilior , hoc Deo gratior.
 defodiendi sunt immodici , ingentes
 animi deprimendi , atque universa
 nostra superbia , miseriæ , inscitæ ,
 defectuum nostrorum mole obruen-
 da. Moschum ajunt in locis graveo-
 lentibus amissum odorem recupera-
 re : ita nos si serio nobis ob sordes
 nostras vilescamus , non quem hacte-
 nus dedimus , sed quem oportet
 emendationis vitæ odorem exhalabi-
 mus.

Imit.
 Christi
 lib. 3.
 c. 50.
 1 Reg.
 61.

II. Rogatus vir religiosissimus ,
 F 2
 quam

78 SIGNUM VIII.

Lib. de
Virg.
c. 31.
Apol.
de
Dav.
c. 9.
In c. 5.
Iob.

Eccle.
c. 3.

quam potissimum ad cœlum viam in
venisset, respondit : *Si se homo semper
accuset.* Hoc pœne tota Christianorum
disciplina est, inquit Augustinus. Am-
brosius : Signum, inquit, Electorum
est, male de se sentire, & vulnus
suum agnoscere. Gregorius, Repro-
batorum, ait, est proprium, semper
prava agere, & nunquam quæ ege-
rint, retractare. Omne enim quod
faciunt, cæca mente pertranseunt,
factumque suum nisi puniti, non a-
gnoscent. Electi actus suos quotidie
ab ipso cogitationis fonte discutiunt,
nec inde securi sunt, quia videri
Deo in se, quod ipsi non vident, agno-
scunt. Ecclesiastici consilium est
Quanto magnus es, humilia te in om-
nibus, & coram Deo invenies gra-
tiam, quoniam magna potentia De-
solius, & ab humilibus honoratur.
Vere maxima in omnibus perfectio
suar imperfectionis cognitio : & lon-
ge laudabilior est animus, cui non
est infirmitas propria, quam qui e-
non respecta, mœnia mundi, vias
derum, herbarum vires, fundamen-
ta terrarum & cœlorum fastigia
matur. Cogitas magnam constituentem
fabricam celsitudinis? de fundamen-
to prius cogitato humilitatis : omne
delectat celsitudo, sed humilitas
eam gradus est. Excelsa est patria,
sed humilis est via, qui serio inquit
patriam, non recusat viam. At vero,
quod

inquit D. Hieronymus. merito deplo-
 rat : Multi humilitatis umbram, veri-
 tatem pauci sectantur : pauci, sed hi Hier.
 beati & coelo prædestinati, qui quo Epist.
 magis seipso vident, tanto magis si-
 bi ipsis displicent, tanto pretiosiores
 Deo. quanto sibi viliores ; qui mi-
 nus se vident, minus sibi displicent.
 Multi sciunt multa, seipso nesciunt,
 tanto minores in Dei oculis, quanto S. Gre.
 majores in suis. Magnus & tutus ad I. 35.
 Deum adscensus est, propriae vilita- mor.
 tis agnitio Et verissime dixit Cassio- c. 5.
 dorus: Discendendo, coelum ascen- In Ps.
 ditur. 6.



SYMBOLVM.IX.

Dilectio inimicorum.



*Noli vinci a malo, sed vince
in bono malum. ad Rom. 12.*

NONVM

PRÆDESTINATIONIS

SIGNUM

SYMBOLVM IX.

HASTIS PER OLEAGI-
 NVM SERTVM CON-
 JUNCTIS repræsentatur *Dilectio*
inimicorum. Olivæ ramus, priscis no-
 tissimum pacis signum fuerat. Plexi-
 lis hic oliva hastas hostiliter con-
 currentes conciliat, & in amplexum
 cogit; uti amor inimicos. Serium
 Christi præceptum est: Ego autem
 dico vobis; diligite inimicos vestros, *Matth.*
 benefacite his qui oderunt vos, & 5.
 orate pro persequentibus & calum-
 niantibus vos, ut sitis filii patris ve-
 stri qui in coelis est. Opus hoc, in-
 quis, arduum est & difficile. Sed *Aug.*
 quo difficilius, hoc Deo gratius & *in En-*
chir.
 nobis utilius. Multa sunt genera e-
 leemosynarum, quæ cum facimus,
 adjuvamur ut nobis dimittantur pec-
 cata, sed ea nihil est majus, quam
 cum ex corde dimittimus peccata iis
 qui offenderunt nos. Christus jam
 in alto pendens, linguam solam à
 flagris & clavis habuit immunem, &
 hanc in ipsa cruce primo omnium
 solvit, in patrocinium eorum qui se
 manu aut lingua crucifixerunt. Di-

32 SIGNUM IX.

fertus & potens suismet hostibus
 advocatus. Et discipulos in hoc ha-
 buit hic in cruce Magister, sed pau-
 cissimos. Stephano pro inimicis
 oranti cœlum panditur, velut si
 ad nobile hoc spectaculum cœlites
 Ad. 7. omnes sint intenti. Idem sanctis-
 simus protomartyr pro se, stans,
 pro inimicis utroque genu flexo
 precatur, & simul patefactum in-
 tueretur cœlum, stantemque Jesum
 à dextris virtutis Dei. Si liceat quæ-
 rere: Domine quid hoc agis? pri-
 usne, præmium & triumphus, quam
 prælium? nondum os Stephani
 aperitur, & jam cœli janua rese-
 rantur? nondum vivere desit hic
 Levita, & te jam videt? nunquid
 nemini bene meritum te finis esse
 aspectabilem, nisi in supremo tur-
 domicilii recessu? quid ergo est quod
 Stephano exeat obviam beatitudo,
 & extra cœli januas procurrat? non-
 dum ex arena hic miles abiit, adhuc
 in pulvere luctatur, etiamnum orat,
 & quidem pro suis hostibus. O felix
 & potens oratio! Sed perpendamus
 causam sic accelerantis præmii. Tam
 grata Deo est injuriarum remissio,
 & seria deprecatio pro inimicis, ut
 mitissimus Deus omnem hinc maje-
 statem ponat, amplissimam legis
 gratiam faciat, nec ad regnum soli-
 um primum coronare athletam ve-
 lit, sed præveniat, jubeatque pul-
 cherrimam

cherrimam beatitudinem ad ipsas palatii valvas, imo extra domus limina prodire, ut felicissimus hic pugil, qui hostes infensissimos ac ipsos interfectores suos amavit, proque eis & lacrimans & moriens supplicavit, præter legem honorificentissime ad triumphos evocetur. & hoc est æterni regis privilegium, iis qui injuriarum volunt esse immemores, concessum. adeo non male pati, sed male facere, est malum perpeti. Mitissimus David, qui cum ursis & leonibus pugnabat, & vincebat; ille sic strenuus & nullo timore perterritus cum hostem capitalissimum Saulem sub hastæ cuspide non semel teneret, parcere tamen maluit quam occidere, illudque veluti armorum suorum insigne cantabat: Si reddidi retribuētibz mihi mala, decidam merito ab inimicis meis inanis. For-^{Pf. 7.}
tissimus Paulus qui armatorum cuneos, qui mortem, qui inferos ipsos in certamen vocabat, in inimicos adeo clemens erat & benignus, ut diceret: Maledicimur & benedicimus: persecutionem patimur &^{1 Cor.}
sustinemus: blasphemamur & ob-^{4.}
secramur.

I. Nobilissimum & generosissimum vindictæ genus est, ignoscere cum possis ulcisci: & longe gloriosius est tacendo vincere inimicum, quam respondendo: Honor est

Prov.
20.
Lib. 1.
Offic.
c. 36.

Aristo.
lib. 4.
Ethic.
c. 3.

Hom.
41. in
Act.
Apost.

Lactan.
de ira
Dei.
l. 10. 3.

homini qui se separat à contentioni-
bus. Ambrosius : Vindicare se , in-
quit , non est actus fortitudinis , sed
abjectionis , & timiditatis : Vinci-
tur ab inimico , non vincit , qui se
vindicat. nec aliter sentit philoso-
phorum princeps : Sicut debilis est
stomachi , ait , cibum duriores non
posse concoquere , ita hominis pu-
sillanimis est ; verbum duriusculum
non posse sustinere. Nemo luculen-
tius probat se Christianum esse ,
quam qui amat inimicum. virtuti
exercendæ aut sincerissimo amico
est opus , aut asperrimo inimico ,
cui nemo unquam sic nocuit , ut
non magis sibi ipsi. Chrisostomus :
Vindicta , inquit , in corde posita ,
nocentior est vipera. neque enim
minus malum est , referre injuriam
quam inferre. inimicum feris ? tei-
psum letaliter jam læsisti. & hoc est
prunas è foco rapere , sed omnium
primo sibi manus amburere , dein
alios iis perfundere. sic semper pri-
ma pars malorum in auctorem suum
vertitur , interdum etiam novissima ,
cum sæpe interim sit illæsus , in
quem perniciēs parabatur. quisquis
aliū odit , primum animæ suæ vul-
nus infligit. Qui non diligit , manet
in morte. At durum est , quicquid
dicant alii , durum est , inimicum
amare : Sed erit longe durius inter
innumeros inimicos apud inferos
ardere.

ardere. Difficile eum diligere quem
vix odio dignum censeas : sed diffici-
lius erit audire ab iride clamantem :
Abite maledicti in ignem æternum.
Nimis arduum est , illæsum eum si-
nere qui toties laesit : Montem non
scandet , qui vitat ardua : coelum
fugit , quisquis inimicum odit. Pe-
regrinabundi huc illuc sæpe curri-
mus , subinde deteriores redimus ;
templorum aras cera cumulamus ,
nos interim saxea pectora gerimus ;
impetrando iubilæo fatagimus , nec
tamen vindictam urgere desinimus.
ô mi Christiane , Iubilæum Deus in
ædium tuarum vestibulo tibi statuit ,
num facis vel verbulo. dic : *Ignosco* ,
& noxarum omnium veniam impe-
trasti : Dimitte & dimittetur tibi , Luc. 6.
nam si tradideris corpus tuum ita ut 1 Cor.
ardeas , charitatem autem non ha- 13.
bueris , etiam erga inimicos , nihil
tibi prodest. Dives censetur , qui
multos numerat debitores : inimici
in te injuriæ multa tibi debent , ideo
ab illis ditescas si velis. Subduc mo-
do ratiunculam , quantum tibi sit
æris tui , quantumque alieni : dives
es si non reddis iis quibus debes.
quot nomina apud Deum contraxi-
sti ? & jam negligentia tua factus es
non solvendo. quin tu ergo Deum
ad debitores tuos remittis , & tua
nomina , quæ nunquam posses , per
illos expungis ? Dimitte & dimitte-

86 SIGNVM IX.

Ecl.
c. 28.

tur tibi. Relinque proximo tuo nocenti te , & tunc deprecanti tibi peccata solventur. Ingentia tibi debita condonat Deus , si tu aliis parva , notum illud Hieronymi : O formidolosa sententia ! Si parva fratribus non dimittimus , magna nobis à Deo non dimittuntur. Veniam quam quis habet inimico , hanc à Deo speret.

Rom.
12.
Prov.
25.

II. Ergo saltem tui miserere , ô homo , & ne te ipsum oderis , ama inimicum. Vltionis non longa est delectatio , misericordiae sempiterna. Noli , obsecro , vinci à malo , sed vince in bono malum. Si esurierit inimicus tuus , ciba illum ; si sitierit , da ei aquam bibere , prunas enim congregabis super caput ejus , & Dominus reddet tibi. vince in bono malum. De hac victoria Chrysostomus : In Olympicis , ait , certaminibus Diabolo consecratis lex est , malefaciendo vincere : in stadio Christi , omnino lex est contraria ; hic enim non eum qui percutit , sed qui percutitur , coronari decretum est. Si mansuetudinem exhiberemus , essemus omnibus insuperabiles , nec ulla ad nos injuria perveniret. Ergo , ne dicas : reddam malum. expecta Dominum & liberabit te. nec dicas , quomodo fecit mihi , sic faciam ei. Et cur damno tuo nocere

Inc.
12. ad
Rom.

cere

cere cupis alteri? O canis quid lapidem mordes? cum manu age quæ misit lapidem. ô bubo, ô cæce, quid furis in adversarium? dimitte eum ut maledicat: Dominus enim præcepit ei ut malediceret tibi. Ad mortem ^{2 Regi} damnatus carnifici non indigna^{16.} tur, sed judici. & cur, miselle homo, carnificem tu tuum invadis? judicem attende. Deus est, qui talem in te antagonistam immisit, sed bo ^{Job.} no tuo, plestendis delictis tuis. Io^{c. 1.} bo Diabolus nec unam quidem oviculam ademisset, nisi Deus id permisisset. Dominus dedit, & Dominus etiam abstulit, non Diabolus. Non haberes potestatem adversum me ullam, nisi tibi datum esset desuper, respondit Pontio Christus. idem prorsus inimico tu tuo responde. Plurimis plus inimici profuere quam amicissimi. tyrannos tolle, non erunt martyres: non sint inimici, tollentur plurimorum pramia. non minus Deocletianus Ecclesiam ampliavit immanitate & gladio, quam Constantinus liberalitate & auro. Evangelicus ille paterfamilias, voluit frumentum & lolium una surgere: Sinite inquit, utraque crescere, sed usque ad messem. At nos præproperi & in perniciem nostram festinantis ingenii homines, ut primum noxiam herbulam conspiciamus, mox clamamus: Carduos ad ignem, ad
flam-

88 SIGNUM IX.

Matth.
6.Psal.
118.

flammas lolium , inimicos ad Orcum. Lentius , ô boni , lentius ; non sic licet ante messem in agros grassari. tempore messis dicetur messoribus : Colligate ea in fasciculos ad comburendum. Cur ergo vota nostra damnamus ipsi , tam male festinato imperu , quid inimicos ad penas raptamus ? hoc genus lolii , falcem & ignem non evadet , sed nondum est messis. Christus cum suis orare , ac septemplicem petitionem divino patri offerre docuisset , è septenis his petitionibus non sine causa solam illam de condonandis injuriis debitis repetiit , explicavit , & quid explicatione hac aliud declaravit , quam , quædam monstranda esse , quædam etiam inculcanda , nec enim unquam nimis dicitur , quod nunquam satis discitur. Et vel inde divinam legem dilaudans David: Latum , inquit , mandatum tuum nimis. vere latissimum , quod notos ignotosque , tam benefactores quam hostes , dignos & indignos , inimicos perinde atque amicos amari præcipit. Nemo torque aurea collo affusa , tam certo se vel divitem , vel doctum , aut nobilem probat , quam certo quis Dei se filium esse demonstrat , qui inimicos amat. Sed quis ita semper apud se est , cum iræ fluctus insurgunt , qui non pessimis execrationibus inimicum liberali ore de-

voveat ? At Christiani est , imperare
 iræ & motos ejuscemodi fluctus
 componere. Pulchre Augustinus :
 Audisti , ait , convitium ? ventus est.
 Iratus es ? fluctus est : vento igitur
 flante , fluctu surgente periclitatur
 navis , periclitatur cor tuum. audito
 convitio vindicari vis , & ecce vin-
 dicando te , fecisti naufragium , &
 quare hoc ? quia dormit in te Chri-
 stus , oblitus es Christum. nimirum
 excidit tibi , Christum , cum cruci-
 fieretur , inimicis suis non crucem ,
 sed veniam à patre lacrimis exorasse.
 Ergo Christus in te dormit , qui
 pro suis hostibus , non vigilare tan-
 tum , sed & mori te docuit. Excita
 ergo in te Christum , & dic tibi ipse :
 Et qui sum ergo ut ulcisci me velim ?
 forsitan prius ego mortem , quam ini-
 micus ultionem meam sentiet. hinc
 vero migrantem animam repellat
 à se Christus , qui mansuetudinem
 docuit non furorem ; submissionis
 præceptor , non ultionis ; charitatis
 atque veniæ magister , non odiorum
 & vindictæ.

III. Sed sine oculis ; sine auribus
 est ultio , surda & caeca fertur , quo
 eam rapit impetus , ut jure priscus
 poëta indignetur :

Verum ita sunt isti nostri divites
Si quid bene facias, levior pluma est gra-
tia :

Plauti
 in
 Pœn.
 Act. 3.
 Scen.
 Stult.

Si quid peccatum est , plumbeas iras gerunt.

lib. 2.
hist.

Nempe plumbeo plerique sunt obtusoque & jacente animo , qui rebus omnibus , præterquam injuriis indormiunt. qualibet offensionis aura , gratiam avolare jubent & evanescere , contumeliam grandi odio , velut appenso plumbō in petu altissime demittunt. Date veniam , Christiani , ab ipsis idololatriæ superamur : eorum & testimonia & exempla nos lapidant , ut supremo mundi die , nulla nobis futura sit excusatio. Sane Pompejo Magno non magis laudi datum lego , quod tribus amplissimis triumphis tres orbis terrarum partes complexus sit , quam quod esset , ut Paterculus scribit , amicitiarum tenax , in offensis exorabilis , in accipienda satisfactione facillimus. Augustus Imperator Cinnam necem sibi machinantem vita donans : O Cinna , inquit , iterum tibi vitam do , prius hosti , nunc insidiatori ac patricidæ , eique consultum obtulit. Vis exitum ? Cinna habuit perpetuo amicissimum , & solus illi hæres fuit. Phocion innocentissimus , & Imperator , jam capite damnatus , cum lictor ei venenarum calicem porrexisset , rogatus à cognatis , quidnam ad filium manderet ? Mando , inquit , ut obliviscatur

P R A E D E S T I N. 91

tur hujus poculi, quod ab Athenien-
sibus propinatum nunc epoto. Iulius
Cæsar nihil unquam præter injurias
oblitus dicitur. At quis nostrum hic
videri aut esse vult obliviosus? quam
firma plerique omnes memoria su-
mus, cum injuriarum res agitur? bene-
ficia pulveri, filici vero injurias inscri-
bimus, manet alta mente repositum.
Nemo cedit, nec Deo quidem im-
perante. Iam olim Deus vindictam
omnem prohibuit, & severe pror-
sus edixit: *Mea est ultio, & ego re-
tribuam in tempore.* Nihilominus
quotusquisque est, qui non impie
reclamet? *Mea, Domine, est ultio,* ^{Deut.}
& ego retribuam. Opponit iterum ^{32.}
Deus: *Mihi vindictam: ego retribuam.*
Obluctatur iterum homo: *Mihi vin-
dictam, Domine, ego retribuam: tu
nimis es exorari facilis, sera nimis tua
est ultio.* Sic improbissimo & plus-
quam temerario ausu, Dei munus
invadimus, gladium in inimicos
nostros ab ipso stringendum flagi-
tiose præripimus; pars læsa cum-
sumus, judicis severitatem indui-
mus.

IV. Narrat Rufinus Aquilejen-
sis (& complures alii Græcorum in-
terpretes) &, Ad Sisoium, inquit,
religiosissimum senem, injuriam qui-
dam passus se contulit, & contu-
melia genus, ore, ut fit, tragico ex-
ponens; Obsecro, inquit, permitta
mihi

mihi Pater , ut homo sim , & me vindicem. At senex multis apud eum precibus institit , ne sic homo esse veller , ut diabolus fieret. Nimirum Deo id curæ futurum , Deo vindictam omnem permetteret ; sat fortem esse hunc ultorem ; injuriarum reum divinas manus non evasurum. At ille : Mihi certum est , inquit , hoc ei non condonare , nec desistam dum par pari reddidero. Cui senex : Quæso te inquit , homo sis , sed Christianus , & quid ratio dicat , non quid impetus velit , attende. Et vero ratio , inquit iste , hoc suadet , ut ei non parcat , qui nec ipse pepercit aliis. Contra Sisoïus : sed hoc tuum non est , inquit , aut velle , aut facere. Ius gladii in hac causa penes solum Deum est. Deus ultionum Dominus , Deus ultionum libere egit. nobis hæc agendi libertas negata est. Et nosti , credo , quid Christus non consilii sed præcepti dederit : inimicis non tantum veniam , sed & preces , amorem , beneficia deberi. Pater inquit iste , animus meus commotum mare est , nec quieturum dum me vindicavero. Quandoquidem ergo , inquit Sisoïus , obfirmasti animum , saltem non præcipita ; obsecro prius oremus. Ambo simul submisserunt genua , & vocem prævit senex , in hæc verba : Deus , tuum nobis auxilium jam non est necessarium , nec

ut pro nobis sollicitus sis, rogamus :
 nos ipsi omnia curabimus; nostra est
 ultio, & nos retribuemus, jamque
 in eo sumus ut inimicos nostros po-
 namus scabellum pedum nostrorum.
 Adeo perculerunt hominis animam
 hæc verba, ut mox toto corpore ad-
 fenis genua provolutus, humenti-
 bus oculis promiserit, illatam inju-
 riam nec verbulo à se vindicandam.
 Hoc iusti iustorum præceptum est;
 hæc germana filiorum Dei nota,
 non gravate dare veniam offenden-
 ti, insuper etiam offensam benefi-
 cio redimere. Videte, inquit Pau-^{1 The.}
 lus, ne quis malum pro malo alicui^{5.}
 reddat, sed semper quod bonum est
 sectamini invicem & in omnes, nulli
 malum pro malo reddentes. Hæc
 Paulus; sed hæc Christus apertius^{Rom. 12.}
 etiam longeque severius injungit:
 Vobis, inquit, dico qui auditis, di-^{Luc. 6.}
 ligite inimicos vestros, benefacite
 his qui oderunt vos: benedicite ma-
 ledicentibus vobis. & prout vultis,
 ut faciant vobis homines, & vos fa-
 cite illis similiter. Et si diligitis qui
 vos diligunt, quæ vobis est gratia?
 nam & peccatores diligentes se di-
 ligunt. Et si benefeceritis his qui
 vobis benefaciunt, quæ vobis est
 gratia? siquidem & peccatores hoc
 faciunt: Veruntamen diligite inimi-
 cos vestros, & erit merces vestra
 multa, & eritis filii Altissimi, quia
 ipse

ipse benignus est super ingratos & malos. Hæc quidem iuste imperas, & liberaliter promittis, sed, ô bone Domine, quam multi sunt qui te non audiunt, nec lex tua apud illos tanti est, ut finem ponant odiis; fatentur nolle se in istam ignoscendi facilitatem effeminari; nil sibi fore jucundius quam præsentis & parimoneta factam injuriam persolvere: atque si optio illis, quæ Salomoni, fieret postulandi quod vellent, non sapientiam peterent, sed vindictam. Horum nemo non clamaret: Da mihi Domine inimicorum meorum animas; cetera relinquam tibi. Hic germanus vindictæ spiritus est, Dei legem non curare, Dei minas parvi ducere, injuriam non tantum non perferre sed reldere, totam bilem ad unum verbulum evomere, furentis ex dolore animi impulsum sequi, votis omnibus inimicum perdere. Hæc ulciscendi libido inquit Tertullianus, negotium curat, aut gloriæ, aut malitiæ; sed gloria ubique, vana est, & malitia Domino odiosa, hoc quidem loco maxime, quia malum duplicat quod semel factum est. Quid enim refert inter provocantem & provocatum, nisi quod ille prior in maleficio deprehenditur, iste posterior, uterque læsi Domini reus est. Dominus monet: Verberanti te in faciem, etiam alteram

3 Reg.
3.

Libi de
Patiēt.
c. 8. 9.
10 11.

alteram genam obverte. Fatigetur aliena improbitas patientia tua : plus improbum illum cædis sustinendo , ab eo enim vapulabit cujus gratia sustines. Et quem honorem litabimus Domino , si nobis arbitrium defensionis arrogaverimus ? Sequester patientiæ est Deus , si injuriam deposueris penes eum , ultor est : si damnum , restitutor est : si dolorem , medicus est : si mortem , resuscitator est.

V. Sed objicias : Semper ego auditor tantum , nunquamne reponam , vexatus toties ? Ita , mi Christiane , tu nunquam repones , etsi centies , etsi millies vexatus. Si vis esse Dei filius , tuo patri hanc causam ^{Barue.} committe : tu file & patere. Nocentes ^{c. 4. Coloss.} peribunt qui te vexaverunt , & ^{c. 3.} qui gratulati sunt in tua ruina , punientur. Qui injuriam fecit , recipiet id quod inique gessit. Sed inquis : Injuriam condono , non oblittero ; non obliviscor. Itaque ne tua liberalitas est ? nec tu aliam apud Deum quære. Homo homini , inquit Ecclesiasticus , reservat iram , & à Deo quarit medelam ? in hominem similem sibi non habet misericordiam , & de peccatis suis deprecatur ? Ipse , dum caro sit , reservat iram , & propitiationem petit à Deo ? quis exorabit pro delictis illius ? Clementiæ vanissimus fucus est , nolle ulcisci , nec tamen

56 SIGNVM IX.

Matt.
xv.

oblivisci velle : si quid donas , ex integro dona , aut cœlum despera. Nosti , quid minetur Christus : Sic & pater meus cœlestis faciet vobis , si non remiseritis unusquisque fratri suo DE CORDIBVS VESTRIS. Sed dicas: Ego quidem non difficilis forem ignoscendo : at publicum mihi munus commissum est , impune nemo injuriam mihi fecerit , honorem meum eo defensum. Obsecro , Christiani, non argutemur in tam serio salutis negotio : auferte hæc picta vocularum ludibria. Munus publicum gerebat & Stephanus , nullum tamen lapidem in hostes gerebat , neque honorem suum ita defendebat , quin sincerissimo peccatore clamaret : *Domine Iesu ne statuas illis hoc Peccatum.* IESVS crucifixus , non qua hominis tantum , sed qua Dei filius , supplices lacrimas pro hostibus ad patrem mittebat : *Pater dimitte illis.* Tantæ maiestatis

Levit.
cap. 19.

non est ullus mortalium , ut turpe sibi putet , injurias præsertim proprias ex toto ignoscere. Non quæras ultionem , nec memor eris injuriæ civium tuorum. Sed nulla , inquis , offensionis causa illi nebuloni à me data est. Si causam dedisses , injuria non esset quam tolerares ; parilis utrinque foret læsio. Quid de causa disputas ? quid Ioseph fratribus nocuit , cum somnium suum narravit

& tamen injuriam omnem jam Aegypti prorex generoso silentio concoxit. Sed non est, inquis, levicula injuria quæ illata mihi est. Quid jam injuriæ gravitatem exaggeras? nec primum erit eximium, si dimissa offensio sit levis. Virtute nunquam magnus eris, nisi magnis injuriis exercearis. Hieronymum audi: Deus faber est: inimici lima sunt & mallei, quibus nos ille expurgat sanctosque sculpit. Sed nunquid cum Paulo jam lapidatus, aut cum Christo flagellatus, & in Crucem sublatu es? Sed nobilis sum ego, vilis ille homuncio est, & terræ filius. O resta Samia! de eodem luto es, de quo tuus inimicus, aut paullulum meliorte. Si vindictæ libido te vincit, non nobilium es filius, sed peccati servus. Ergo potius memento novissimorum & desine inimicari. Etsi non vindicem, inquis, ut tamen vindicare me nolim, eam mihi vim facere non possum. Potes, modo velis, sed quamdiu odiis alimentum in animo ministras, quicquid cogitas, merum est absynthium: urticas, tribulos, sentes geris in pectore, quibus cruenta conscientia miserrime uritur. Ardeo, inquis, vindicta. Nisi mature hunc ignem sopias & extinguas, cœli januam tibi jam obserasti, & magnis passibus ad ignes stygios tendis, ubi æternum ardeas. Porta cœli

Ecc. c.
28.Cap.
32.Hebr.
32.

injuriarum perpeſſio eſt, at qui vindicari vult, à Domino inveniet vindictam, & peccata illius ſervans ſervabit. At nulla, inquis, quies mihi eſt, non ſomnus, non cibus, aut potus ſapiunt, dum Mardocheum ſedentem video & intactum, dum inimicum talia in me molientem cerno & indemnem. Pulchre, mi homo, in caput tuum deciperis. Narrat Ezechiel de quibuſdam militibus qui poſuerunt gladios ſuos ſub capitibus ſuis, & deſcenderunt ad infernum cum armis ſuis. En novum cervicalis genus, gladium ! tali cervicali ſomnum ſuum fulciunt omnes vindictæ cupidi, qui nullam ſibi quietem niſi à convitiis, à manu, à gladio petunt. Sic primus diaboli diſcipulus (ita Cainum vocat B. filius) in fratrem jugulatrice manu ibat, ut extincta fratris gloria ſuam ſibi ſtabiliret. Contrarium evenit, Eſau, Saul, Antiochus divinam miſericordiam non ſine lacrimis implorant, non audiri. Eſau non invenit locum pœnitentiæ, quamvis cum lacrimis inquiſiſſet eam. Ita Saul, ita & Antiochus, ab ara miſericordiæ, ad quam confugerant, rejeſti, & jure: nec ipſi parcere volebant iis quos inimicos ſibi ſtatuerant. Iudicium ſine miſericordia fiet ei, qui non fecerit miſericordiam. Rex David foedo lapſu peccatum duplicavit.

vit, & libidinem sanguine miscuit, quamprimum tamen poenitentiae signum edidit, & vix geninas voculas, *Peccavi Domino*, pronunciavit, mox à Nathane audiit: *Dominus peccatum tuum transtulit.* Quoties Antiochus^{2 Reg.} peccasse se fassus, non sine grandi ejulatu clementiam Numinis imploravit, templo donaria vovit, emendatissimos mores in reliquam vitam promisit. Sed repulsam tulit. Nec mirum: longe aliter Hebraeus ille Rex, & aliter Assyrius tyrannus iste, in adversarios se gessit. David nullo regum inferior bellando & vincendo; omnibus tamen longe superior parcendo, ut qui nihil minus sibi voluerit licere, quam ulcisci, benignior vel in hostes suos, quam in suos cives Antiochus, qui non nisi gladios, ignes, sanguinem, ultionem, cades spirabat.

VI. Ægrotos medici non deserunt, donec videant prostratas vires ad tumbam fatiscere. Est tamen morbi genus, cujus primo intuitu medicus dicat: Sepulchrum aperite; hic homo moritur. Ita prorsus, licet nullius improbi hominis desperanda sit salus, dum exhalârit: in hoc tamen ægritudinis genere, cum putrida viscera felle natant, cum animus odiis & vindictæ cupidine laborat, aperte Joannes Apostolus pro-

nunciat : Sepulchrum aperite huic
 misero ; est peccatum ad mortem ,
 non pro illo dico ut roget quis : raro
 resipiscunt qui semel obstinarunt ani-
 mum in vindictam. Non est sensus ,
 ubi est amaritudo. Sed etsi clament
 omnes sapientes , minentur omnes
 prophetae , hortentur omnes angeli ,
 ut sepulta injuriarum memoria , in
 mutuos amplexus ruamus , adhuc
 tamen audacissime conciliationem
 omnem averfamur , adhuc talionem
 postulamus. Sapientium denique
 omnium sapientissimus homo , pro-
 phetarum doctor , rex angelorum ,
 auctoritate maxima , potestate sum-
 ma venit , non ut suadeat hanc unio-
 nem , sed ut praecepiat , non ut con-
 silium offerat , sed ut legem figat , &
 adhuc impudentissime refragamur.
 Audite Christum regem praecep-
 tem , audite reluctantes subditos ;
 Stat Christus & patris nomine im-
 perat : *Ego autem dico vobis , diligite*
inimicos vestros. Stant rebelles sub-
 diti & clamant : O Christe , frustra
 haec dicis , frustra imperas. *Vobis di-*
co , vobis Christianis. Nos ab Ethnicis
 in hoc stamus ; non auditis Christe.
Diligite inimicos vestros. Vix ullus est
 qui obtemperet. *Ego autem dico vo-*
bis , non resistere malo. Ignavi dice-
 mur & imbelles. *Orate pro persecuen-*
tibus & calumniantibus vos. Rara est
 haec oratio & nimis frigida. *Ut filii*
filii

Matt.

Luc. 6.

PRÆDESTIN.

fili Patris vestri qui in cœlis est. Nî-
mis caro venalis est hic titulus Bene-
facite his qui oderunt vos. Contra na-
turam, Domine, imperas; manda fa-
ciliora. Dimittite & dimittetur vobis.
 Non possumus, ut scias Christe, non
 possumus, hoc est nolumus iram co-
 hibere, dentes restringere, manum
 continere; & quis cogitationibus
 imperet? *Si dimiseritis hominibus pec-*
cata eorum, dimittet & vobis pater ve-
ster cœlestis delicta vestra. Parati su-
 mus perire, modo simul pereat ini-
 micus.

VII. O Christiani, adeone cœ-
 lum odistis, ut sic velis remisque ad
 inferos properetis? Vbi vestrum il-
 lud: Dimitte nobis debita nostra
sicut & nos dimittimus? aut ergo
 inimici vobis vestri amandi sunt,
 aut toties vobis ipsi laqueum injici-
 tis, quoties hoc à Deo postulatis:
 Sicut nos aliis dimittimus, ita tu
 nobis, ô Deus, dimitte. Sed nos ni-
 hil condonamus, omnia vindicatum,
 omnia imus punitum, odio implaca-
 bili. Ergo & tu in nobis nil impuni-
 tum relinque. Impiorum est hoc in-
 genium non prædestinatorum, nam
 hi tam graviter lædi non possunt quin
 clament: Pater dimitte illis, Ne sta-
 tuas illis hoc peccatum; Ego omnia
 condono, omnia remitto, nihil ul-
 turus. hæ voces prædestinatorum
 sunt. Sed priusquam finiam, obse-

cro vos omnes, qui hæc legitis, nec tamen inimicos diligitis, creditisne hæc vera esse? vera, dicetis, nisi Veritas mentiri & Christus decipere potuerit. Si ergo vera sint ista, uti sunt verissima: quæ tandem impia hæc est contumacia, quæ hæc tam obstinata divinæ legis irrisio, quis iste tam protervus jubentis Dei contemptus? Clamat Christus & præcipit: Ignoscite, dimittite, diligite non amicos tantum, sed & quoscunque inimicos. Adhuc vestra stat pervicacia, adhuc inimicos odistis? nondum ignoscitis, nondum malevolos obrectatores amatis? nec tanti apud vos Christus? nec tanti est Deus? nec tanti calum est, & aterna salus? & necdum extorqueri à vobis potest vel unicum, sed serium & ex pectore promptum verbum: Ignosco, dimitto; condonet Deus, quicquid in me à quocunque peccatum est. Adhuc, saxa statis sine sensu, sine voce, sine motu ullo ad veniam? adhuc ferreus vester animus spirat vindictam? adhuc clamat? Inimico mala crux, inimico mala omnia? adhuc vociferamini; Inimicis ultio, inimicis mors, inimicis omnes dira? Ergo adhuc in inimicum durant odia? ergo necdum imperantem Christum auditis? Ite jam, ite vos tales Christiani, quacunque libet via, non errabitis: secure & certo, ad illud quo tendi-

tis, diaboli regnum perventuri. Ite
compressis oculis ; ad inferos jam
quævis semita vos ducet : ad hunc
via terminum non certius itur quam
errando. Et certissimum est effatum
istud : Non potest amare Deum, qui
non cessat odisse inimicum.



SYMBOLVM. X.

Detestatio præteritorum
peccatorum.



*Veniam tibi cito, et mouebo canvas
velabrum tuum de loco suo, nisi
penitentiam egeris. Apoc. 2.*

D E C I M V M
PRÆDESTINATIONIS
S I G N U M

S Y M B O L U M X.

ELAGELLO ET VIRGIS
monstratur *Detestatio præteritorum*
peccatorum. Facinus abominabile ju-
dicat esse Augustinus, præteritorum
peccatorum meminisse, & inde glo-
riari ac gaudere, cum de illis magno-
pere dolendum sit, & contra niten-
dum; nam, ut idem Augustinus vere
affirmat: Qui pectus suum tundit, nec
corrigit, peccata solidat non tollit.
Lugens David de se pronunciat: Pec-
catum meum contra me est semper:
ideoque Deum tam efflictiui rogat:
Cor mundum crea in me Deus, &
spiritum rectum innova in visceribus
meis. Beati qui sic lugent & odio tam
generoso peccata detestantur, hoc
ipsum dolentes quod non satis dole-
ant; ex hoc ipso tristes, quod minus
quam par sit tristentur. Et hac quæ
secundum Deum tristitia est, pœni-
tentiam in salutem stabilem opera-
tur. In stabilem salutem, inquit Apo-
stolus, quod attentissime consideran-
dum. Multi salutem per pœnitentiam
recuperant, sed heu non stabilem sa-
lutem. Ideo Christus disertissime mo-
net: Nisi pœnitentiam habueritis, ^{Luc.} _{13.}
omnes similiter peribitis, explicat.

Par. 3.
quæst.
48.
art. 8.

præcipit, non agendam tantum, sed habendam esse poenitentiam, eamque retinendam. Nec enim ut statim temporis mutuum, quærenda est poenitentia, non transvolare permittenda, sed certo perseverandi proposito firmanda. Ita D. Thomas Aquinas: Vera inquit, & seria poenitentia, non tantum a peccatis præteritis expiat, sed etiam præservat à futuris. Non habet poenitentiam, qui non habet propositum firmissimum non amplius in priores noxas relabendi.

Joan. 5.
Marc.
2.

I. Christus paralytico, quem sanarat, præcepit lectulum ut tolleretur: Et mox sustulit grabatum suum, & ambulabat. Occasiones peccati cavendæ, tollendæ, removendæ sunt, & sic ad honesti restique metam currendum. Evangelicus prodigus extrema fame tabescens: Surgam, inquit, & ibo ad patrem meum. Nec tantum dixit iturum se, sed ivit. Et surgens venit ad patrem suum. Hic plerique omnes & manuum & pedum usum, nostra culpa amittimus. Lingua valemus, non opere: ore strenui, languidi manu. Arcum intendimus, nec tamen sagittam emittimus: proponimus facturos, non facimus. Post commissas noxas gemimus, sed ne committamus, oscitanter cavemus. Nimirum vulnus obductum cupimus, & sanguinem non sistimus, peccatis medella admoveamus, & affectum ad ea, non

non tollimus. Differendo & procrastinando senescimus. ita dum proponimus & promittimus, abit vita, & inter merum & pigrum *velle*, tota evanescit. Sic demum in longis nos propositis mors deprehendit, ridetque tot annis voluisse facere, fecisse nunquam. Augustinus olim talis, sed non diu talis, mature fecit idque ante senium, quod vidit sibi esse faciendū. Dicebam, inquit, apud me intus: ecce modo fiat, modo fiat, modo fiat. Et cū ^{lib. 82.} ^{Couf.} verbo jam ibam in placitū, jam pane faciebam, & non faciebam, nec tamen relabebam in pristina, sed de proximo stabam & respirabam. Retinebant me nugæ nugarum & vanitates vanitatum, antiquæ amicæ meæ, & succutiebant vestem meam. carneam & submurmurabant: Dimittisne nos? Dimisit certe & excussit jugum: vitam priorem omnem sic detestatus est, ut aliā viveret.

II. Nos saepe quidem meliorem vitam incipimus, sed hoc tantum; nec telam hanc perteximus, in captis non modo non pergitur, sed & in antiquam silvam redimus. Sunt, quis dubitet, multorum pii conatus, sanctæ cogitationes, optima consilia, castissima proposita. sed plerique Athenienses sumus, optime decernimus, pessime exequimur, aut certe in exequendo non persistimus. Modos vivendi honestissimos ac plane salutares nobis

præscribimus, sed cuius mox ratio molestiæque cedit: sancta proponimus & grandia, sed ubi rebellem carnem, invitantes socios, allicientem Dæmonem sentimus, non inviti manus damus, & ad priores vitæ sordes, nos retrahi non prohibemus, instabili prorsus & nimium brevi pœnitentia. Decrevisti, mi optime Christiane, vitam instituere castiorem, occisiones cavere, oculis in amore ducibus imperare, carnis petulantiam edomare? recte, cœpisti verecunde loqui, paginas impuras averfari? pulchre. Proposuisti bilem substringere, & iræ moderari, omne odium deponere, invidiam omnem animo pellere? optime. Instituisi linguam coercere, silere cum alii verbis detrahunt, sustinere cum dictis lacessunt? omnia præclare, & ad normam veræ pœnitentiæ. Quanto vero præclarius, in hoc vitæ curriculo perseverare? quam multi se heri continuērunt, linguam & libidinem represserunt, iram fregerunt, seipsos vicerunt, qui se hodie in priorem vitæ licentiam effundunt, linguæ & libidinis jugum subeunt, iræ habenas solvunt, vitiis ut ante serviunt. Non est vera, quæ non est firma & stabilis pœnitentia: inconstans hæc & desultoria mentis levitas est. O quales gladiatores sumus, qui doctique dem ventilamus, erudite præludimus, sed cum mucrone pugnatorio u-

tendum, cum in gradu standum, & celeres ictus eludendi sunt, ignavi recedimus, & vulnera in statu evitanda, in abitu accipimus. O quales cursores nos, qui primo itinere brachia jactamus, pedes incitamus, pæne jam sudamus: paullo post, ante via medium haeremus, deficimus, succumbimus. Ah, quoties præclara conamur, inchoamus cum laude, pergimus aliquandiu spe bona, languemus paullatim, cadimus tandem, jacemus in fine. Arbor frustra flore suo triumphat, & fructus promittit, nisi & proferat. Architectus fundamenta incassum jacet, si ea non in parietes & muros excrescant. Quid navarchum juvat malum erigere, antennis aptare, vela explicare, applicare remiges, si littore navim non solvat, aut ad littus quam primum redeat? Ita nos cum architectis fundamenta jacimus, & nullum surgit ædificium: cum oratoribus crebro exordimur, vix unquam peroramus: sæpe vela damus cum nautis, sed ingruente procella, ad littus unde solvimus, redimus. Illud nobis in ore continuum: volo facere, volome emendare; nihil facimus, nunquam serio emendamus. Per Sacramenta rite percepta carceribus quidem evolamus, sed mediò cursu frangimur, cadimus, jacemus. Et jam nullum amplius extat argumentum promissi nostri quod fecimus, aut divini epuli quod accessimus. Ita quam me-

rio SIGNVM X.

mores injuriarum sumus, tam obliuosi propositorum nostrorum. Prudentissimum animalium censetur homo, ut sibi stultissimum videri, aiebat Polybius. Nam cetera animantes ubi semel offenderint, cavent; non vulpes ad laqueum, lupus ad foveam, canis ad fustem temere redibunt: solus homo ab avo in avum peccat fere in iisdem incautum, obliviosum animal.

Isa.

47.

Hier.

3.

III. Per Isaiam quaeritur Deus: Non posuisti haec super cor tuum (ô anima) neque recordata es novissimi tui. Et dixi, cum fecisset haec omnia, ad me revertere, & non est reversa. Pœnitudo, inquit Bernardus, sine correctione non proderit. Vnus aedificans & unus destruens, quid prodest eis nisi labor qui enim baptizatur à mortuo, & iterum tangit eum, nihil proficit lavatio ejus. Vera pœnitentia comes est correctio, ut jam coërceas gulam, jugulas luxuriam, superbiam deprimas, & fustias servire corpus sanctitati, quod iniquitati ante servierat. Hæc nos omnia facturos pollicemur: vix dies abit, sæpe nec hora, & jam pollicitorum oblitus, redimus ad ingenium, & quod Isaias deplorat, è salubri luctu male hilarescimus: Venite sumamus vinum & impleamur ebrietate, & erit sicut hodie, sic & cras & multo amplius. Simillimi sumus cum Pharaone ingenitidens autem Pharaos quod sessisset pluvia & grando, & tonitrua, ausus

Isa.

47.

Hier.

3.

47.

Hier.

3.

47.

Hier.

3.

47.

Hier.

3.

47.

Hier.

3.

47.

Hier.

3.

peccatum. Ita nos post impetratam
 veniam, sapissimè augemus culpam.
 Quoties mane oviculæ sumus, leones
 vesperi, & sub humana fronte tigrides.
 quoties mane angeli, vesperi vix ho-
 mines esse deprehendimur: ita larvam
 aliam ex alia sumimus, & illa nobis sæ-
 pe familiarior est, quæ turpior: ita è
 vasis gloriæ in vasa contumeliæ muta-
 mur, heu crebra nimium vicissitudine.
 Sicut autem agrotantes, inquit, Chry. ^{Hom. 3}
 sostomus, nisi semper ordinate vive- ^{ad pop.}
 rint, nulla ipsis disciplinæ per tres aut
 quatuor dies servatæ utilitas: sic &
 peccantes, nisi semper sobrii sint, ni-
 hil proderit ipsis duorum vel trium
 dierum correctio. Pulli gallinacei jam
 plumantes, sæpe per domesticum attri-
 um musculas & vermiculos, pabula
 sui delicias venantur, interim eos su-
 blimis per aërem milvus curiose nu-
 merat. Atque cum jam volans ille fur,
 cunctabundo motu, eodem pane loco
 pendulus circumtuetur, & quærit
 quorsum in prædam superne sese ruat.
 fulminis vice, de cœlo improvisus ad-
 est, & incuriosam ex his avem rostro
 transfodit, secumque trepidantem sub
 ungue cibum avehit. At pulli ceteri,
 metu celeres sub matris alas coeunt,
 sed non diu latent; mox metum om-
 nem obliti & regi recusantes, è pluma-
 tili latibulo secure provolant, tota a-
 rea in pastum, ut prius, effusi. Sed adest
 iterum alatus prædo, & pullum alte-

rum subito abripit. Diffugiunt iterum pavidī, & notum asylum, maternas alas repetunt. Sed hic mali metus nunquam est diuturnus, & tamdiu lusus iste utrimque luditur, dum pullis area vacuatur. Non impari lusu nobiscum mors luditis: hic vicinum nobis, illic cognatum, amicum ibi abripit. ingemiscimus, & quia propinquum malum non sine causa credimus, trepidamus etiam, moresque sanctiores promittimus. Sed quandiu hæc pia trepidatio, quandiu hic gemitus? it unus aut alter dies, & iterum vermiculos passim sequimur, jamque & lacrimarum & gemituum obliti, ad hilares cachinnos & calices; ad lucella injusta, ad ejuratas libidines, ad vitiorum nostrorum circulum redimus, & ad pristinam vitæ consuetudinem libere provolamus, tamdiu male securi, dum ultimæ nobis fluant lacrimæ, & mortis ungues jam nostro hæreant pectore. tunc velle facere, nimis serum; fecisse solum juvat; & quod durum erat pati, tunc meminisse dulce est. Sed hæc neque aliis, neque nobis ipsis satis credimus: peccata detestamur quidem hodie, cras eadem sæpe plura & graviora repetimus. Ludimus cum bono Deo; vix facta deservimus, mox iterum deslenda facimus, ita catenâ nectimus è vitiis. quod deslet Isaias, & minatur: Væ qui trahitis iniquitatem in funiculis, & quasi vinculum plaustrī, peccatum, hic mos noster est,

est, peccata alia atque alia, aliis atque aliis peccatis accumulare, ac plerumque in pejus proficere. & quemadmodum Antiochus Epiphanes bonus puer, sed malus juvenis, & vir pessimus fuit: sic iisdem pæne gradibus & nos abimus in profundum, deletis namque per poenitentiam & exomologesin culpis, prima forsàn hebdomade calemus, altera repescimus, frigemus tertia, demum omnis bonus spiritus evanescit, & rursum morimur. O lunas, non uno duntaxat mense, nec hebdomade una, sed uno quandoque die crescentes & decrescentes, opulentas & inopes, & quot Euripos in angusto pectore circum gestamus? quoties è bona oliva in oleastrum turpiter degeneramus? heu volubilitatem & inconstantiam, non fortunæ quæ sensim fit pessima, cum esse bona desinit. Impius facit opus instabile.

Iustorum autem semita quasi lux Prov.
splendens, procedit & crescit usque ad c. 12.
perfectam diem: peccata prædestinati Prov.
sic detestantur, ut ea penitus aver- cap 4.
sentur; non tutum arbitrantur, hunc cum Deo lusu reciprocare, ut peccata commissa defleant hodie, cras iterum deflenda committant. Dei semel offensus nunquam obliviscuntur, nec sine gemitu recordantur condonatae offensæ. Hinc amplissimam à Deo gratiam in-
eunt. Offensum se Deus obliviscitur, si nos offensus cum dolore recordemur.

SYMBOLVM. XI.

Voluntatis in bonum
propensio.



*Inclinavi cor meum ad faciendas
justificationes tuas in æternum,
propter retributionem. Psal. 118.*

V N D E C I M V M
PRÆDESTINATIONIS
S I G N U M.

S Y M B O L U M X I.

ANCHORA, est *Voluntatis in bonum propensio*, quæ sese tunc demum exerit, cum quis firmissime statuit, nullum unquam gravius peccatum committere, etsi bonorum omnium ipsiusque vitæ facienda sit iactura. Juravi & statui custodire iudicia iustitiæ tuæ. Quod si cor nostrum non reprehenderit nos, fiduciam habemus ad Deum. Ludovicus Granatensis: Re-² 103.
probationis, inquit, signum mihi certum videtur, facilitas letaliter peccandi, sine doloris sensu. Nimis est malus, qui quod bonum est, nec serio quidem vult velle: magna pars bonitatis est, velle bonum fieri. Cœlo prædestinati, ut nil unquam mali velint, id volunt unice, quod vult Deus. Omni hora & momento clamant cum Paulo: Domine quid me vis facere? Non est quidquam quod pro te pati recusem: nihil mihi nimis acerbum aut arduum, nihil difficile nimis erit aut inexpugnabile: omnia superabo, tolerando; pervincam & expugnabo, omnia, Deo meo duce & adiutore. Et quicquid viribus non potero, id ardentissimis desideriis consequar: quocunque me pedes non tulerint, eo cogitationum alæ perducant: & uti

solares herbæ ad suum solem, sic ego
semper ad tuam, Domine, voluntatem
me vertam. In capite libri scriptum
est de me, ut facerem voluntatem
tuam, Deus meus volui, & legem
tuam in medio cordis mei, in medio
memoriæ, intellectus, & voluntatis
meæ illam reposui. Bernardus ad hoc
divinæ voluntati præstandum obse-
quium promptissimus: Pauperculus
ego, inquit, non habeo nisi unum mi-
nutum, voluntatem meam, & non
dabo illam ad voluntatem illius, qui
toto se totum me comparavit? Æ-
quum omnino est, ut *voluntas divina*
regula sit humanæ voluntatis & an-
chora. Epictetus: Constitui, inquit,
& conformavi voluntatem meam di-
vinæ. Vult me febricitare? Et ego vo-
lo. Aliquid aggredi? volo. Potiri? vo-
lo. non potiri? nolo. Mori? volo.
Quis jam igitur prohibere me aut co-
gere præter voluntatem potest, non
magis quam ipsum Deum? Turpe,
hæc olim à priscis in cæca nocte ver-
santibus visa, à Christianis ad clarissi-
mum solem cæcutientibus non vide-
ri. *Fiat voluntas tua; ô mi Deus, tua*
voluntas fiat, sicut in cælo & in terra.
Quare accingimini & estote filii po-
tentes, ut pugnetis adversus nationes
(contra insultus vitiorum) sicut autem
fuerit voluntas in cælo, sic fiat.

1.
Ma-
chab. 3.

I. Horologia urbica, primarium
unum sequuntur omnia; cur non &
omni-

omnium hominum voluntates, velut minuta horologiola, ad illud cœleste magnum, ad unicam divinam voluntatem dirigantur? Sicut fuerit voluntas in cœlo, sic fiat. Dici non potest quam hoc Deo sit gratum. gratulatus ipse sibi Deus velut de re maxima: *Act.*
 Inveni, inquit, David filium Jesse, vi. 13.
 rum secundum cor meum, qui faciet omnes voluntates meas. Ergo diu quæsit Deus, quæritque ejus animi & voluntatis hominem qui id solum, in omnibus, semperque aut nolit aut velit quod ipse. Hoc tali reperto homine, gaudium non dissimulat benignissimus pater: Inveni qui faciet omnes voluntates meas. Ideo & ipse Dei filius omnem suam ad patris voluntatem composuit: Descendi de *Joan. 6*
 cælo, non ut faciam voluntatem meam, sed voluntatem ejus qui misit me. Ab hac bonæ rectæque voluntatis norma nimis remotus est, qui non tantum non ad nutum, sed nec ad imperium obedit. Sapiens timet & *Prov.*
 declinat à malo, stultus transilit & ^{14.}
 confidit. Hoc est comedere, ac ter-*Prov.*
 gere os suum, & dicere, non sum o. 30.
 peratus malum. Qui hujus animi est, oppignerat animam diabolo, & ridet; cœlum perdit, nec damnū sentit, tanquam inter omnia damna levissimum.

II. At contra, cœlo destinati sic animum in bono stabiliunt, ut omnem mali speciem, & vel umbram
 pec-

peccati perhorrescant : non sinunt id sibi placere quod Deo displicet, in id solum tota mente pronissimi, quod, etsi displiceat omnibus, modo uni sciant placere Deo, hoc cogitant, hoc & loquuntur, nec dubium quin sapius eorum voluntas sic ignescat, ut præ Epicteto longe religiosius exclament : Deus meus, amor meus ! absit hoc à me, ut quod tu vis, ego nolim ; aut quod tu non vis, velim ego ; tua voluntas, mea est voluntas ; imo mea jam amplius mea non est, quia tua esse cœpit ; & ideo tua mihi jam sequenda est, quia mea esse cœpit. Idem ego velle debeo, quod tu, & vero etiam, ô Domine, volo. Agrotare me vis ? volo. Pauperem esse ? volo Domine. Doloribus affligi ? hoc volo. Contumeliis & injuriis affici ? etiam volo. Contemni atque despicì ? & hoc volo, quantumvis id graviter sentiam. Vis me destitui solatiis ? volo. Animi angustiis premi ? volo, etiamsi tu, mi Domine, id me velis ad extremum usque iudicium perpeti. Vis me rebus charissimis spoliari ? difficile est quidem amata relinquere, tecum tamen hoc ipsum volo. Etiam mori me vis ? inter difficilia omnia, difficillimum hoc est : tamen centies mori non recuso, modo divinis sanctissimæ voluntatis tuæ brachiis immoriar. Vis me præmature mori ? volo vel reluctante natura.

Vis

Vis me coelo adscribere ? volo, ô Domine, volo. Inferno addicere ? Ah ! bone Iesu, ut tu tua hoc velles sententia, factis ego meis volebam & merebar, sed ut ego hoc nollem, & volebas tu & merebaris tuo sanguine. Atque si fieri posset (uti sane non potest) alterutrum istorum, aut aequissimam tuam voluntatem esse irritam, ut ego beatus sim ; aut me damnatura esse, ut iustissima tua voluntas sit rata ; proclamo : melius est damnari me, & servari quod tu vis, ô Deus. Sed ô bonitas, mortem meam, scio, non vis, qui filii tui mortem ideo volebas, ut posses non velle meam. Per illam ergo filii acerbissimam mortem te rogo, ô pater, ab æterna morte me serva. En vulnera, en sanguinem quo tibi pro me litatum est : filio nolebas parcere, ut posses servulo. Ego mancipium tuum. O rex immortalis, ad omnem arbitrii tui motum versari me patiar : suave mihi erit quicquid à voluntate tua evenerit. Paratum cor meum, Deus, paratum cor meum. Hos amat coeli monarcha famulos qui heriles nutus oculo tam vigilante observant, ut Domini voluntas, lex fiat servi, qui semper explicata fronte dicat : Dominus est, quod bonum est in oculis suis faciat. Nihil enim melius ^{Psalm.} est quam respicere in mandatis Do- ^{cap.}mini.

III. Suum illud nobile monitum

COMME


commendent Græci : Ne quid nimis. Tu sane, ô Deus, tu mandasti mandata tua custodiri *nimis*. Servos suos vult Deus ad omne præceptum, & ad omnem nutum paratos, promptos, qui vel uno etiam die, vel etiam afflictissimi, millies tamen corde & ore dicant, *quod Deus vult*. Ita quidquid hi tam bonæ mentis homines volunt, hoc vult Deus, nam illi constantissime nolunt, quod Deum averfari sciunt & nolle. Ita hi tales, quicquid desiderant, impetrant, quandoquidem non aliud unquam desiderant, quam ut ad unam & unicam Dei voluntatem se conforment; sciunt enim quàm vere Hieronymus de obitu Blæstillæ scripserit ad Paulum : Bonus est Deus, & omnia quæ bonus facit, bona sint necesse est. nec illi bonæ voluntatis homines pro malo habent quicquid à bono Deo est. Sani sunt? gratias referunt conditori. Languent? & in hoc Domini sui voluntatem agnoscunt & laudant. Charorum orbitas irrogatur? plangunt quod accidit; sed quia sic placere norunt Domino, animo sustinent æquissimo. Unicus rapitur filius? durum quidem, sed tolerabile; quia sustulit ille qui dedit. Imminet dura pauperies, aut gravior pauperie morbus? contemptus affligit aut contumelia? injuriarum agmen laceffit? alias sibi voces elabi non sinunt quam istas: *Sicut Domino placuit, ita factum*

est, ita benefactum; etiam in hoc laudetur Deus. Benedictus Deus in æternum. Hac bona voluntate, velut anchora, stabiles supremam expectant horam, & breve putant omne malum, quod finis melior subsequetur.



SYMBOLVM . XII .

Moderatio affectuum.



*Sub te erit appetitus eius, et
tu dominaberis illi. Genes. 4.*

DUODECIMUM PRÆDESTINATIONIS SIGNUM.

SYMBOLUM XII.

CITHARA, qua exprimitur *Moderatio affectuum*, seu, *victoria tentationum*. Qui Christi sunt, carnem suam ^{Ad Galat. 5.} crucifixerunt cum vitiis & concupiscentiis suis, libere clamat Paulus. Eleganter Bernardus de Christo nos ad se invitante: Qui vult venire post me, abneget semetipsum, ac si dicat: qui me desiderat, se despiciat; & qui vult facere voluntatem meam, discat frangere suam. Quod autem pugnanti fatigat, vincentem coronat. Et hoc est lucrari vitam, quotidie sibi suisque affectibus mori. Vbi affectus vivunt, ibi aut cæca, aut mortua est ratio. Ideo sanctissimus David: Revela oculos meos & considerabo mirabilia de le- ^{Psal. 118.} ge tua. Scio Domine in lege tua magna & sublimia secreta contineri, sed ego homo sum, carne pressus, & variis affectibus obnoxius, nec ignoro, quanta sit vis illorum qui mentem meam turbant, & excæcant: tua igitur pietatis sit aperire oculos meos, & offusam ab affectibus caliginem dispellere. Vere de affectibus Seneca: Facilius est initia eorum prohibere, quam impetum regere. Nam sicut in præcepto dato corpori nullum sui arbitrium est, nec resistere dejectum potest,

potest, sed omne consilium irrevocabilis præcipitatio abscidit: Ita animus si in iram, amorem, aliosve affectus se projecerit, non facile reprimet impetum; rapiet illum ad imum vitiorum proclivis natura. Optimum igitur ipsis repugnare seminibus, cujuscunque demum malignioris affectus. In confinibus arcendus est hostis, nam ubi portis se intulerit, modum à captivis non accipiet. O quanto melior est patiens viro ferri, & qui dominatur animo suo, expugnatore urbium.

PROV.
10.

Lib. 1.
de
Serm.
Dom. c.

I. Augustinus: Beati pacifici, inquit, in seipsis, qui omnes animi motus componunt & rationi subjiciunt: beati qui carnis concupiscentiis edomitis, regnum fiunt Dei, in quo nihil non ordine agitur, in quo mens imperat, non reluctantibus famulis, corporis sensibus. Hæc illa pax ab Angelis, nascente Christo, proclamata, sed ea non nisi per arma & pugnas obtinetur. Cur enim Deus intex bellicos tubæ clangores Moysi legem in manus tradidit? num mitior & suavior musica, religioni Ecclesiasticæ, quo lex spectabat, non fuisset convenientior? castris tuba quam templis est aptior. Et nos, mi Christiane, ad castra vocamur, & ad conficius ab eo, qui legem dedit. legem non servabit, quisquis contra legis hostes pugnare detrectaverit. Car-

Exod.
19.

nem

nem suam nemo vicit blandiendo : suadentem Diabolum , Mundum seu blandientem , seu favientem sine p̄gna nemo superavit ; resistendum est & luctandum cum omni affectu , quem hostes divinæ legis concitant , qui suis solum noxis irascitur , & affectibus indulget , is malæ arboris ramos amputat , sed salva radice : rami repullulabunt. Ita Chrysostomus Christi verba expendens : Qui viderit mulierem ad concupiscendum eam , jam mœchatus est eam in corde suo. Non Modo , inquit , morbum , sed & morbi radicem evellit Christus. Radix adulterii concupiscentia est impudica. Quare non solum plectit adulterium , sed & concupiscentiam , matrem adulterii Ita non tantum cædes prohibet , sed & iram ad illas ducem , sed & contumeliosa verba iræ fomenta. Iracundia & amor , duo violentissimi affectus sunt , nec leges admittunt , nisi serias & severas ; blandis præceptiunculis vix emendantur. Ita non aliorum vitiorum more sollicitat animum , sed abducit , imo præcipitat. Et quamvis nemo velit tam graviter ferire hostem , ut manum in vulnere relinquat , seque ab ictu revocare non possit : tale tamen telum est ira , vix retrahitur cum longius excutere cœperit. ira non abhorret ab ullo scelere , & si quem sibi destinavit suo fulmine tangendum , non nisi le-

126 SIGNUM XII.

thali plagalenitur. Iracundus, velut pyrites lapis, quacunque sui parte cum

Prov. 29. silice collidatur, ignem vomit. Vir iracundus provocat rixas, & qui ad

indignandum facilis est, erit ad peccandum proclivior. Ira & furor, utraque execrabilia. Et vix uila pestis hu-

Eccl. 27. mano generi pluris stetit. Nam virum

Job. 5. stultum interficit iracundia, & pavulum occidit invidia. Itaque fratres

Lib. 4. de Civ. 6. amantissimi, inquit Augustinus, ne,

obsecro, tantum malum nobis inducamus; animæ morbum, rationis tenebras, à Deo alienationem, oblivio-

nem familiaritatis, principium bellorum, plenitudinem calamitatum;

daemonem pessimum. Qui quidem tanto magis cavendus est, quo plures

quotidie invadit. In omnes personas

Epist. 18. inquit Seneca, hic exardescit affectus: tam ex amore nascitur, quam ex odio: non minus inter seria quam inter lusus & jocos. Nec interest ex

quam magna causa nascatur, sed in

qualem perveniat animum. Sic ignis non refert quam magnus, sed quo incidat. Nam arida scintillam quoque

fovent usque in incendium. Atqui nihil est, ait, tam difficile & arduum,

quod non humana mens vincat, nullique sunt tam feri & sui juris affectus, ut non disciplina perdomentur.

Quodcumque sibi imperavit animus, obtinuit. Quantum vero est, effugere maximum malum, Iram, & cum illa ra-

biem

biem, savitiam, crudelitatem, furorem, & alios comites ejus affectus?

II. Quod Romanus hic sapiens dixit de ira, idem hoc de notissimis furiis Superbia & Invidia, idem de nequissimis sororibus Luxuria & Gula, deque omni vitiosorum affectuum exercitu dicendum: Quantum est, hæc mala maxima effugere, & ad beatam tranquillitatem, & quandam quasi harmoniam, ac omnium cupiditatum concordiam, animum componere? Beatus ergo ille, qui tanto minorem affectibus libertatem indulget, quanto minus ipse vult servire vitiis: & ut rationi suum stabiliat sceptrum, crucem statuit affectibus. Ad triremes damnati, certas habent, tametsi breves remorum ferias, subinde sua membris est quies: qui affectibus serviunt, quieto nunquam vivunt animo: unus ex alio cogitationum tumultus nascitur: Servietis diis alienis die ac nocte, qui non dabunt vobis requiem. Idcirco Ecclesiasticus: Post concupiscentias, Hier. c. 16. inquit, tuas non eas. Equus refractarius fræno coërcendus, deses, calcari- Eccel. c. 18. bus urgendus. Idem affectibus facien- dum, quorum aliquos impellendo, plerosque retinendo melius regas. Nemo magis odisse se potest, quam qui sic perdit se amat, ut in voluptates immodice solutus, nec impetrare sibi, nec negare quidquam possit. sed sciant hi, quid eis vaticinetur

Rom. 8. Apostolus: Si, inquit, secundum carnem vixeritis, moriemini; si spiritu facta carnis mortificaveritis, vivetis. Nemo majus obtinet imperium, quam qui ipse sui est Dominus; non est inferior servitus quam suis servire affectibus; nec illustrior est triumphus, quam parva de seipso victoria. Brevis hic conflictus, premium aeternum. Affectus suos vicit, qui eis servire non vult. At servit, ait Ambrosius, quicumque metu frangitur, vel delectatione irretitur, vel cupiditatibus ducitur, vel indignatione exasperatur, vel mœrore dejicitur. Nec ulla servitus turpior est, inquit Seneca, quam voluntaria, cum alius libidini, alius avaritiæ, alius servit ambitioni. Bonus, Augustino teste, etiamsi serviat, liber est: malus, etiamsi regnet, servus est; nec unius hominis, sed quod gravius, tot dominorum quot vitiorum. Cupiditatum vero non magis unum genus ac ratio est, quam vultus humani & formarum, quæ cum ex æquo homines simus omnes, maximam habent varietatem, sic alii aliis rebus afficimur, neque omnes iisdem æqualiter delectamur. Hic in libidines exæstuat, ille auro capitur; hunc strangulat invidia, iste potando sibi quarit exitium, alius otiaando aut ludendo. Nemo ea quam sibi fingit, perire se putat beatitudine, perinde atque si minus suffocaretur qui in vino submergitur.

Lib 2.
de Jacob &
Vita
beata.

Sen.
Epist.
47.

gitur, quam qui in aquis. Recte D. ^{Lib. 4.}
 Gregorius asserit: Reprobæ menti ^{in 1.}
 valde placet quod concupiscit, sed in ^{Reg.}
 æterna pœna, quod ei modo est dulce, ^{cap. 4.}
 marescit. O miser, species te decipit, ^{Daniel}
 & concupiscentia subvertit cor tuum, ^{c. 13.}
 ut aquas fugaces ore decepto appetas.
 Et quæ hominis beatitudo sit libido?
 de qua Amb. Febrè, inquit, libido fla-
 grantior est, graviusque inflamat, &
 præcipitat: sed ubi quis resipuerit à
 furore, tunc conscientia visus aperit-
 tur, & sui unusquisque facinoris pu-
 dendam turpitudinem erubescit. Tunc
 Deus timetur, & peccator se celare
 cupit, sed non potest; patet deformi-
 tas, nudum enim est Deo omne secre-
 tum, & peccator divinum mente con-
 scia iudicium formidat. Pecunia fa-
 mes, ad omne scelus egregium calcar,
 non sedatur lucro, sed incitatur, nec
 minus animum quæ sitis torquet quam
 quærendis; cumque cetera vitia sene-
 scente homine senescant, sola juvene-
 scit avaritia. Odium porro & invi-
 dia pertinacissimi morbi, nec quâ re-
 liqui affectus facilitate sanabiles, nisi
 in cunabulis pereant. Gulæ vero qui
 serviunt, malam certe dominam ha-
 bent, quæ tanto sit imperiosior, quo
 fideliores nacta est servum, & quia
 cognatam habet Lasciviam Gula, tan-
 to plus ea nocet castimoniam, quo
 plus illecebris nutritur. Quis jam ille,
 & laudabimus eum, qui cum Tobia

180: SIGNVM XII.

glorietur : Mundam servavi animam meam, ab omni concupiscentia : hoc enim est omnes cithara fides in concordiam componere ?

Reg. 111. Saul Agagum regem carcere
25.c. damnavit, quem Dei iussu, capite debuisse. Nos quoque non minus turpi clementia in affectus nostros statuimus, & jugulandos non necamus sed sola mulctamus carcere, cum id potissimum cavemus, non ut extirpentur, sed ne fide prorumpant foras, licet intus saviant. Ita dum latenti hosti parcimus, eum in nos ipsos arriamur, ut quod principio lapsus fuerat & error, paullatim mos fiat & consuetudo, ex qua demum vitiosissima oritur necessitas. Ita sensim ab hoste domestico undique oppressi, clamamus: Non possum me hinc vincere: assuetis carere non possum, mori me cogit, qui hanc mihi delectationem eripit. Sic errores nostri in mores abeunt; & quia malignos affectus non in herba opprimimus, sed crescere permittimus, tandem silvam crevisse cernimus, & ingens dumetum, quod nullis pane viribus amplius convelli possit. Sed neque hic desperandum, cum etiam consuetudo expugnari queat consuetudine meliori, & tanto futura sit corona pretiosior, quo difficilior pugna: volenti cum bono Deo vincere, certa est victoria. Modo Moses marinos flu-

Exod.
14.

flus

Æus virga increpet , cetera curabit
 Deus, & tutus transibit Israel, & tota
 mergetur Ægyptus. Amorrhæus &
 Chananaeus nostris confinibus exter-
 minabuntur , modo discamus certare
 cum hostibus , & habere consuetudi-
 nem præliandi. Militia est vita homi-
 nis super terram. Nemo sibi ipsi fi- Job. 7.
 dat , periculosiorem etenim insidia-
 torem & hostem nemo habet, quam
 seipsum, cum quo nulla satis tutæ pos-
 sunt esse induciæ: neque securum est,
 prius claudi hoc hominis armamen-
 tarium , quam aperiri sepulchrum.
 Semper in armis excubet , cui cordi
 est reportanda de tot hostibus victo-
 ria. Pulchre Cyprianus: Voluptatem,
 inquit, vicisse, voluptas est maxima ;
 nec ulla major est victoria , quam ea
 quæ à cupiditatibus refertur. Qui enim
 hostem vicit , fortior fuit , sed altero
 qui vero libidinem repressit , fortior
 fuit seipso. Citharædus tamdiu dis-
 cordes inter se chordas ad musicam
 legem attemperat , dum in sympho-
 niam consentiant: Prædestinatus tam-
 diu turbatos inter se affectus concia-
 liat, dum religiosæ paci non contradi-
 cant. Si Platoni credimus , corpus
 nostrum cithara est , citharædus est
 animus, cui nunc hæ , nunc illæ fides
 tentandæ ; modo lex oculis , modo
 linguæ ponenda ; modo aures , modo
 manus astringendæ ; Nunc luxuriæ ,
 nunc impatientiæ affectus , ad debi-

tam normam revocandi. Peritus sane
 citharoædus fuit qui dixit : Castigo
 corpus meum & in servitutem redi-
 go. Prædestinati princeps cura est, ut
 quotidie citharam suorum affectuum
 examinet : & jam cum iracundia sua
 litigat, nunc invidiam reprehendit,
 modo suam somnolentiam extimulat,
 mox latitiam refrænât, inde tristiti-
 am mitigat, semper his suis chordis
 oberrat, totiesque vel remittit, vel
 severius intendit, donec in harmo-
 niam conspirent. Nihil suis affectibus
 indulget prædestinatus, nemini mi-
 nus parcit quam sibi, deprehensam
 in se ream cupiditatem, non nisi ad
 crucem absolvit. Signum itaque præ-
 destinationis est & istud : Qui Christi
 sunt, carnem suam crucifixerunt cum
 vitiis & concupiscentiis suis.

S I G N O R U M
 D E
 PRÆDESTINATIONE
 E T
 PRÆDESTINATORUM
 P A U C I T A T E
 C O R O N I S.

Dictis addat coronidem mellifluus
 doctor, Bernardus: Novit Domi-
 nus, inquit, qui sunt ejus, & solus ^{Serm.}
 ipse scit quos elegerit à principio, ^{2. de}
 quis vero scit hominum, si est dignus ^{octav.}
 amore vel odio? quod si, ut certum
 est, certitudo nobis omnino negatur,
 nunquid non tanto delectabiliora e-
 runt, si qua forte electionis hujus si-
 gna possimus invenire? quam enim
 requiem habere potest spiritus noster,
 dum *prædestinationis* suæ nullum adhuc
 testimonium tenet? Fidelis proinde
 sermo & omni acceptione dignus,
 quo salutis testimonia commendan-
 tur. Hoc sane verbo & electis conso-
 latio ministratur, & subtrahitur re-
 probis excusatio. Cognitis siquidem
 signis vitæ, quisquis hæc negligit,
 manifeste convincitur, in vano acci-
 pere animam suam, & pro nihilo ha-
 bere terram desiderabilem. Jure ne-
 mini nisi sibi ipsi culpam impingat,
 qui nullum *in se prædestinationis* si-
 gnum

134 DE PAUCITATE

Ad.
27.

Resp. 3.
ad cap.
object.
Gallic.

Lib. I.
ad
Simp.
q. 2.
Epist.
105.

Matt.
7. v. 27.

Luc.
13. v.
23.

Rom.
2.

gnumprehendit. Non caca fortione, coelo vel inferis, hos vel illos praeordinavit Deus. Notum a saculo est Domino opus suum. Ita *ex praevisis omnium meritis*, vel his praeium, vel supplicium illis decrevit, ut rectissime dixerit D. Prosper: Non ex eo necessitatem pereundi habuerunt, quia praedestinati non sunt; sed ideo praedestinati non sunt, quia tales futuri ex voluntaria praevaricatione praesciti sunt. Consentit Augustinus: Non odit Deus Esau hominem, sed Esau peccatorem. Nihil enim in homine Deus aliud odit, nisi peccata. Idem: Solum, ait, peccatum viam obstruit ad coelum. Omnes quidem metam ad unam properamus, sed heu quam diversis semitis & imus, & currimus, & perimus! Arcta via Vitae; mollis, rosea, & *lata perditionis*: asperitas montium illic, hic vallium declivia. *Facilis descensus Averno*. Clamat Veritas, monet & adhortatur; *Intrate per angustam portam quia lata porta & spatiosa via est, quae ducit ad perditionem & MULTI sunt qui intrant per eam: quam angusta porta & arcta via est quae ducit ad vitam, & PAUCI sunt qui inveniunt eam!* Idem denuo ingerit: *Contendite intrare per angustam portam quia multi dico vobis, quarent intrare, & non poterunt. Vere angusta haec est semita, quae non nisi uni & sine comite licet incedere. Vnusquisque nostram pro se*

se reddet rationem Deo : unusquisque onus suum portabit : unusquisque propriam mercedem accipiet secundum suum laborem. Et hoc est quod ingemiscens Christus : M V L T I sunt, inquit *vocatis*, P A V C I vero *electi*. Hoc unicum verbulum, P A V C I, velut horrendum & inauditum tonitru, magnam orbis partem è vitiorum veterno excitavit : ex urbibus in antra atque horridas solitudines non paucos expulit, & quot centena Martyrum millia in catastas & equuleos, in rotas atque rogas, in cruces & bestiarum fauces, in armatas tortorum manus egit? vox una erat illorum omnium : Mori nobis facile est, modo demum vivere liceat, inter PAVCOS, illos E L E C T O S: ludat gladius jugulis nostris, modo P A V C I S illis sed B E A T I S annumermur. Et quis eorum non ausus dicere? Si unus ego vel centum cruces vestire possim, non abnuam: si unus ego possim vel centum cervices securi porrigere, nullam subtraham: centies mori, jocus mihi erit, tormenta pro fomentis habebo, modo ad illam PAVCORVM in paradiso societatem admitat. Hinc illa Ignatii martyris generosissima vox : *Ignis, crux bestia! tota in me tormenta diaboli veniant, tantum ut Christo fruatur*: Hoc idem ore Christi missum tonitru, hac eadem vocula PAVCI, tot impura vitæ homines & viri-

viridantibus luxuris poenitentiae com-
pegit; satius illis visum est inter pau-
cos servari, quam cum plurimis peri-
re, non enim minus perit qui perit in
turba. Et haec salvandorum paucitas,

2^a Pet.
2.

De hac ipsa, iustitiae praeco Noë (sic ap-
pellatur à Petro Apostolo) centenis
annis & amplius concionatus est ante

Gen. 7.

diluvium. At omnibus in scelere obsti-
natis, octo solum animae ex omni ho-
minum numero, in ligneo illo seu car-
cere, seu navigio sunt servatae: & inter
hos pauculos, impius Cham erat. Nam
uti semper odoriferis proxima spina
rosis jungitur, ita rarissima proborum
societas est, sine mixtura improborum.

Gen.
18.

Quod si Deus Sodomaeam terram e-
versurus, vel decem probos reperisset,
ad Abrahami preces omnibus aliis
pepercisset, sed omnis illa terra nec de-
narium quidē iustorum aluit. Vere tunc
sterilissima fuit probitatis annona. Igi-
tur Lotho ab Angelis praecipitur: *Festi-*

Gen.
19.

na & salvere. Ita maximo huic incen-
dio, quo florentissima Sodomorum &
Gomorrhæorum civitates deflagra-
runt, non nisi tres homines sunt sub-
ducti: irae divinae signa hodieque illic
locorum extant. Sed & illud servan-
dorum paucitatē clare praenuntiabat:

Exod.
32.

Cum Moses sexcenta millia virorum
peditum, absq; parvulis & mulieribus
educeret Aegypto, & vulgus promi-
scuum innumerabile sequeretur, duo

tantum è tanto numero in fertiles illas terras pervenerunt, ceteris omnibus eremus pro capacissimo tumulo fuit; in hoc velut unicum conditoriū tot millia mortuorum descenderunt.

At vero Ægyptius tyrannus, qui populum è fuga retracturus insecutus est cū ^{Exod. 14.}

universo exercitu, rubri Oceani fluctibus sepultus est. En, quot millia vivorum in vastissimo hoc sepulchro sunt condita? Quis non timebit te, o rex Gentium!

Porro propter adoratum idolum; prædicat Moyses. Si quis est ^{Hiere. c. 10. Exod. 31.}

Domini, iungatur mihi, & eodem die ^{31.}

caesa sunt viginti quatuor millia hominum.

Magna profecto strages, quam edidit unicus ex alto vitulus. Panta est coram

Deo vel unigeniti peccatum. Cum Jo-

sue civitatem Hiericho, circummetundo ^{Josue. c. 2. & 6.}

& clamando expugnasset, quicquid &

hominum & unigeniti peccatum, flamma gladioque perivit. Ipsa de-

rum quasi unius cadaveris bustum, in

altissimo cinere deflagavit, una do-

mus, à cade urbisque incendio servata

est immunis. Duce Gedeone Madianitas impugnatus, è triginta duobus ^{Jud. 7.}

millibus militum, trecenti tantum se-

lecti sunt ad pugnam, reiectis ceteris

omnibus. Nullum Deus numerum cur-

rat, nisi bonorum: nec via ad inferos

longa est; unico itur anhelitu, unicole-

thali crimine rei laxa Majestatis effi-

cimur, & digni aternis rogis. Ita olim ^{Jud. 20.}

propter unicum libidinosum facinus,

qua-

quadraginta millia Hebræorum; Ben-
 jamitarum quinquaginta millia & sex-
 centi jugulati sunt. Bethfamitæ arcem
 Dominicus curiosius tantum intuiti, quot
 millium strage hanc oculorum licen-
 tiam luerunt? Non minus clare in
 sacra Regum historia, hæc prædesti-
 natorum raritas oculis subjicitur. Ab-
 salomo rebellem exercitum in pa-
 trem ducente, pervolat cursor ad
 regem David, nunciatque; *Totus cor-
 de univversus Israel sequitur Absalom.*
 Cumque etiam Seba furiosam multi-
 tudinem in suum regem concitasset,
 mox alijs supervenit rumor: *Separatus
 est omnis Israel à David, secutusque est
 Seba.* Mundum inspice, & idem nunc
 pene fieri dices. Christus, alter David,
 viam nobis signat suo sanguine cru-
 entisque vestigijs, opertum spinis ge-
 ritur; infamem crucis trabem fert
 humeris, sanguinè mixtim lacrimis-
 que natant moribundi oculi, & hoc
 habitu Calvaria montem conscendit,
 & ut sequamur, hortatur. Sed heu,
 quam raros habet comites, qui cum
 ipso, eo quo possunt modo, velint
 crucifigi? liceat dicere: Totus mun-
 dus in maligno positus, toto corde
 sequitur non Seba, sed Satanam: præ-
 corum iter est in montem Golgotha
 cum Christo. Huc illud quoque perti-
 net, quod cum David rex elatiore spi-
 ritu populum censeri jussisset, septua-
 ginta hominū millia peste sunt con-
 sum-

sumpta. Et ista quidem omnia, futu-
rorum umbræ, & velut prologus seu Mat. 7.
Luc.
13.
exordium fuerunt concionis illius,

quam Christus de paucitate præde-
stinatorum erat habiturus. Judæos
jam mihi numerā ab Abrahamo us-
que ad diem mundi ultimam, & illa
in Apocalypsi centum quadraginta
quatuor millia, vix pars erunt mille-
sima omnium simul numeratorum,
ita ut ex omni eorum numero mil-
lesimus Judæus inter prædestinatos
non veniat numerandus. Et quod
de Hebræorum, idem de omnium
aliorum hominum numero, salva
proportionē, recte astruitur, nā quod
Christus prædixit Iudæis & omnibus
aliis commune est, nec enim paucos
tantum ex Iudæis arcto tramite ad
vitam ituros, sed absque discrimine
pronunciavit: *PAUCI inveniunt eam.*

Huic veritati confirmandæ, Prophe-
tæ plerique omnes acclamant. Isa. c.
Isaias: 5.

*Dilatavit infernus animam suam, & a-
paruit os suum absque termino, quia suc-
censa est velut ignis impietas, veprem &* Isa. c.
9.

*spinam vorabit & succendetur in densi-
tate saltus, & convolvetur superbia fu-
mi. Vepres enim & spinæ erunt in uni-
versa terra.* Isa. c.
24.

Et ubi quæso libidinis
atque luxuriæ vepres non in silvam
excrescunt? ubi non surgunt densis-
simæ spinæ curarum, & sollicitudi-
num pro numis, non pro cælo? Vere
terra infecta est ab habitatoribus suis, Exo.

K

quia 24.

- Isa. c. 56. quia transgressi sunt leges, mutaverunt
jus, dissipaverunt fœdus sempiternum. Omnes in viam suam declinaverunt. Unusquisque ad novissimum. Hieremias non minus flebili questu hanc proborum paucitatem deflens: Circuite, inquit, vias Hierusalem & aspici- te, & considerate, & quarite in plateis ejus, an inveniatis virum facientem ju- dicium, & quarentem fidem? Æs & fer- rum, universi corrupti sunt. Non divites tantum, sed quod mireris, pauperes quoque superbire sciunt & lascivire, jamque etiam paupertas didicit cum vitiis habere amicitiam: universi corrupti sunt, æs & ferrum, argentum & stannum. Et ut mali originem ex- ploraret propheta: Attendi, ait, & auscultavi, nemo quod bonum est, loqui- tur, (nimis verum nostro hoc ævo) nullus est qui agat pœnitentiam super peccato suo, dicens, quid feci? omnes con- versi sunt ad cursum suum, quasi equus impetu vadens in prælum. Væ terræ, væ hominibus, adulteris repleta est ter- ra. Michæas æque lamentatur hanc virtutis orbitatem: Væ mihi ait, non est botrus ad comedendum: periit sanctus de terra, & rectus in hominibus non est. Davidi hæc consideranti, exundan- tes lacrymis oculi, ad instar fonticu- lorum coeperunt fluere: Deus, inquit de cælo respexit super filios hominum, ut videat, si est intelligens aut requirens Deum. Omnes declinaverunt, simul inu- tiles

tiles facti sunt, non est qui faciat bonum, ^{Ps. 15.}
non est usque ad unum. Consideret
 quis lacrymabilem hujus ævi statum,
 variamque morum corruptelam, &
 cum regio vate sentiet, dicetque re-
 diisse Noëmi tempora, aut similli-
 ma illis. Nam *sicut erant ante dilu-* ^{Matth.}
vium comedentes & bibentes, & nuptui ^{24.}
tradentes usque ad eum diem quo intra-
vit Noë in arcam, & non cognoverunt
donec venit diluvium & tulit omnes. Ita
 & nunc virtus ubique terrarum aut
 exulat, aut ubi admittitur, non ha-
 bitationis lege ut inquilina, sed ho-
 spitii gratia ut peregrina recipitur,
 non nimis diu retinenda. At vitium
 amplissimi juris & dominii, regna
 sua non amplius numerat; late ni-
 mis dominatur. Palliata injustitia,
 oculatissima invidia res suas auda-
 cter hinc agunt; & multo quam au-
 dacissime, exosum coelo vitium, spur-
 cissima luxuria. Sic demum probor-
 um numerus ad paucos redigitur,
 qui ad improborum myriadas col-
 latus, Biantis dictum confirmat: *Rari*
boni, pravi plurimi Huic accedens
 Ambrosius: In comparatione, in-
 quit, reproborum, exigua est turba ^{Thren.}
 electorum. Nam ubique multitudo ^{c. 1.}
 peccantium, ubique turba pereun-
 tium. Vere lugent viæ Sion, at rident
 semitæ Babylon. Profecto, si quis
 mentis oculos in viam quæ præci-
 pitio ad inferos imminet, intendat,

adverteret eam tam esse viatoribus frequentem & celebrem, ut alius alium impellat ac trumat gratiosa compressione. Ita cuncti ad gehennæ flammæ, velut ad nuptias alternis exemplis properant. Non primum est tantum iter ad vitia, sed præceptum.

Isa.
c. 24.

Ad virtutem via ducit ardua, sed viatores hîc pauci, & fere ignoti. Præfago luctu commonens Isaias: Hæc erunt, inquit, in medio terræ, in medio populorum, quomodo si paucæ olivæ quæ remanserunt, excutiantur ex olea, & racemi, cum fuerit finita vindemia. Hoc vaticinio, bonorum raritas, racemulis & olivis pauculis, quæ post copiosam olivitatem & vindemiam pauperibus in prædam relinquantur; improborum vero copia abundanti uvarum & olivarum segeti conferri potest. Non est enim

Os. c. 4. veritas, inquit Oseas, & non est misericordia, & non est scientia Dei in terra. Maledictum, & mendacium, & homicidium, & furtum, & adulterium inundaverunt, & sanguis sanguinem tetigit. Nimis quam aperte proborum paucitatem Prophetæ deploraverunt.

Post Prophetarum lacrymas, eandem hanc beatorum paucitatem in lege nova deplorant Apostoli, Ioanne affirmante: *mundus totus in malo positus est.* Petrus quærit: *Si iustus*

Epist.
x. c. 5.
Epist.
x. c. 4.

vix salvabitur, peccator & impius ubi

pare-

parebunt; Paulus luget: *Omnes quæ* ^{Ad Phil. 2.}
sua sunt quarunt, non quæ sunt Christi.
Hoc ipsum sæpius repetit. Christus ^{Matth. 11.}
ipse: *Regnum cælorum, inquit, vim pa-*
titur, & violenti rapiunt illud. ^{Luc. 6.} Nec in- ^{Luc. 9.}
terim minari desinit. *Va vobis divi-*
tibus, quia habetis consolationem vestram:
Va vobis qui saturi estis, quia esurietis:
Va vobis qui ridetis nunc, quia lugebitis
& flebitis. Nec auribus tantum quæ
audiant, sed & oculis quæ videant,
opponit, B. Luca narrante, Pars boni ^{Luc. 7.}
feminis in saxa jacitur exiccanda,
pars alia in dumos & vepres spargi-
tur suffocanda; pars etiam in viam
abjicitur conculcanda, quarta pars
duntaxat terram bonam sortitur. Sic ^{Luc.}
è decem leprosis jam curatis, unus ^{14.}
regressus agit gratias. Invitati ad lau- ^{Ioan. 5.}
tissimam cœnam, coeperunt simul ^{Ioan. 7.}
omnes excusare. Mota piscina è tot
morbidis unus sanatur. Unus Ni- ^{Lib. 5.}
codemus inter Hebræos senatores, ^{c. 77.}
liberius paullo pro Christo loqui- ^{in Luc.}
tur. E tot divitibus & avaris Hieri-
chuntinis civibus, è tot scilicet onu-
stis camelis, unus Zachæus depo-
sita gibbi sarcina (sic Beda loquitur)
hoc est opum onere relicto & per
angustam portam ingressus, rem in-
iuste partam restituit. E telonio uni- ^{Luc.}
cus Matthæus, unica Magdalena è ^{19.}
prostibulo ad vitæ innocentiam nar- ^{Act.}
rantur transisse. Paulus ante Philip- ^{16.}
pos urbem Macedonia, conciona- ^{Act.}
tur; ^{17.}

- Actor. 16. tur; auditores multi, factores fere nulli; uni Lydia Christiana lex placet. Idem Paulus Athenis in curia de Christo differit: auditores non tantum multi, sed & docti, multi etiam irrisores, qui tamen Paulo crederet, non fuit nisi Dionysius & Damaris. In celeberrimo septuaginta duorum concilio, vix unus aut alter reperti, qui Christi sanguinem non sitirent. Sic ante crucem Domini, spectatores multi, amatores crucis aut imitatores pauci. Sic & hodie conciones multæ, mutationes morum raræ: tanguntur vitia, non extinguuntur; notari se vix ferunt, nedum eradicari: **MULTI** *vocati*, **PAUCI** *electi*, eheu **PAUCI**. Ad fidem, inquit Gregorius, multi veniunt, sed ad coeleste regnum pauci perducuntur. Nimirum in area plus palearum est quam tritici, plura sunt arborum folia quam fructus; multi in vite pampini, pauca uvæ, multæ in rosetis spinæ, pauca rosæ: multi ubique silices, pauca gemmæ; sic & numerus eorum quos divina providentia ad beatitatem provehet, ad improborum multitudinem collatus, est exiguus. Quam vere vaticinatus est Hieremias: *Desolatione desolata est omnis terra, quia nullus est qui recogitet corde. Qui cordescilicet corde recogitet: nimis volatiles sunt cogitationes nostræ, nec bono honestoque*
- Actor. 17.
 Luc. 23.
 Hom. 19. in Luan.
 cap. 12.

stoque affigi se diu patiuntur: qua-
 lubet expatiantur. Hinc exiguus ge-
 hennæ metus aut nullus, hinc frigi-
 dum coeli desiderium aut inconstans.
 In Christianos etiam hæc cadit accu-
 satio: *Pro nihilo habuerunt terram desi-* ^{Psal. 105.}
derabilem, Quid cœlo desiderabilius?
 sed quia cogitationes nostræ, raro il-
 luc commeant, hoc etiam beatorum
 regnum, ut rem ignotam fastidimus,
 aut certè frigidissimè appetimus. Et
 hinc spes & vires crescunt tartareo gi-
 ganti Behemoth, uti de eo Job: *Ecce* ^{Job. c. 40.}
absorbebit fluvium, & non mirabitur, &
habet fiduciam quod Iordanis influat in os
ejus. Ideo idem iste patientissimus vi-
rorum: Verebar, inquit, omnia opera ^{cap. 9.}
mea, sciens quod non parceres delinquenti:
 Omnia dicta factaque mea, imo &
 cogitata suspecta mihi fiunt, dum in-
 exorabilem Dei iusticiam cogito. Et
 hoc est quod notus ille Hilarion (de ^{In vita illius c. 38.}
 quo Hieronymus) in morte trepidat,
 & jam jam tribunali iudicis Christi si-
 stendus, pavet. Medicus adhuc calor
 tepebat in ejus corpore, nec præter
 sensum quidquam vivi hominis super-
 erat, & tamen apertis oculis loqueba-
 tur: Egredere, quid times? egredere
 anima mea, quid dubitas? septuaginta
 prope annis servisti Christo & mor-
 tem times? non tam mortem timuit
 animus, quam imminens sibi judi-
 cium expavit. Ite nunc mei Christia-
 ni, & dum sanctissimi viri de salute
 sua

sua trepidant, vos secure delitiamini, auri argentique acervos struite; alternis invidiæ morsibus vosmet lacerate, & consumite; honorum venationes & gloriarum aucupia instituite; indulgete genio hilariter: Cœlum cœli domino, terram autem dedit filiis hominum: hîc este cives: sit sua libertas oculis, sit & cogitationibus, sit omnibus affectibus: excurrant ii quo volunt: quidquid lubet, licere vobis credite, nullam corpori voluptatem negate, curate ut vobis hîc bene sit & suave: Ambulate in viis cordis vestri, & in intuitu oculorum vestrorum, & scito te quod

Eccl. 11. pro omnibus his adducet vos Deus in iudicium. Et quamvis annis multis vixerit homo, & in his omnibus letatus fuerit, meminisse debet tenebrosi temporis, & dierum multorum, qui cum venerint, vanitatis arguentur præterita. Ergo po-

2 Petr. 1. tius satagite, ut per bona opera, certam vestram vocationem & electionem faciatis. Divinæ Prædestinationis signa quæ sint, audistis. 1. Non amici tantum, sed & inimici sunt amandi. 2. Sublevandi pauperes, non argentea tantum manu, sed & pleno misericordiæ affectu. 3. Adversa omnia sic toleranda sunt, ut Dei voluntas, in his etiam laudetur, & patientia continetur. 4. Fortunæ bona præ cœlo nihili facienda. 5. & 6. Admonitiones autem siue interiores Dei, siue homi-

hominum exteriores parum est ei exaudire, qui obedire detractat. 7. Porro prioris vitæ delicta sic detestanda sunt, ne novis identidem cumulentur. 8. Neque ullus placere se putet Deo, qui sibi nondum displicet. 9. Nec Christum à se amari credat, qui in se Christi præsentiam non amat. 10. Affectibus vitiosis, principio præsertim, fortiter obsistendum, nam hîc esse potest, quisquis volet, Imperator. 11. Sic denique voluntas in bono firmabitur, alioqui semper vacillatura. 12. Sic & mors eo minus erit formidini, quo sæpius fuerit objecta meditationi: non invitus morietur, qui se moriturum quotidie & serio cogitaverit. Et hæc via est ad illam sine morte vitam. Suam nunc quisque conscientiam interroget, num hæc prædestinationis signa in se observarit, unde sperare possit, se via proborum quæ ad coelum ducit, non errare. Via pec- Ecd. c. 21. cantium complanata lapidibus, & in fine illorum inferi & tenebræ. Et tamen hac sub initium facili, plana & amœna via, densissimum agmen ita confertim ruit ad interitum, ut vel oculi testari cupiant, verissime à Christo dictum esse: *Lata porta & spaciøsa via est, quæ ducit ad perditionem, & multi sunt qui intrant per eam Multi, multi.* Complurium scriptis narratur; anachoretæ per extasin visas

Philip. animas , densæ nivis instar aut plu-
 Diez. viæ ad inferos delabi : adeo ut dam-
 tom. 5. con. 2. nati manes (narrat id Lusitanus o-
 de B. rator) non immerito quarere pos-
 Virg. sint : nunquid mundus ut antea per-
 ad Ni. severat ? tot enim animæ in hunc lo-
 S. Ant. cum tormentorum veniunt , ut vix
 3. par. tit. 24. credibile, tot homines in mundo esse
 hist. c. 9. par. posse.
 2. Hier.

Plat. Sanctus Vincentius Ferrarius Va-
 l. 1. de lentinus , è Sancti Dominici familia
 bono religiosissimus, & vere igneus ecclesia-
 stat. rel. stes de paucitate prædestinatorum pu-
 c. 15. blice pro suggestu disseruit, dictaque
 S. Vin- confirmavit celebri exemplo. Tanti
 cent. auctoris verba mutare religioni duxi-
 Domi- mus ; ea fideliter adnumerata , hæc
 nica sunt : Antequam Christus veniret in
 Sept. hunc mundum in humana carne, trans-
 ferm. 6. ierunt ultra quinque millia anno-
 post in- rum , & totus mundus damnabatur,
 itium Sed exceptis paucis de populo Israël , qui
 plures hoc ibant ad limbum sanctorum patrum.
 idem narrat. Quid
 hac in Item , tempore legis Moïsis , cogitate
 re sen- quot infantes mortui sunt absque
 tiendū, circumcissione. Sic modo tempore le-
 vide gis Christi , quot moriuntur absque
 Iacobū baptismo , & de his nullus salvatur.
 Grana- Item quot Agareni, quot pagani & in-
 dum fideles. Item , quot mali Christiani,
 theol. quia fides & baptismus cum bona vi-
 in 1. ta salvat hominem , alias non. Quot
 partem Christiani sunt , qui licet habeant fi-
 D. Tho. dem, tamen sunt superbi, avari, luxu-
 mæ tō. riosi, & sic de aliis peccatis, &c. Nota
 2. tract. hñc
 12. disp. mih i
 pag.
 719.

hic de Archidiacono Lugdunensi, qui per quadraginta annos fuit in exemplo magna poenitentia; postquam resignavit sua beneficia. qui post mortem apparuit Episcopo Lugdunensi, qui quæsit ab eo ut diceret sibi aliquid de alio mundo: qui respondit, quod in die qua ipse obiit, mortui fuerunt in mundo triginta millia, de quibus solum quinque fuerunt salvati, scilicet ipse, & beatus Bernardus, qui etiam illa die obierat, qui statim sine purgatorio ascenderat ad paradysum, & tres descenderant ad purgatorium; alii quidem descenderunt ad infernum. Propterea dicit Christus: intrate per angustam portam. Angusta porta paradysi. Voluntas Dei est. Ad istam oportet se restringere: qui paradysum vult intrare. Lata porta est, Voluntas propria. Via spatiosa inferni conversatio mundana, bene comedere, bene bibere, luxuriari, delectari, vindicare se de injuriis &c. Pauci sunt electi: Hæc cohortatio beati Vincentii, cui alium addimus Evangelicum orationem.

Putat hic auctor è Christianis plures salvandos: à quo nõ dissentimus. De quinq; millibus annorum alii aliter sentiunt.

Bertoldum memorant è D. Francisci familia, disertum ævo suo per Germaniam concionatorem, cum pro suggestu certum quoddam vitium gravissimis verbis insectaretur, feminam ejus sibi consciam, tantis animi doloribus haustam, ut in media

dia circumstantis populi corona,
 velut exanimis repente corruerit,
 mox tamen ad populi preces redie-
 rit ad se, recensueritque quæ ad Dei
 tribunal vidisset, illud cumprimis:
 Adducta illuc sexaginta millia, va-
 rio mortis genere defunctorum, ex
 omni gente, Christianis Barbarisque,
 ac tres duntaxat animas ex ingenti
 hoc numero ad brevius supplicium
 relegatas, ceteras ignibus addictas
 æternis. O verè M U L T I qui in-
 trant per eam, per latam & spatio-
 sam viam perditionis! Hoc sensu
 Christi, Ioannes Chrysostomus au-
 sus est scribere & dicere: Multo sunt
 plures gehennam ingredientes, sed
 majus est Dei regnum, licet habeat
 paucos. Et: Quot esse putatis in civi-
 tate nostra qui salvi fiant? infestum
 quidem est quod dicturus sum, dicam
 tamen: Non possunt in tot millibus
 centum inveniri qui salventur: quin
 & de his dubito. Quanta enim in ju-
 venibus quæso malitia? quantus in
 senibus torpor? &c. Hæc Chrysosto-
 mus, vir prudentissimus & sanctissi-
 mus, Ecclesiæ doctor, lumen orbis;
 idque dixit de Antiochia urbe longe
 populosissima, idque eo tempore quo
 primavæ Ecclesiæ spiritus nondum
 intepuerat. Qui jam miretur, Paulum
 adeo sollicitum monere: *Cum metu
 & tremore vestram salutem operamini;*
 quando Christus ipse tam aperte
 præ-

Tom.
 3. Pag.
 522.
 hom.
 24. &
 tom. 5.
 Pag.
 248.
 hom.
 40. in
 Act.
 Apost.
 it. de
 pœn.

Ad
 Phil. 2.
 Luc.
 6. 13.

præmonuit: *Contendite intrare per angustam portam.* Contendite, clamat Veritas, contendite, enitimini, adlaborate, conamini omnibus viribus, ut hanc portam dignis poenitentia¹ Cor. fructibus penetratis. Vacillantibus² Gal. 5. & ludibundis passibus huc non ve-³ Mat. 3. nitur: vigilantissimo conatu opus^{Lib.} est, & qui velit difficultates quascun-^{11.} que perfringere. Nisi enim mentis^{mor.} intentio ferveat, ait ex Gregorio^{c. 26.} Beda, & vim sibi insigniter homo^{in nov.} faciat, facile gradum revocat, haud^{exemp.} valens portæ angustias pertransire, præ ea quam patitur effranium carnis concupiscentiarum effusione: ut præteream tentationes persecutionesque, quas dæmon & mundus iis movent, qui portam hanc trajicere conantur. Et uri remiges adversus flumen scapham impellentes, omni quo possunt conatu remis incumbunt: sic qui contra tot hostium insultus animam ad coelum impellunt, toto pectoris annisu virtuti incumbere, impetumque impetu majori vincere necesse est; si nolint, anima perinde ut scapha, vi fluminis in errorem irreparabilem abripietur. *Evigilate itaque justi, & nolite* ¹ Cor. peccare. Is autem vigilare censendus^{15.} est, qui sic semper & ubique vivit, ut unamquamque lucem tanquam ultimam & non redituram consumat: qui in omni cogitatu & facto sic suam

152 DE PAUCITATE

observat conscientiam, quasi hodie moriturus. Faciamus ergo dum possumus, quod fecisse vellemus, cum non amplius poterimus. *Qua semi-*

Gal. 6. *naverit homo hac & metet: quoniam qui seminat in carne sua, de carne & metet corruptionem: qui autem seminat in spiritu, de spiritu metet vitam aeternam.*

FINIS.




APPROBATIO

R. P. Provincialis.

Zodiacum Christianum locupletatum, quem P. Hieremias Drexelius Societatis nostræ presbyter, de duodecim Prædestinationis signis conscripsit, aliquot ejusdem Societatis Theologis censum probatumque; Ego Christophorus Grenzing, Societatis Iesu per superiorem Germaniam Præpositus Provincialis, facta mihi potestate, ab admodum R. P. N. Generali, Mutio Vitellesco, in lucem dari permitto: fidemque mea manu facio, & more Societatis consigno. Monachii 111. Idus Septembris. Anno M. DC. XXX.

Christophorus Grenzing.



BC845237







